




გ. მელიქიშვილი

უკაკბუ

სამეცნიერო-პოპულარული ნაკვეთი
ქართული ხალხის
წინაპრების ისტორიიდან



საქართველოს სსრ განათლებას სამინისტროს
საბავშვო და ახალგაზრდაობის ლიტერატურის
სახელმწიფო გამომცემლობა

19 თბილისი 51

ქართველი ხალხის წინაპრების საკითხი ენის შესახებ სტალინური
მიძღვრების სინათლეზე

ქართველ ხალხს დიდი ისტორიული წარსული გააჩნია. ათასი წლების მანძილზე შეგვიძლია გავადევნოთ თვალი მისი გმირული ბრძოლისა და სახელოვანი შრომის ისტორიას. მაგრამ რაც უფრო შორს მივდივართ ამ ათასწლეულთა სიღრმეში, მით უფრო მკირდება ცნობები ქართველი ხალხის წარსულის შესახებ, სულ უფრო და უფრო ძნელი ხდება ქართველი ხალხის ამ შორეულ წარსულზე მსჯელობა. ამიტომაც, რომ ამ უძველესი დროის შესახებ ხშირად მეცნიერებაში ვრცელდება არასწორი შეხედულებები. ასე მაგალითად, სულ ცოტა ხნის წინათ გავრცელებული იყო აზრი, თითქოს ქართველი ტომები ახლანდელი საქართველოს ტერიტორიაზე დაახლოებით ამ 2500 წლის წინათ უნდა მოსულიყვნენ სამხრეთიდან. ამ მოსაზრებას ბევრი არაფერი საბუთი გააჩნდა და დღეს იგი ჩვენს ქართულ საბჭოთა მეცნიერებაში სამართლიანადაა უარყოფილი. ჩვენ არავითარი საფუძველი არა გვაქვს ქართველი ტომები ადრეულ ხანებიდანვე ახლანდელი საქართველოს მიწაწყალზე მცხოვრებლებად არ ვიგულისხმეთ. ის თავისებური

და მაღალი კულტურა, რომელსაც ჩვენ უძველეს ხანებში (კერძოდ, „ბრინჯაოს ხანაში“, — II ათასწლეულის მეორე ნახევარსა და I ათასწლეულის პირველ ნახევარში ჩ. წ-მდე) საქართველოს ტერიტორიაზე ვხვდებით, უშუალოდ, ქართველი ტომების უშუალო წინაპრების კულტურაა.

ქართველი ხალხის შორეული წარსულის გაყალბების საფრთხე სხვა მხრითაც არსებობდა: აკად. ნ. მარის ცრუმეცნიერული საენათმეცნიერო თეორიის საფუძველზე ჩვენში შეიქმნა ეთნოგენეზის (ხალხთა წარმოშობის) თეორიები, რომლებიც ამა თუ იმ ხალხის ენასა და ეთნიკურ სახეს უკარგავდნენ ინდივიდუალობას და ნიჰილისტურ დამოკიდებულებას ნერგავდნენ ამ ხალხის ისტორიულ წარსულისადმი. ნ. მარი უარყოფდა ენათა შორის ნათესაობის არსებობას მათი წარმოშობის მიხედვით. ასე მაგალითად, თუ სლავური ენები (რუსული, უკრაინული, ბელორუსული და სხვები) ასე ძალიან ჰგვანან ერთმანეთს, ეს ნ. მარის მიხედვით იმის შედეგი კი არ არის, რომ ისინი ერთი საერთო ძირიდან მოდიან, ერთი საერთო ფუძე-ენის დიფერენციაციის შედეგს წარმოადგენენ, რომელმაც მოგვცა მთელი წყება მონათესავე ენებისა, არამედ იგი შედეგია იმისა, რომ ამ ენების ჩამოყალიბებაში მონაწილეობას იღებდნენ მსგავსი კომპონენტები. ენის განვითარება ნ. მარის მიხედვით მიიმართება ნახტომების გზით, რომლითაც ერთი ენიდან მეორე ენა შეიძლება მივიღოთ. ასეთი ნახტომების საფუძვლად კი ნ. მარი მიიჩნევდა სხვადასხვა ენების შეჯვარედინებას. მისი აზრით ენათა განვითარება მხოლოდ ერთი გზით მიდის — მრავალი ენიდან ერთი ენისაკენ: იყო უამრავი პატარ-პატარა ერთეულების ენები, რომელთა შეჯვარედინებით იქნებოდა ახალი, უფრო მსხვილი ერთეულების ენები.

ნ. მარის ამ თეორიაზე დაყრდნობით შეიქმნა ჩვენში ეთნოგენეზის (ხალხთა წარმოშობის) თეორია, რომელიც ამტკიცებდა, რომ ისევე როგორც ენის განვითარებაში, ხალხთა წარმოშობა — განვითარებაშიც ჩვენ ნახტომებრივ განვითარებასთან გვაქვს საქმე, რომ ესა თუ ის ეთნიკური წარმონაქმი არის წინა სტადიის ეთნიკური ჯგუფების ისტორიული ტრანსფორმაცია. ეთნოგენეზი (ხალხის წარმოშობა) ნახტომების

გზით მიიმართება, ამასთანავე, მომხდარი თვისობრივი ტრანსფორმაციის (გარდაქმნის), მომხდარი ნახტომის, საფუძველია წინა სტადიის ტომთა შეჯვარდინება.

1950 წელს დაიბეჭდა ამხანაგ სტალინის საენათმეცნიერო ნაშრომები — „მარქსიზმის შესახებ ენათმეცნიერებაში“, „ენათმეცნიერების ზოგიერთ საკითხზე“ და „პასუხი ამხანაგებს“. ამ ნაშრომებით ამხანაგმა სტალინმა გაანადგურა ნ. მარის ცრუმეცნიერული, ანტიმარქსისტული თეორია. მან გენიალური სიცხადით მოგვცა ენის ბუნებისა და მისი განვითარების გზების განსაზღვრა, დაგვანახვა, რომ ენა სულაც არ ვითარდება ისე, როგორც ამას მარი და მისი მიმდევრები გვიპაპავდნენ. იმან კი საფუძველი გამოაცალა აგრეთვე ეთნოგენეზის მარისტულ თეორიას, რადგანაც ამა თუ იმ ხალხის წარმოშობა-ჩამოყალიბების საკითხის განხილვისას უმნიშვნელოვანეს საკითხს წარმოადგენს ამ ხალხის ენის წარმოშობა-განვითარების საკითხი.

ეთნოგენეზის პრობლემა გულისხმობს იმ ელემენტების მოძებნას, რომლისგანაც ჩამოყალიბდა და განვითარდა ეს ხალხი. რაა ის ელემენტები, რაც განსაზღვრავს ამა თუ იმ ხალხის სახეს? ესაა — ენა, კულტურა და ანთროპოლოგიური (რასიული) ტიპი. ყველაზე ნაკლებ მნიშვნელოვანი ამათ შორის არის უკანასკნელი — რასიული მომენტი. თითქმის ყოველი ხალხი მრავალი სხვადასხვა რასიული ელემენტის ნარევს წარმოადგენს. ამხანაგი სტალინი აღნიშნავს, რომ დღევანდელი იტალიის ერი შექმნილია რომაელებისა, ეტრუსკებისა, ბერძნებისა, არაბებისა და სხვათაგან; საფრანგეთის ერი ჩამოყალიბდა გალების, რომაელების, ბრიტების, გერმანელების და სხვათაგან. იგივე უნდა ითქვას ინგლისელებზე, გერმანელებზე და სხვებზე, რომლებიც ერებად სხვადასხვა რასისა და ტომის აღამიანთაგან ჩამოყალიბდნენ. საბჭოთა ანთროპოლოგების კვლევა-ძიებამ ცხადჰყო, როგორც უეჭველი ფაქტი, რომ ერთი და იგივე რასიული ელემენტები შედის სულ სხვადასხვა ხალხებში, რომლებიც ძალზე შორს დგანან ერთმანეთისაგან ენითა და კულტურით.

უმნიშვნელოვანესი ეთნიკური ნიშანი სწორედ ენაა. იგი

ყველაზე უფრო მკაფიოდ ავლენს ამა თუ იმ ხალხის თავისებურებას, მის სახეს. ენა ის უძლიერესი იარაღია, რომლითაც ესა თუ ის ეთნიკური კოლექტივი ინარჩუნებს თავის სახეს; ენა ის იარაღია, რომელიც საშუალებას აძლევს ხალხს დაიცვას თავი ყოველი ჯურის დამპყრობლებისა და ასიმილაციონებისაგან, გადაირჩინოს თავისი ინდივიდუალობა, თავისი სახე. „ისტორია გვიჩვენებს, — აღნიშნავს ამხანაგი სტალინი, — რომ ენა დიდ გამძლეობას იჩენს და კოლოსალურ წინააღმდეგობას უწევს ძალით ასიმილაციას. ზოგიერთი ისტორიკოსი, იმის მაგივრად, რომ ახსნას ეს მოვლენა, გაკვირვებას სჯერდება. მაგრამ გაკვირვებისათვის აქ არავითარი საფუძველი არ არსებობს. ენის გამძლეობა აიხსნება მისი გრამატიკული წყობისა და ძირითადი ლექსიკური ფონდის გამძლეობით. თურქი ასიმილაციონები ასეული წლების მანძილზე ცდილობდნენ დაემახინჯებინათ, დაერღვიათ და მოესპოთ ბალკანელი ხალხების ენები. ამ ხნის განმავლობაში ბალკანური ენების ლექსიკურმა შემადგენლობამ სერიოზული ცვლილებანი განიცადა, შეთვისებულ იქნა საკმაოდ ბევრი თურქული სიტყვა და გამოთქმა, იყო „დაახლოება“ და „გათიშვა“, მაგრამ ბალკანურმა ენებმა ამას გაუძლეს და გადაარჩინენ. რატომ? იმიტომ, რომ ამ ენების გრამატიკული წყობა და ძირითადი ლექსიკური ფონდი ძირითადად დარჩნენ“¹.

ამრიგად, ენა უმნიშვნელოვანესი ეთნიკური ნიშანია, რომლის განვითარების გზების სწორად გაგებას უდიდესი მნიშვნელობა აქვს ხალხის წარმოშობა-ჩამოყალიბების პროცესის გაგებისათვის. ამიტომაც სწორედ ფასდაუდებელი ხალხთა წარმოშობის, ეთნოგენეზის თეორიისათვის, ამხანაგ სტალინის საენათმეცნიერო ნაშრომები. „ენა, — აღნიშნავს ამხანაგი სტალინი, — ეკუთვნის იმ საზოგადოებრივ მოვლენათა რიცხვს, რომლებიც საზოგადოების არსებობის მთელი ხნის განმავლობაში მოქმედებენ. იგი წარმოიშვება და ვითარდება საზოგადოების წარმოშობასა და განვითარებასთან ერთად. იგი კვლევ-

¹ ი. სტალინი, მარქსიზმი და ენათმეცნიერების საკითხები, 1950, გვ. 23—24.

ბა საზოგადოების სიკვდილთან ერთად. საზოგადოების გარე-
შე ენა არ არსებობს¹. „უნდა ვიფიქროთ, რომ თანამედრო-
ვე ენის ელემენტები შეიქმნა ჯერ კიდევ უძველეს დროში,
მონობის ეპოქაზე ადრე. ეს იყო არაართული ენა, რომელსაც
მეტად მცირე ლექსიკური ფონდი გააჩნდა, მაგრამ ჰქონდა
თავისი გრამატიკული წყობა, მართალია, პრიმიტიული, მაგ-
რამ მაინც გრამატიკული წყობა“². პირველყოფილ-თემური
წყობილების დროს, როდესაც ადამიანთა მცირე ჯგუფები
ეწევიან ცალ-ცალკე პატარ-პატარა ერთეულებად ცხოვრებას,
გათიშულნი გვარებად და ტომებად, რა თქმა უნდა, ჩვენ საქმე
გვაქვს მრავალ ენასთან თუ დიალექტთან. ამხანაგი სტალინი
ლაპარაკობს განვითარებაზე „საგვარეულო ენებიდან ტომების
ენებამდე, ტომების ენებიდან ხალხების ენებამდე და ხალხების
ენებიდან ეროვნულ ენებამდე“³. ესა თუ ის ეთნიკური წარმონა-
ქმი — გვარი, ტომი, ხალხი თუ ერი ერთიმეორისაგან განსხვა-
ვდება პირველ ყოვლისა ენით. ეს, რა თქმა უნდა, სრულია-
დაც არ ნიშნავს იმას, რომ მათ ენებს შორის არ შეიძლება
იყოს გენეტური ნათესაობა. სხვადასხვა გვარის, ტომის, ხალ-
ხის, ერის ენა შეიძლება ერთიმეორის ახლო მონათესავე იყოს,
რთი საერთო წყაროდან მოდიოდეს. „არ შეიძლება იმის
უარყოფა, — წერს ამხანაგი სტალინი, — რომ უეჭველია ენო-
ბრივი ნათესაობა, მაგალითად, ისეთი ერებისა, როგორიც
სლავი ერები არიან“⁴. ასევე, რა თქმა უნდა, არ შეიძლება
უარყოფა ქართველური ენების (ქართულის, მეგრულ-ქანურის
და სვანურის) ურთიერთმონათესაობისა, ან ამ ქართველური
ენების მონათესაობისა მთის კავკასიურ ენებთან. ქართველურ
ენებს შორის არსებული სიახლოვე შეუძლებელია მარის თეო-
რიის მსგავსად მივიჩნიოთ ენათა შეჯვარედინების პროცესის
შედეგად; უეჭველია, ეს სიახლოვე, ეს ნათესაობა, ერთი ფუძე-
ენის დიფერენციაციისაგან მოდის. უკვე ანტიკური ხანისათ-
ვის, ამ 2500 — 2000 წლის წინანდელი ეპოქისათვის, შეიძ-

¹) ი. ს ტ ა ლ ი ნ ი, დასახ. ნაშრ. გვ. 20.

²) ი. ს ტ ა ლ ი ნ ი, დასახ. ნაშრ. გვ. 24.

³) ი. ს ტ ა ლ ი ნ ი, დასახ. ნაშრ. გვ. 10.

⁴) ი. ს ტ ა ლ ი ნ ი, დასახ. ნაშრ. გვ. 31.

ლება დოკუმენტალური ჩვენება, რომ ასეთი დიფერენციაცია უკვე მომხდარი ფაქტია: ბერძნულ-რომაული ხანის მწერლები ერთი და იმავე ხალხის სახელად ჩვენ ვარიანტების სახით გვაწვდიან „ქარდუ“ (ქართუ)-სა და „გორდუ“ (ქორთუ)-ს. ეს ხალხი საკმაოდ სამხრეთით, ვანის ტბის სამხრეთ-დასავლეთით ცხოვრობდა. აქ. როგორც ჩანს, საქმე ეხება აღმოსავლურ-ქართული წარმოშობის ტომს — სახელი „ქართუ“ სწორედ აღმოსავლურ-ქართული წარმოშობის ტომებისათვის დამახასიათებელ სახელწოდებას წარმოადგენს. ანტიკური ხანის მწერლებთან „ქართუ“ — ხალხის სახელი „ქორთუ“-ს ფორმით, უეჭველია, გზას იკვლევს ამ ხალხის მეზობლად მცხოვრები დასავლურ-ქართული, მეგრულ-ქანური ფენის გავლით. სწორედ ამ უკანასკნელებთან შეიძლება მიეღო „ქართუ“ — სახელს „ქორთუ“-ს ფორმა. „ქართუ“ — „ქორთუ“ სახელები ავლენენ ქართულსა და მეგრულ-ქანურს შორის არსებულ ფონეტიკურ (ბგერით) შესატყვისობას (საერთო-ქართული წარმოშობის სიტყვებში ქართული „ა“-ს ნაცვლად ჩვენ მეგრულ-ქანურში „ო“-ბგერა გვაქვს — მაგალითად ქართული „კაცი“-მეგრ. „კოჩი“ და სხვ.). უკვე ასეთ ძველ დროს, ანტიკურ ხანაში, დამოწმებული ეს ფაქტი ლაპარაკობს იმის შესახებ, რომ საერთო ქართული ფუძე-ენის დიფერენციაციის შედეგად ჩამოყალიბებული განსხვავება ქართველური ენების ორ დიდ შტოს — აღმოსავლურ-ქართულსა და დასავლურ-ქართულს (მეგრულ-ქანურს) შორის ამ დროს უკვე მომხდარი ფაქტია. ამაზე აღრეც, ალბათ, უკვე დიფერენციაცია ქმნილ ქართველურ ენებს, ანდა იმ საერთო ქართულ ფუძე-ენას, რომლიდანაც მომდინარეობენ ქართველური ენები, რა თქმა უნდა, კიდევ დიდი ხნის ისტორია გააჩნდათ. საერთო ფუძე-ენის გათიშვა სხვადასხვა ენებად — ძალზე ხანგრძლივი პროცესია.

ქართულ-ქართველურ ენობრივ სამყაროს, მონათესავე სამყაროსგან გამოთიშვის შედეგად, ძალზე ადრე უნდა მოეპოვებინათ თავისი საკუთარი ინდივიდუალობა, რომლითაც იგი გამოირჩეოდა თვით ახლო მონათესავე ენობრივი სამყაროს სხვა წევრებისგანაც. მაგრამ, როგორც ამხანაგი სტალინი გვასწავლის, ენა წარმოიშვება და ვითარდება საზოგადოების წარმოშობა-

სა და განვითარებასთან ერთად. იგი კვდება საზოგადოების სიკვდილთან ერთად. საზოგადოების გარეშე ენა არ არსებობს“. ამიტომაც, ჩვენ თავისი ინდივიდუალობის, „ქართველურობის“ სახის მქონე ენასთან ერთად დიდი ისტორიული მონაკვეთის მანძილზე უნდა ვივარაუდოთ ამ ენის მატარებელი ეთნიკური კოლექტივის (ტომების, ხალხის) არსებობაც, რომლის შესახებაც ჩვენ უნდა ვილაპარაკოთ, როგორც დღევანდელი ქართველი ხალხის პირდაპირი, უმთავრესი წინაპრების შესახებ.

ქართველი ტომები ეთნიკურად (ენით, კულტურით, ანთროპოლოგიური ტიპით) მკიდროდ უკავშირდებიან უძველესი ხანების მესოპოტამიის, მკირე აზიისა და ირანის მოსახლეობას. სუმერების, ხეთების, ხურიტების და ამ ადგილებში მცხოვრები სხვა ხალხებისათვის, რამდენადაც სახვითი ხელოვნების ძეგლებზე მათი გამოსახულებების მიხედვით შეიძლება ვიმსჯელოთ, ანთროპოლოგიურად სწორედ კავკასიელი ხალხებისათვის ნიშანდობლივი ფიზიკური ტიპია დამახასიათებელი. ამავე დასკვნამდე მივყავართ ამ ტერიტორიაზე უძველეს ხანებში მცხოვრები ადამიანების თავის ქალის შესწავლასაც. მატერიალური და სულიერი კულტურის მხრითაც ქართველი ტომები მკიდრო კავშირში იმყოფებიან უფრო სამხრეთით უძველეს ხანებში მცხოვრებ ხალხებთან. იგივე ითქმის ენის შესახებაც. ქართველური ენები ჩრდილო-კავკასიურ ენებთან ერთად ბევრ სიანლოვეს ამჟღავნებენ, განსაკუთრებით გრამატიკული წყობის მხრით, ძველი აღმოსავლეთის ისეთ ენებთან, როგორიც არიან სუმერული, პროტოხეთური, ხურიტული, ურარტული, ელამური, თუმცა დღეს იმდენად დაცილებული ჩანან ქართველურ-კავკასიური ენები ამ ძველადმოსავლურ ენებს, რომ ხშირად ეპყვებს იწვევს მკვლევართა შორის მათ შორის გენეტიკური ნათესაობის არსებობა. ქართველური და კავკასიური ენების სპეციალისტთა წინაშე დგას დიდი ამოცანა — წარმოაჩინონ ეს ნათესაობა. მაგრამ, უკვე იმ ხანებში, როდესაც ქართველთა მონათესავე ეს ხალხები კავკასიის სამხრეთით მდებარე ტერიტორიაზე ისტორიის ასპარეზზე ჩანან, ქართულ ენობრივ-ეთნიკურ კოლექტივს, ალბათ, უკვე გააჩნდა თავისი

ინდივიდუალობა, რომლითაც იგი გამოირჩეოდა მის მონათესავე ხალხებიდანაც კი. ამ ინდივიდუალობის ჩასახვისა და გაღრმავების საუფუძველი ის იყო, რომ ქართველი და ჩრდილო-კავკასიელი ტომების წინაპრები ადრიდანვე მოექცნენ ხალხთა ამ მონათესავე ჯგუფით დაკავებული ტერიტორიის პერიფერიაზე, ამიერ და იმიერ-კავკასიაში. აქ, ამიერ-კავკასიაში, დღევანდელი საქართველოს ტერიტორიაზე და მის ახლო მეზობელ ადგილებში ცხოვრობდნენ ძალზე ადრეული ხანებიდან ქართველი ტომების პირდაპირი წინაპრები, რომლებიც უკვე ატარებდნენ თავისი საკუთარი ინდივიდუალობის, „ქართველურობის“ მქონე ენას, რომლითაც ისინი ძველი აღმოსავლეთის მონათესავე ტომებისგანაც კი გამოირჩეოდნენ (თუმცა, იმ დროს ალბათ ჯერ კიდევ მხოლოდ მცირეოდენად).

მაგრამ, რა თქმა უნდა, შეცდომა იქნებოდა თუ ვიფიქრებთ, რომ თითქოს განვითარებას ჰქონდა სწორხაზოვანი მიმართულება, რომ მონათესავე სამყაროსაგან გამოთიშვისა და საკუთარი ენობრივ-ეთნიკური ინდივიდუალობის ჩამოყალიბების შემდეგ ქართული ენა და ეთნოსი ვითარდებოდა წმინდა სახით, ისტორიის მთელ მანძილზე ინარჩუნებდა ერთ სახეს, ანდა, თუ ხდებოდა ცვლილება, იგი მხოლოდ დიფერენციაციაში მდგომარეობდა. „ენა... პროდუქტია მთელი რიგი ეპოქებისა, რომელთა მანძილზე იგი ყალიბდება, მდიდრდება, ვითარდება, იხვეწება“¹. ენაც მუდმივ ცვალებადობაშია, ენის განვითარებაშიც ადგილი აქვს ერთი თვისობრიობიდან მეორე თვისობრიობაში გადასვლას, მაგრამ „ენის გადასვლა ძველი თვისობრიობიდან ახალში ხდება არა აფეთქების გზით, არა არსებული ენის მოსპობისა და ახლის შექმნის გზით, არამედ ახალი თვისობრიობის ელემენტების თანდათანობითი დაგროვების გზით, მაშასადამე, ძველი თვისობრიობის ელემენტების თანდათანობითი კვდომის გზით“². მას შემდეგ, რაც უძველეს ხანაში ჩაისახა ენა თავისი პრიმიტიული-გრამატიკული წყობითა და ლარიბი ლექსიკური მარაგით,

¹) ი. ს ტ ა ლ ი ნ ი, დასახ. ნაშრ. გვ. 7.

²) ი. ს ტ ა ლ ი ნ ი, დასახ. ნაშრ. გვ. 26.

„წარმოების შემდგომმა განვითარებამ, კლასების წარმოშობამ, დამწერლობის წარმოშობამ, სახელმწიფოს ჩასახვამ, რომელსაც მართვისათვის ესაჭიროებოდა ცოტად თუ ბევრად მოწესრიგებული მიწერ-მოწერა, ვაქრობის განვითარებამ, რომელსაც კიდევ უფრო ესაჭიროებოდა მოწესრიგებული მიწერ-მოწერა, საბეჭდავი დაზგის გაჩენამ, ლიტერატურის განვითარებამ — ყოველივე ამან დიდი ცვლილებანი შეიტანა ენის განვითარებაში. ამ ხნის განმავლობაში ტომები და ეროვნებანი ქუცმაცდებოდნენ და ითიშებოდნენ, ხდებოდა მათი ერთმანეთში შერევა და შეჯვარდინება, შემდეგ კი გაჩნდნენ ეროვნული ენები და სახელმწიფოები, მოხდა რევოლუციური გადატრიალებანი, ძველი საზოგადოებრივი წყობილებანი ახლებით შეიცვალა. ყოველივე ამან უფრო მეტი ცვლილებანი შეიტანა ენასა და მის განვითარებაში“. ამრიგად, როგორც ამხანაგი სტალინი გვასწავლის, ენას ბევრი რამ ცვლის: მას ცვლის ამა თუ იმ ხალხის წარშობასა თუ შინა-სოციალურ ცხოვრებაში მომხდარი ცვლილებანი — სოციალური წყობილების შეცვლა, წარმოების, კულტურის, მეცნიერების განვითარება და სხვ. ამის გვერდით ისეთ ფაქტორებად, რომლებიც მოქმედებენ ენის განვითარებაზე, ენაში ცვლილებათა მოხდენაზე, ამხანაგი სტალინი ასახელებს ტომებისა და ხალხების (ეროვნებების) დაქუცმაცებასა და გათიშვას, შერევასა და შეჯვარდინებას. ამა თუ იმ ეთნიკური კოლექტივის (ტომის, ხალხის) დანაწევრების მნიშვნელობა ენის განვითარების პროცესში მრავალგზის ხაზგასმული აქვს უკვე ფრ. ენგელსს (კერძოდ, თავის კლასიკურ ნაშრომში „ოჯახის, კერძო საკუთრებისა და სახელმწიფოს წარმოშობა“), რომელსაც ამერიკელ ინდიელთა ტომების მაგალითზე ნაჩვენები აქვს, თუ როგორ იწვევს ამა თუ იმ ეთნიკური კოლექტივის დანაწევრება — გათიშვა ამ კოლექტივის ცალკეულ ნაწილებს შორის ენობრივი და ეთნიკური განსხვავებების ჩასახვასა და გაღრმავებას. ასეთი დანაწევრება — გათიშვა შეიძლება მოხდეს ამ ეთნიკური კოლექტივის ერთი ნაწილის სხვა, შორეულ თუ მახლობელ ადგილას გადასახლე-

¹⁾ ი. სტალინი, დასახ. ნაშრ., გვ. 24 — 25.

ბით. ამიტომაც, რომ ასეთ გადასახლებებს, „მიგრაციებს“, რომელთა უარყოფაც, როგორც ამას მარისტები სჩადიოდნენ, ყოველად შეუძლებელია, დიდი როლი ეკუთვნის ენობრივ-ეთნიკურ განსხვავებათა ჩასახვა-განვითარებაში. ტომებისა და ხალხების დანაწილებისა და გათიშვის მნიშვნელობას ენის განვითარების პროცესში, როგორც ზემოთ დავინახეთ, ხაზს უსვამს ამხანაგი სტალინიც. ენებს შორის განსხვავებათა წარმოქმნა გაღრმავების საუქოდელად შეიძლება იქცეს არა მარტო გადასახლებანი და ამ გზით ერთი ეთნიკური კოლექტივის სავადასხვა წევრების იზოლირება ურთიერთისაგან, არამედ აგრეთვე მათი იზოლაცია ერთმანეთისაგან ამ ეთნიკური მასის სახელმწიფოებრივი, პოლიტიკური დაშლა-დაქუცმაცების შედეგად. „ზოგიერთი ადგილობრივი დიალექტი,—წერს ამხანაგი სტალინი,—ერების შექმნის პროცესში შეიძლება საფუძვლად დაედოს ეროვნულ ენას და განვითარდეს დამოუკიდებელ ეროვნულ ენად... ხდება პირიქითი პროცესებიც, როცა იმ ეროვნების ერთიანი ენა, რომელიც ჯერ კიდევ ერი არ გამხდარა განვითარების აუცილებელი ეკონომიური პირობების უქონლობის გამო, კრახს განიცდის ამ ეროვნების სახელმწიფოებრივი დაშლის შედეგად, ხოლო ადგილობრივი დიალექტები, რომლებიც ჯერ კიდევ არ შედუღებულან ერთ ენად,—ცოცხლდებიან და დასაბამს აძლევენ ცალკე დამოუკიდებელი ენების შექმნას“.¹

მაგრამ, იმ ფაქტორებს შორის, რომლებიც ენაში ცვლილებებს იწვევენ, ტომებისა და ხალხების დანაწევრებისა და გაყოფის გვერდით ამხანაგი სტალინი ასახელებს შერევასა და შეჯვარედინებას. რა თქმა უნდა, ისეთი ენებისა და დიალექტების მქონე ეთნიკური კოლექტივების შეჯვარედინებისას, რომელთაც გააჩნიათ თავ-თავისი, ერთი-მეორისაგან განსხვავებული გრამატიკული წყობა და ძირითადი ლექსიკური ფონდი, მოქმედებს შეჯვარედინების ის კანონი, რომლის მიხედვითაც, როგორც ანხანაგი სტალინი აღნიშნავს, შეჯვარედინება რომელიმე ახალ, განსხვავებულ ენას კი არ გვაძლევს, არა-

¹) ი. ს ტ ა ლ ი ნ ი, დასახ. ნაშრ. გვ. 41 — 42.

მედ ასეთ დროს ჩვეულებრივ იმარჯვებს ერთი, რომელიც ინარჩუნებს თავის გრამატიკულ წყობას, ინახავს თავის ძირითად ლექსიკურ ფონდს და განაგრძობს განვითარებას თავისი განვითარების შინაგანი კანონების მიხედვით, მეორე ენა კი თანდათანობით კვდება¹. მაგრამ ეს მოვლენა გამარჯვებული ენისათვისაც სრულიად უკვალოდ როდი ჩაივლის: „ამ დროს, — აღნიშნავს ამხანაგი სტალინი, — ხდება გამარჯვებული ენის ლექსიკური შემადგენლობის ერთგვარი გამდიდრება დამარცხებული ენის ხარჯზე, მაგრამ ეს კი არ ასუსტებს, არამედ, პირიქით, აძლიერებს მას“². მაგალითის სახით ამხანაგი სტალინი ასახელებს რუსულ ენას, „რომელსაც ისტორიული განვითარების პროცესში უჩვეულოდინდებოდნენ მთელი რიგი სხვა ხალხების ენები და რომელიც მუდამ გამარჯვებული გამოდოდა“³. ქართული ენის, როგორც საკუთარი ინდივიდუალობის მქონე ენის (ჯერ საერთო ქართული ფუძე-ენის, მერე მისგან განტოტებული სხვადასხვა ქართველური ენების) მრავალ ათასწლიან ისტორიის მანძილზე ასეთივე შეხება-შეჯვარდინება ქართულ ენას და მის მატარებელ ეთნიკურ კოლექტივს ბევრ სხვადასხვა ეთნიკურ კოლექტივსა და მის ენასთან მოუხდა, მაგრამ ქართულმა ენამ მოახერხა თავისი თავის დაცვა და გამარჯვებული გამოვიდა. რა თქმა უნდა, ასეთი შეხება-შეჯვარდინების შედეგად თვით ქართულმა ენამაც არა ერთი ცვლილება განიცადა, რაც განსაკუთრებით მის ლექსიკას დაეტყო.

ეთნოგენეზის (ხალხთა წარმოშობის) საბჭოურმა თეორიამ, რომელმაც თავისი კვლევა-ძიება ამხანაგ სტალინის სახელმძღვანელო დებულებებზე უნდა ააგოს, უნდა ეძიოს ისტორიის სიღრმეში (სადამდეც კი ეს გეცნიერების ხელთ არცეხული მასალით შესაძლებელი იქნება) ის ელემენტები, კერძოდ ის ძირითადი ენობრივ-ეთნიკური ელემენტი, რომლიდანაც მოდის ესა თუ ის დღევანდელი ეთნიკური კოლექტივი. მაგრამ ამავთუ თეორიამ უნდა შეისწავლოს მთელი ის რთული პრო-

¹) ი. სტალინი, დასახ. ნაშრ. გვ. 27.

²) ი. სტალინი, დასახ. ნაშრ. გვ. 27 — 28

³) ი. სტალინი, დასახ. ნაშრ. გვ. 28.

ცესი, რომელიც შორეული წარსულიდან გამოუვლია ამ ენობრივ — ეთნიკური კოლექტივის ბირთვის და ენობრივ-ეთნიკური ხასიათის ის ცვლილებები, რომელიც მას ამ დროის მანძილზე განუცდია.

ენა უმნიშვნელოვანესი, მაგრამ არა ერთადერთი ეთნიკური ნიშანია. ამა თუ იმ ხალხის სახის განმსაზღვრელად ენის გვერდით ჩვენ გვევლინება აგრეთვე კულტურა. კულტურა ის ელემენტია, რომელიც ბევრად უფრო ადვილად იცვლება, ვიდრე ენა. ამიტომაც იგი ხალხის ეთნიკურ სახეს უფრო ნაკლებ წარმოაჩენს, ვიდრე ენა. კულტურას ადვილად ცვლის არა მარტო ხალხის შინაური ცხოვრების მოვლენები, არამედ აგრეთვე უცხო ეთნიკურ-კულტურულ სამყაროსთან შეხება. როგორც ვთქვით, ორი ენის შეჯვარდინებისას ერთი ჩვეულებრივ იმარჯვებს და მეორე მარცხდება, ამასთანავე იმარჯვებს ჩვეულებრივ პოლიტიკურად უფრო ძლიერი ეთნიკური კოლექტივის ენა, რომელიც შთანთქავს მეორეს, რომელიც საბოლოო ჯამში უფრო სუსტი აღმოჩნდება. ეს კანონი მოქმედებს, როგორც ამხანაგი სტალინი ამბობს, მსოფლიო მასშტაბით სოციალიზმის გამარჯვების წინარე ეპოქაში. კულტურის მხრით კი ჩვენ ცოტა სხვაგვარ მდგომარეობას ვხედავთ — აქ, შესაძლებელია, მეზობელ ეთნიკურ ერთეულებს შორის მკიდრო ურთიერთობამ მათი კულტურის გარკვეული ნიველირება გამოიწვიოს. თუ ასეთი ურთიერთობა კულტურის დონის მხრით განსხვავებულ ერთეულებს შორის ხდება, მაშინ იგი ჩვეულებრივ კულტურულ გავლენასა და სესხებაში ჰპოვებს გამოხატულებას (თუმცა სესხებასაც, როგორც ცნობილია, მხოლოდ მაშინ შეიძლება ექნეს ადგილი, თუ ის, ვინც სესხულობს, მომზადებულია უცხო კულტურის შესათვისებლად). ცნობილია ისტორიაში არა ერთი შემთხვევა, როდესაც პოლიტიკურად გამარჯვებული კოლექტივი კულტურის სფეროში დაქვემდებარებია უფრო მაღალი კულტურის მქონე დაპყრობილთ. თავისი ხანგრძლივი ისტორიის მანძილზე ამა თუ იმ ხალხს ჩვეულებრივ ასიმილირებული ჰყავს ბევრი სხვადასხვა მონათესავე თუ არამონათესავე ტომი ან მისი გარკვეული ნაწილი. ასეთი მოვლენა, როგორც აღვნიშნეთ, მთლად უკვალოდ არ

იკარგება გამარჯვებული კოლექტივის ენისათვისაც, მით უმეტეს მისი კულტურისათვის — ხშირად გამარჯვებული კოლექტივი ხდება მის მიერ ასიმილირებული უცხო ნაკადის კულტურის მემკვიდრე, განსაკუთრებით მაშინ, თუ ეს უკანასკნელი მაღალი კულტურის მატარებელი იყო. ამიტომაც ამა თუ იმ ხალხის წინაპრებად ჩვენ შეგვიძლია მივიჩნიოთ ის ელემენტებიც, რომლებიც ისტორიის მანძილზე შეერწყნენ რა ხალხის ძირითად ელემენტს, გაითქვიფნენ მასში, დაჰკარგეს საკუთარი ენა და ტომობრიობის სხვა ნიშნები, მაგრამ მნიშვნელოვანი წვლილი შეიტანეს ამ ხალხის კულტურაში. ქართველი ხალხის მიმართ, კერძოდ, შეიძლება ვამტკიცოთ, რომ მან თავისში მიიღო ამიერ-კავკასიის სამხრეთით მცხოვრები, ეთნიკურად მისი მონათესავე ხეთური, ხურიტული (სუბარული) და ურარტული ტომების მნიშვნელოვანი ნაკადი და ამ გზითაც მემკვიდრე შეიქნა ხეთური და ხური-ურარტული კულტურისა.

* *

ქვემოთ ჩვენ გვინდა შევხვით ძველი აღმოსავლეთის ერთი იმ გამოჩენილი ხალხის, ურარტელი ხალხის, ისტორიას, რომლის მნიშვნელოვანი ნაკადიც სწორედ ქართველი ხალხის შემადგენლობაში უნდა მოხვედრილიყო და რომლის შესახებაც ჩვენ, მაშასადამე, უფლება გვაქვს ვილაპარაკოთ, როგორც ქართველი ხალხის ერთ-ერთ წინაპრის შესახებ. ურარტელი ხალხისა და მისი სახელმწიფოს — ურარტუს ისტორიის შესწავლას უდიდესი მნიშვნელობა აქვს აგრეთვე ქართველი ხალხის ჩამოყალიბებისა და ქართული სახელმწიფოებრიობის წარმოქმნის პროცესის გასაგებად და ამ მხრივაც იგი ჩვენს ყურადღებას იმსახურებს.

* *

დაახლოებით 2800 — 2500 წლის წინათ (IX — VI საუკუნეებში ჩ. წ.-მდე) იმ ტერიტორიაზე, რომელიც სამხრეთიდან უშუალოდ ეკვრის ამიერ-კავკასიას, იმყოფებოდა იმ დროის ერთ-ერთი უძლიერესი სახელმწიფო — ურარტუ. ამ სახელმ-

წიფოს დედაქალაქი ტუშფა მდებარეობდა ვანის ტბის სამხრეთ-აღმოსავლეთ სანაპიროზე, დღევანდელ ქალაქ ვანის ადგილას.

ურარტუს სამეფო თავისი ძლიერების ხანაში მეტად ვრცელ ტერიტორიას მოიცავდა. სამხრეთ-აღმოსავლეთით მის ფარგლებში შედიოდა ურმიის ტბის რაიონი, სამხრეთ-დასავლეთით მისი ტერიტორია კაშიარის მთას (დღევანდელ ტურაბდინს) აღწევდა, დასავლეთით ჩრდილოეთი სირიისა და მდ. ეფრატის რაიონამდე განივრცობოდა, ჩრდილოეთით კი მის ფარგლებში შედიოდა სამხრეთ ამიერ-კავკასიის მნიშვნელოვანი ნაწილი. დღეს ეს ტერიტორია სამი სახელმწიფოს — საბჭოთა კავშირის, ირანისა და თურქეთის — ფარგლებშია მოქცეული.

ურარტუს უძველესი სახელმწიფოს ისტორიის, კულტურის და ურარტული ხალხის ენის შესწავლას ჩვენში, საბჭოთა კავშირში, დიდი ყურადღება ექცევა; ეს გასაგებიცაა, თუ გავიხსენებთ, რომ ურარტუ — უძველესი სახელმწიფო იყო საბჭოთა კავშირის ტერიტორიაზე და, ამრიგად, მისი ისტორიაც საბჭოთა კავშირის ხალხთა ისტორიის ნაწილს წარმოადგენს (იგი დღეს სწორედ ასეთად განიხილება და ისწავლება). ურარტუს სახელმწიფოს შესწავლას განსაკუთრებით დიდი ყურადღება ექცევა ამიერ-კავკასიის საბჭოთა რესპუბლიკებში. ეს გარემოება გასაგებია — თავის დროზე ამ ძლივამოსილი სახელმწიფოს ფარგლებში იყო მოქცეული ამიერ-კავკასიის, კერძოდ საქართველოსა და სომხეთის მთელი რიგი რაიონები და, ამრიგად, ურარტუსა და მისი მეზობლების ისტორია წარმოადგენს ამ ქვეყნების ისტორიის ერთ-ერთ უძველეს ეტაპს.

ჩვენში, საქართველოში, ურარტუსა და მისი იმდროინდელი მეზობელი ხალხებისადმი ინტერესს სხვა საფუძველიც აქვს. როგორც ირკვევა, ამ უკანასკნელთა სახით ჩვენ ქართველთა მონათესავე ხალხებთან გვაქვს საკმე. ამას ემატება კიდევ სხვა გარემოება: როგორც ცნობილია, ქართველი ერი შედგება სამი მონათესავე ტომისაგან: ქართველისა, მეგრულ-ჭანებისა (ლაზებისა) და სვანებისაგან. მაგრამ უეჭველია, რომ დროთა

ვითარებაში ქართველი ხალხის შემადგენლობაში შევიდა კიდევ ქართველური თუ არაქართველური მოდემის არა ერთი სხვა ტომი (მალიანად ან ნაწილობრივ), რომელთაც ასიმილაცია განიცადეს ამა თუ იმ ქართველ ტომთან. ირკვევა, რომ ქართველი ხალხის შემადგენლობაში უნდა შესულიყო ურარტუს დიდი სახელმწიფოს შემქმნელი ხალხის — ურარტელების მნიშვნელოვანი ნაკადიც, ისევე, როგორც ურარტელთა წინაპრული ზოგი სხვა ტომი. ამიტომაც ჩვენ უფლებამ გვაქვს ვილაპარაკოთ ურარტელებისა და მათი მეზობელი ტომების შესახებ, როგორც ქართველი ხალხის წინაპრების შესახებ. ამ ხალხთა ისტორიის ცოდნა ქართველი ხალხის ზოგიერთი წინაპრის ისტორიის ცოდნასაც ნიშნავს და ამდენად იგი ჩვენთვის საინტერესოა.

* * *

ურარტული ენა, ურარტუს ისტორია და კულტურა საუკუნეზე მეტია, რაც მეცნიერული შესწავლის საგანს წარმოადგენს. ძველი ურარტუს ტერიტორიაზე ნაპოვნია რამდენიმე ასეული ურარტული წარწერა, სადაც ლაპარაკია ურარტელების მიერ წარმოებული საოპარი ექსპედიციების, მშენებლობის, საირიგაციო სამუშაოებისა და სხვათა შესახებ. ეს წარწერები ურარტუს ისტორიის შესწავლის ერთ-ერთ უმთავრეს წყაროს წარმოადგენს. ურარტუს ისტორიისათვის დიდი მნიშვნელობისაა, აგრეთვე, ურარტუს სამხრეთით მდებარე ქვეყნის, ასურეთის მეფეთა წარწერებში დაცული ცნობები.

ურარტუს ისტორიისა და ურარტუს კულტურის შესწავლისათვის დიდი მნიშვნელობა აქვს არქეოლოგიური გათხრებით მოპოვებულ მასალებსაც. სამწუხაროდ, ასეთი გათხრები ჯერ კიდევ არ არის საკმარის მასშტაბით ჩატარებული. არქეოლოგიურად შედარებით უკეთაა შესწავლილი ურარტუს ჩრდილოეთი რაიონები, რომლებიც დღეს საბჭოთა კავშირის ფარგლებში შემოდის. უკვე ათი წელია, რაც დიდი არქეოლოგიური გათხრები წარმოებს ამიერ-კავკასიის ერთ-ერთი უმნიშვნელოვანესი ურარტული ცენტრის ადგილას, რომელიც ქალაქ ერევნის მახლობლად, კარმირ-ბლურის გორაკის მიღა-

მოგებში მდებარეობდა. ამ გათხრებმა, რომელიც პროფესორ ბ. პიოტროვსკის ხელმძღვანელობით მიმდინარეობს, ძალიან დიდი მასალა მოგვცა ურარტუს ისტორიისა და კულტურის შესწავლისათვის. საერთოდ, პროფ. ბ. პიოტროვსკის მნიშვნელოვანი სამუშაო აქვს ჩატარებული ურარტუს ისტორიისა და, განსაკუთრებით, ურარტული კულტურის შესწავლის საქმეში. მისმა ნაშრომმა — „ურარტუს ისტორია და კულტურა“¹, რომელიც 1944 წელს გამოიცა, სტალინური პრემია დაიმსახურა.

ურარტული ენისა და ისტორიის შესწავლის საქმეში საერთოდ დიდი ღვაწლი მიუძღვით საბჭოთა მეცნიერებს. ამ მხრივ ბევრი რამ გაკეთდა და კეთდება ამიერ-კავკასიის საბჭოთა რესპუბლიკებშიც. ურარტუსა და მისი მეზობელი ხალხების ისტორიის საკითხებს მიეძღვნა განსვენებულ აკადემიკოს ს. ჯანაშიას რამდენიმე ნაშრომი. პროფ. გ. წერეთელმა 1939 წელს გამოაქვეყნა საქართველოს მუზეუმში დაცული ურარტული ძეგლების მთელი კოლექცია. სომხეთში ურარტული ენისა და ისტორიის შესწავლის დარგში ნაყოფიერი მუშაობა აქვს ჩატარებული პროფ. გრ. დაფანციანს. თამამად შეიძლება ითქვას, რომ ძველი აღმოსავლეთის ამ ერთ-ერთი უმნიშვნელოვანესი სახელმწიფოს ისტორიის, ენისა და კულტურის შესწავლის საქმეში საბჭოთა მეცნიერებს მსოფლიოში პირველი ადგილი უკავიათ.

ამ ნარკვევის მიზანია მკითხველს მიაწოდოს მოკლე ისტორიული ნარკვევი ურარტუს სახელმწიფოსა და მისი იმდროინდელი მეზობლების შესახებ. ჩვეულებრივ, ურარტუსადმი მიძღვნილ ნარკვევებში კმაყოფილდებიან მხოლოდ და მხოლოდ საკუთრივ ურარტუსთან დაკავშირებული ამბების გადმოცემით. ჩვენ გვინდა ურარტუს ისტორია უფრო ფართოდ წარმოვადგინოთ. ურარტუს გარშემო ბევრი მნიშვნელოვანი პოლიტიკური თუ ეთნიკური გაერთიანება იმყოფებოდა; მათ შორის პირველ რიგში აღსანიშნავია ურმიის ტბის რაიონში მდებარე მანა და სამხრეთ-დასავლეთ საქართველოს ტერიტო-

¹ Б. Б. Пиотровский, История и культура Урарту, 1944.

რიაზე მყოფი დიაუხი. იყო დრო, როდესაც ზოგი მათგანი უფრო ძლიერ ერთეულს წარმოადგენდა, ვიდრე თვით ურარტუ. ამიტომაც მართებული იქნება, თუ ურარტუსთან ერთად ჯეროვან ყურადღებას მივაქცევთ მისი ამ ძლიერი მეზობლების ისტორიასაც, თუ ჩვენი ყურადღების სფეროში მოვაქცევთ მთელ იმ ვრცელ ტერიტორიას, რომელიც უშუალოდ სამხრეთიდან ეკვრის ამიერ-კავკასიას. ამ ტერიტორიას ასურელები ძველთაგანვე, უკვე II ათასწლეულიდან ჩ. წ-მდე, „ნაირის“ მხარეს, „ნაირის ქვეყნებს“ ეძახდნენ. „ნაირი“ მათთვის ვანისა და ურმიის ტბათა გარშემო მდებარე ვრცელი ტერიტორიის ზოგადი სახელი იყო, იგი მოიცავდა ურარტუსაც და მის მეზობლად მდებარე ბევრ სხვა ერთეულსაც. შემდეგში, როდესაც ამ ტერიტორიაზე ჩამოყალიბდა ძლიერი ურარტუს სამეფო, „ნაირის“ სახელი ასურეთში ხმარებიდან თანდათან გამოვიდა და მას ასეთივე ზოგადი მნიშვნელობით „ურარტუს“ სახელი შეენაცვლა. ამიტომ ჩვენ შეგვიძლია ამ ვრცელ ტერიტორიას ნაირი-ურარტუს მხარე ვუწოდოთ, რითაც ხაზი უნდა გავუსვათ იმას, რომ ურარტუსთან ერთად (რომელიც ასურელებისათვის „ნაირის“ ერთი ქვეყანა იყო) ჩვენ მისი მეზობელი ერთეულებიც, „ნაირის“ სხვა ქვეყნებიც გვაინტერესებს.

1. ნაირი-ურარტუს ხალხები ურარტუს სამეფოს ნაკრძეპნაძე

1. ხურიტების ძლიერების ხანა

კაცობრიობის ისტორიის იმ უძველეს ხანას, როდესაც ჩამოყალიბდა პირველი კლასობრივი საზოგადოებები, პირველი სახელმწიფოები, „ძველადმოსავლურ ხანას“ უწოდებენ. ამ ეპოქაში ყველაზე მეტად დაწინაურებულ კულტურულ ცხოვრებას ჩვენ აღმოსავლეთის ქვეყნებში — მესოპოტამიაში (მდ. ტიგროსსა და ეფრატს შორის მდებარე ტერიტორიაზე), ეგვიპტეში, მცირე აზიაში, სირია-პალესტინაში, ირანში, ინდოეთში და ჩინეთში ვხვდებით.

ძველი აღმოსავლეთის ამ ქვეყნებში ჩვენ მრავალი სხვადასხვა მოდგმის ხალხებს ვხვდებით. მათ შორის მთელი რიგი ძველადმოსავლური სახელმწიფოების შემქმნელი ხალხი ენითა და ფიზიკური აღნაგობით ახლო იდგა დღევანდელ ქართულ-კავკასიურ ტომებთან. ამ ტომებთან მონათესავე ხალხებს ძველ აღმოსავლეთში ზოგი მეცნიერი „აზიანელებს“ უწოდებს, ზოგიც „სუბარელებს“. განსვენებული აკად. ს. ჯანაშია კი, მათ ხეთურ-იბერული მოდგმის ხალხებს უწოდებდა. ამ მოდგმის ხალხთა წყებას ეკუთვნიან, სხვათა შორის, ხურიტები (ანუ „სუბარელები“) და მათი ახლო მონათესავე ურარტელები. ნაირი-ურარტუს მხარე უკვე ძალზე ადრეული ხანიდან იყო დასახლებული ამ ხური-ურარტელი ტომებით. II ათასწლეულში ჩ. წ. მდე ვანის ტბის რაიონი და ჩრდილოეთი მესოპოტამია იყო ურარტელებთან ახლო მონათესავე ხურის ხალხების (ხურიტების) პოლიტიკური ცხოვრების უმთავრესი კერა. აქ ჩამოყალიბდა ხურის ხალხების უმნიშვნელოვანესი სახელმწიფოები — მითანისა და ხურის სამეფოები.

მითანის სამეფო II ათასწლეულის კარგა დიდ მანძილზე იმდროინდელ მსოფლიოში ერთ-ერთ უძლიერეს სახელმწიფოს წარმოადგენდა. მისი მეფე, ეგვიპტის, ხეთებისა და ბაბილონის მეფეებთან ერთად, „ღად მეფედ“ ითვლებოდა, რომელსაც იმ დროს არსებული მკაცრი საერთაშორისო ეთიკეტის მიხედვით უფლება ჰქონდა ეგვიპტის ფარაონისთვის, ხეთებისა და ბაბილონის მეფეებისთვის „ძმა“ ეწოდებინა, ე. ი. მათ ტოლ მეფედ მიეჩნია თავი.

მითანის სამეფოს რამდენიმე საუკუნის მანძილზე დამორჩილებული ჰყავდა ასურეთი და ჩრდილოეთი სირია. მაგრამ II ათასწლეულის შუახანებში ჯერ გაძლიერებული ეგვიპტისა და შემდეგ ხეთების სამეფოს დარტყმებით ხურის ხალხების ეს უდიდესი გაერთიანება დასუსტდა, მან დაჰკარგა უცხო სამფლობელოები და თვითონაც შინაფრი არეულობის ასპარეზად იქცა. მითანის სამეფოს გამოეყო ერთი ნაწილი, რომელიც ცალკე სამეფოდ — „ხურის სამეფოდ“ — ჩამოყალიბდა. ეს უკანასკნელი ვანის ტბის რაიონში უნდა ყოფილიყო, ე. ი. იმ აუგილებში, სადაც შემდეგში ურარტუს სხელმწიფო შეიქმნა. ამასობაში ასურეთმა, რომელიც რამდენიმე საუკუნის მანძილზე მითანის მორჩილებაში იმყოფებოდა, მოახერხა განთავისუფლება და თვითონ დაიწყო მითანისა და ხურის ხალხების სხვა გაერთიანებებზე შეტევა. მითანის ოდესღაც ძლევამოსილი სამეფოს ნაშთები საბოლოოდ განადგურებულ იქნა ასურეთის მეფის სალმანასარ I-ის (1310—1280) მიერ. ამის შემდეგ ასურეთის ჩრდილოეთით, ნაირი-ურარტუს მხარეში მცხოვრები ხურიტული მოდგმის ტომები პოლიტიკურად მცირე ერთეულებად დანაწილდნენ და საუკუნეთა განმავლობაში თავისი სამხრეთის ძლიერი მეზობლის, ასურეთის, არა ერთგვის სასტიკ თავდასხმას განიცდიდნენ.

2. ურარტული ტომები II ათასწლეულის დასასრულსა და I ათასწლეულის დასაწყისში ჩ. წ-მდე

ხურის ხალხებთან, რომლებიც ასეთ აქტურ როლს თამაშობდნენ ახლო აღმოსავლეთის ისტორიაში II ათასწლეულში ჩ. წ-მდე, ახლო მონათესავეა ურარტუს ხალხიც. უკანასკნელი

ხანის კვლევა-ძიებით ირკვევა, რომ ურარტული ენა ხურიტული ენის დიალექტს წარმოადგენს. მონათესავე ხურის ხალხთან ერთად ურარტელი ტომები ადრიდანვე ვან-ურმიის ტბათა რაიონში ცხოვრობდნენ და მითანისა და ხურის სამეფოთა არსებობის ხანაში, ალბათ, შედიოდნენ კიდევ ხურიტების ამ მსხვილ პოლიტიკურ გაერთიანებებში.

ურარტუს სამეფოს არსებობის ხანაში (IX—VI სს. ჩ. წ-მდე) ურარტუს ცენტრი ვანის ტბის სამხრეთ-აღმოსავლეთ სანაპიროზე მდებარეობდა. აქ, დღევანდელ ქალაქ ვანის ადგილას, იყო ურარტუს დედაქალაქი ტუშფა. უფრო ძველად, II ათასწლეულში ჩ. წ-მდე, დიდი ხურიტული გაერთიანებების (მითანისა და ხურის სამეფოების) არსებობის ხანაში კი, ურარტელი ტომების პოლიტიკური და რელიგიურ-კულტურული ცხოვრების ცენტრი უფრო სამხრეთით იმყოფებოდა. ურარტელი ტომების პოლიტიკური თუ რელიგიურ-კულტურული ცხოვრების უძველესი ფაქტები სწორედ ვანის ტბის სამხრეთ-აღმოსავლეთით მდებარე ტერიტორიას უკავშირდება.

II ათასწლეულის დასასრულს ჩ. წ-მდე ხურიტების დიდი სახელმწიფოები ძალზე დასუსტდნენ და იწყეს დაშლა. ვანის ტბის სამხრეთ-აღმოსავლეთით მცხოვრებმა ურარტელმა ტომებმა, რომლებიც აქამდე ხურიტების დიდ გაერთიანებათა შემადგენლობაში შედიოდნენ, ამ დროს შექმნეს ცალკე გაერთიანება. ეს იყო ურარტელი ტომების პირველი მსხვილი გაერთიანება იმ გაერთიანებათა შორის, რომელსაც ჩვენ ვიცნობთ. გაერთიანებას სათავეში ედგა ერთ-ერთი ურარტელი ტომი — ურარტუ (ადრინდელ ასურულ წყაროებში ეს სახელი „ურუატრი“-ს ფორმით იხმარება). პირველი დიდი შეტაკებები ასურელებს ურარტელ ტომებთან სწორედ ამ გაერთიანების არსებობის დროს მოუხდათ, რის გამოც მათთან სახელი „ურარტუ“ შემდეგში ამ მოდგმის ყველა ტომის საერთო სახელწოდებად იქცა: როდესაც ეს გაერთიანება დაიშალა და დიდი ხნის შემდეგ, IX საუკუნეში, კვლავ შეიქმნა ურარტელი ტომების ახალი დიდი გაერთიანება უკვე სხვა ტომის (ბიანიის) მეთაურობით, ასურელები ამ გაერთიანებასაც ურარტუს უწოდებდნენ.

მაგრამ დიდი ხურიტული სახელმწიფოების დასუსტების
ქამს ჩამოყალიბებული ურარტელი ტომების ეს გაერთიანება
მალე დაიშალა. ასურეთის მეფემ სალმანასარ I (1310—1280),
რომელსაც მიეწერება მითანის სამეფოს ნაშთების სრული გა-
ნადგურება, დალაშქრა ამ გაერთიანების ტერიტორიაზე, მაგ-
რამ მას აქ ერთი მთლიანი ერთეული აღარ დაუხვდა. თავის
წარწერებში იგი ურუატრის 8 სხვადასხვა „ქვეყნის“, ე. ი.
დამოუკიდებელი პოლიტიკური ერთეულის შესახებ ლაპარა-
კობს: — „ჩემი მღვდელმთავრობის (ე. ი. მეფობის) დასაწყის-
ში, — ამბობს სალმანასარი, — ურუატრის ქვეყანა ამიჯანყდა
მე; ღვთაება ასურისა და დიად ღმერთებისაკენ გავიწოდე ხე-
ლი ლოცვა-ვედრებით, შეეკრიბე ჩემი ლაშქარი და გავემარ-
თე მათი მალალი მთებისკენ. ხიმეს, უადქუნის, ნაშგუნის, სა-
ლუას, ხალილას, ლუხას, ნილიფახრის, ზინგუნის ქვეყნები —
8 ქვეყანა მათი ლაშქრიანად — მე დავიპყარი. მათი 51 ქალა-
ქი ხელთ ვიგდე, ცეცხლს მივეცი და დავეუფლე მათ ქონებას.
ურუატრის მთელი ქვეყანა სამ დღეში მორჩილებით დავამხე
ღვთაება ასურის, ჩემი მეუფის, ფერხთა წინაშე. მათი ახალ-
გაზრდა კაცები მე ავიყვანე ჩემი სამსახურისათვის და ვასწავ-
ლე მე მათ ჩემი შიში. მძიმე ხარკი მთიან ქვეყანას სამარა-
დისოდ დავადე მე“.

სალმანასარ I-ის ეს „ურუატრი“, რომელიც სამ დღეში
„მთლიანად“ დაულაშქრავს ასურეთის მეფეს, ვანის ტბის
სამხრეთ-აღმოსავლეთით, მდ. ზედა ზაბის შუა, ან ზემო დი-
ნების რაიონში უნდა ყოფილიყო.

შემდეგში ურუატრის ქვეყანაზე ლაშქრობდნენ ასურეთის
კიდევ სხვა მეფეები. ასურეთის მეფეს ასურ-ბელ-კალას (1077—
1067) თავისი მეფობის დასაწყისშივე დაულაშქრავს ურუატ-
რი. ამასთან დაკავშირებით იგი იხსენიებს, სხვათა შორის,
ხიმესა და ნაშგუნის ქვეყნებს, რომლებსაც ურუატრის შემად-
გენელ ნაწილებად ასახელებს სალმანასარ I-იც. როგორც
ჩანს, ასურ-ბელ-კალაც, როდესაც ლაპარაკობს ურუატრის
დალაშქრის შესახებ, იმავე ვანის ტბის სამხრეთ-აღმოსავლე-
თით მდებარე რაიონს გულისხმობს, რომელიც იგულისხმება
სალმანასარ I-ის „ურუატრის ქვეყანაში“. ეტყობა, რომ უკვე

იმ ხანებში, როდესაც ასურული წყაროები ლაპარაკობენ „ურუატრის“ შესახებ, ეს გაერთიანება აღარ წარმოადგენდა რაიმე მნიშვნელოვან, მტკიცედ შემჭიდროებულ ორგანიზმს. ასურული წყაროები ამ სახელის ქვეშ ხშირად მეტად მცირე ტერიტორიას გულისხმობენ: მაგალითად, სალმანასარ I ამბობს, რომ მან სამი დღის განმავლობაში დაიპყრო ურუატრის მთელი ქვეყანა. ასურულ წყაროებში არსად იხსენიება „ურუატრის მეფე“ (ე. ი. მთელი გაერთიანების ერთი უზენაესი მეთაური); ჩვეულებრივ, ასურეთის მეფეები ლაპარაკობენ მათ მიერ „ურუატრის ქვეყნების“ დაპყრობის შესახებ (სალმანასარ I, მაგალითად, ურუატრის 8 ასეთ ქვეყანას ასახელებს)—ე. ი. ურუატრის ტერიტორიაზე ისინი მრავალ სხვადასხვა პოლიტიკურ ერთეულს ხედავენ. ზოგჯერ „ურუატრის“ ესა თუ ის ქვეყანა სხვა გაერთიანებათა შემადგენლობაში იჩენს თავს (ასე მაგალითად, სალმანასარ I-ის „ურუატრის ქვეყნები“ ხიმე და ლუხა ტიგლათფილესერ I-თან (1115—1077) სუგის გაერთიანების შემადგენლობაში ჩანან და სხვ.). მაშასადამე, „ურუატრის“ ზოგადი, კრებითი სახელი ვანის ტბის სამხრეთ-აღმოსავლეთით, მდ. ზედა ზაბის ზემო და შუა დინებაზე მდებარე გარკვეული რაიონისათვის სალმანასარ I-ისა და მომდევნო ხანებში არა იმდენად ამ დროს არსებული ერთი გაერთიანების აღმნიშვნელი სახელია, არამედ უფრო ძველად ამ ადგილებში „ურუატრი“ (ურარტუ)—ტომის მეთაურობით მსხვილი გაერთიანების არსებობის ნაშთია.

ამრიგად, ურარტელი ტომების უძველესი გაერთიანება ვანის ტბის სამხრეთ-აღმოსავლეთით ჩამოყალიბებულა. მაგრამ ეს ტერიტორია უძველეს ხანაში ურარტელი ტომების არა მარტო პოლიტიკური ცხოვრების უმთავრესი კერა იყო, არამედ რელიგიურ-კულტურული ცხოვრების ცენტრიც. აქ უძველეს ხანებშივე იყო ურარტელი ტომების უმნიშვნელოვანესი რელიგიური ცენტრები — ქალაქი მუსასირი (დღევანდელი როვანდუზის რაიონში) — ურარტელთა უზენაესი ღვთაების ხალდის კულტის ცენტრი და ქალაქი კუმენუ — ურარტელთა ღმერთებს შორის მეორე ადგილზე მდგომი თეიშებას (ამინდის, ქარიშხლის ღმერთის) კულტის ცენტრი. ურარტელთა

უმნიშვნელოვანესი საკულტო ცენტრების მნიშვნელობა ამ ქალაქებმა შემდეგშიც არ დაკარგეს, როდესაც ურარტელი ტომების პოლიტიკურმა ცენტრმა უფრო ჩრდილოეთით გადა-
მოინაცვლა.

ურარტელი ტომების უძველესი ისტორიის კიდევ ერთი მნიშვნელოვანი ფაქტი უკავშირდება ამავე რაიონს, ვანის ტბის სამხრეთ-აღმოსავლეთით მდებარე ტერიტორიას. ამ ადგილებში ურარტელი ტომების მეზობლად ცხოვრობდა ლულუბის ხალხი, რომელსაც დიდი ტერიტორია ეკავა ზაგროსის მთიანეთში, ურმიის ტბის სამხრეთით. ირკვევა, რომ უძველეს ხანებში ურარტელ ტომებს დიდი მტრობა ჰქონიათ ლულუბის ხალხთან, რასაც ძალზე ღრმა კვალი დაუტოვებია ურარტელთა მეხსიერებაში.

უკვე II ათასწლეულში ჩ. წ.-მდე, მითანისა და ხურის სამეფოთა არსებობის ხანაში, ლულუბიელებს დიდი მტრობა ჰქონიათ მათ მეზობლად მცხოვრებ ხური-ურარტელ ტომებთან. გარკვეულ პერიოდში ხური-ურარტელი ტომების გაერთიანებები იმდენად ძლიერი იყვნენ, რომ ლულუბის ტომებს არბევდნენ, დიდი ოდენობით მიჰყავდათ ლულუბიელები ტყვედ და მონებად ამუშავებდნენ (ასე მაგალითად, ცნობილია, რომ დღევანდელი ქურთისტანის ტერიტორიაზე, ქალაქ კერკუქის რაიონში მცხოვრებ ხურიტებში II ათასწლეულის შუახანებში მონებად უმთავრესად ლულუბიელები ჰყოლიათ). ამავე ხანებში მითანისა და ხეთების იმპერიებში ლულუბიელ ტყვეებს არა მარტო მონებად იყენებდნენ, არამედ დაქირავებულ ჯარისკაცებადაც. მითანისა და ხეთების სამეფო კარზე დაქირავებული ჯარის მნიშვნელოვან ფენას თავისი მეომრობით განთქმული ლულუბიელები შეადგენდნენ. ლულუბიელებთან ასეთი ინტენსიური ურთიერთობის შედეგად „ლულუბის“ ხალხის სახელმა ხურიტების თვალში ზოგადი სახელის მნიშვნელობა მოიპოვა, იგი ყველა „უცხოელის“, „ბარბაროსის“ აღმნიშვნელ ზოგად სახელად იქცა.

II ათასწლეულის ბოლო საუკუნეებში, როდესაც დაეცა დიდი ხურიტული სახელმწიფოები, ლულუბის ხალხმა უკვე თვითონ დაწყობა შეტევა აქამდე მათი შემაწუხებელი მეზობ-

ლების, ხური-ურარტელი ტომების წინააღმდეგ. II ათასწლეულის ბოლოსათვის ჩამოყალიბდა ლულუბის ტომთა მსხვილი გაერთიანება, რომელმაც სასტიკი ბრძოლები გააჩაღა ბაბილონეთისა და ასურეთის სამეფოებთან. ვანის ტბის სამხრეთ-აღმოსავლეთით, ლულუბიელთა მეზობლად მცხოვრები ხური-ურარტელი ტომებიც ამ დროს, ეტყობა, ძალზე შეწუხებული იყვნენ ლულუბიელთა თავდასხმებისაგან. ალბათ, ამიტომ მოხდა, რომ „ლულუბის“ ხალხის სახელმა, როგორც ზემოთაც აღვნიშნეთ, ურარტელებში ზოგადი სახელის მნიშვნელობა მოიპოვა, საერთოდ, ყველა „მტრის“, ყოველივე „მტრულის“ აღმნიშვნელ ზოგად სახელად იქცა (ურარტულ წარწერებში სახელი „ლულუ(ბი)“ უბრალოდ „მტრის“, „მტრულის“ ზოგადი წნიშვნელობით იხმარება).

3. ნაირი-ურარტუს ტომებისა და ასურეთის ურთიერთობა ურარტუს სამეფოს წარმოქმნის წინა ხანაში

მას შემდეგ, რაც ხურიტების დიდი სამეფოები (მითანისა და ხურის), აგრეთვე ურარტელი ტომების პირველი მსხვილი გაერთიანებები ასურელებმა გაანადგურეს, ვანისა და ურმიის ტბათა გარშემო („ნაირი-ურარტუს“ მხარეში) მცხოვრები ხური-ურარტელი ტომები პოლიტიკურად მეტად მცირე ერთეულებად არიან დანაწილებული. სამხრეთ-აღმოსავლეთით მათ, როგორც აღვნიშნეთ, დიდი ბრძოლები აქვთ ლულუბის ხალხთან; ნაირის სამხრეთ-დასავლეთ პერიფერიაზე (ჩრდილო მესოპოტამიაში, ეფრატის ზემო წელის რაიონში) მცხოვრები ხური-ურარტელი ტომები ამ დროს შევიწროებას განიცდიან ამ ადგილებში II ათასწლეულის ბოლო ხანებში გამოჩენილ ახალ სემიტურ ტომებისაგან, არამეელებისაგან, რომლებიც მკვიდრდებიან რა ჩრდილო სირიასა და ჩრდილო მესოპოტამიაში, ართმევენ რიგ ადგილებს ხურიტებსა და ასურელებს და საუკუნეთა მანძილზე ძალზე აწუხებენ მათ გამუდმებული თავდასხმებით. მაგრამ ყველაზე უფრო სასტიკი ბრძოლები ნაირი-ურარტუს ხური-ურარტელ ტომებს მაინც თავის სამხრეთელ მეზობელთან — ასურეთთან მოუხდათ.

ასურელები ხშირად ლაშქრობდნენ ნაირი-ურარტუს ქვეყნებში. ასურეთის მეფეთა წარწერები სავსეა ნაირი-ურარტუს ქვეყნების დალაშქვრის ამბების გადმოცემით. ადრეული ხანის ასურეთის მეფეთა შორის ამის შესახებ ბევრ ცნობას გვაწვდის სალმანასარ I (1310—1280), ტუგულთინინურტა I, ტიგლათფრესერ I, ასურბელკალა, ადადნირარი II, ტუგულთინინურტა II და ასურნასირპალ II (884—860).

ნაირი-ურარტუს ქვეყნებში ასურელთა ლაშქრობებს, პირველ ყოვლისა, ნადავლისა და ტყვე-მონების ხელთგდების მიზანი ჰქონდა. მაგრამ ამასთან ერთად ასურეთის მეფეები უკვე ადრევე ცდილობდნენ ნაირის ქვეყნებში უფრო მტკიცედ მოეყრდათ ფეხი. მათ უნდოდათ ნაირის დამარცხებულ ხელისუფალთა ვის ასურეთის ერთგულების ფიცი ჩამოერთმიათ და მათთვის „სამუდამო“ ხარკი დაეკისრებინათ. ამასთანავე, რომ უფრო მეტი სიმტკიცე ჰქონოდა ნაირის ხელისუფალთა ვალდებულებებს ასურელთა მიმართ, ასურეთის მეფეები ხშირად ვაეიშვილებს არამევედნენ მძევლებად ნაირის მეფეებს, ან მცხოვრებლებს და ასურეთში მიჰკავდათ. ასურელებისათვის აღრიდანვე უცხო არ იყო ნაირის ტერიტორიის ასურულ პროვინციად გადაქცევისაკენ ლტოლვაც.

ზოგჯერ ასურეთის ესა თუ ის მეფე ამბობს, რომ მან ნაირის მოსახლეობას თავისი მმართველი, თავისი „მეთვალყურე“ მიუყენა. მაგრამ აქ თითქმის ყოველთვის საქმე ეხება ნაირის სამხრეთ, საკუთრივ ასურეთთან ახლო მდებარე რაიონებს. ასურელები ცდილობდნენ, რომ ჩრდილოეთში (ნაირის მხარეში) თავისი დასაყრდენი პუნქტები შეექმნათ. ასურეთის მეფეები ადრეულ ხანიდან მოყოლებული კმნიდნენ ნაირის მხარეში ასურელთა ახალშენებს, რომლებიც მათ დასაყრდენ პუნქტებს წარმოადგენდნენ ნაირის ხალხებთან ბრძოლის საქმეში.

ჩრდილოეთში ასურელთა ასეთი დასაყრდენი პუნქტები იყო, მაგალითად, ქალაქები თუშხა, დამდამუსა (ორივე ეს ქალაქი დღევანდელ დიარბექირის სამხრეთ-აღმოსავლეთით, მისგან დაახლოებით 18 კილომეტრის მანძილზე მდებარეობდა), სინაბუ, თიდუ და სხვ. ასურნასირპალ II ჩრდილო-აღ-

მოსაელეთში, ზამუას ქვეყანაში, კიდევ ერთი ასეთი დასაყრდენი პუნქტი შექმნა: ქალაქი ათლილა, რომელიც ნანგრევებად იყო ქცეული, მან აღადგინა, გალავანი შემოაგდო, შავ სასახლე აიგო, თვით ქალაქს კი სახელი შეუცვალა და დურ-ასურის უწოდა... როდესაც ასურეთი სუსტდებოდა, ასურეთის ჩრდილოეთით მცხოვრები ტომები, პირველ ყოვლისა, ასურელთა ამ დასაყრდენ პუნქტებს ავაწროებდნენ და ცდილობდნენ ხელში ჩაეგდოთ ისინი. ასურნასირპალ II, მაგალითად, მოგვითხრობს, რომ ნაირის წინააღმდეგ აღმართულ ასურელთა სიმაგრეებს — სინაბუსა და თიდუს-არუმუს ქვეყნის ხალხი (არამეელები) ასურეთის სისუსტის ვამს დაეუფლაო; იგი იკვებნის, არამეელებს ხელიდან გამოგვლიჯე ეს სიმაგრეები და ასურელებს დაუბრუნეო.

ასურელებს პირველხარისხოვანი სამხედრო ორგანიზაცია გააჩნდათ და ძლივამოსილი ლაშქარი ჰყავდათ: ამ ძლივამოსილ ლაშქარზე დაყრდნობით ასურეთი თავისი ძლიერების დროს უმოწყალოდ არბევდა და ძარცვავდა მეზობლებს და იგი უმეტესად ძარცვით მოპოვებული ნადავლით, ანდა დამორჩილებული ხალხებისაგან მიღებული ხარკით ცხოვრობდა. ასეთი ვითარების გამო ასურელთა საზოგადოება თანდათან მხედრების საზოგადოებად იქცა. დამარცხებულთა მიმართ ასურელები დიდ სისასტიკეს იჩენდნენ: დასახლებული პუნქტების დანგრევა, მათთვის ცეცხლის წაქიდება, მოსახლეობის გაუღეტა, ტყვეების თავის მოკვება, სარზე ჩამოცმა, ან ცოცხლივ ტყავის გაძრობა ჩვეულებრივი ამბავი იყო ასურელთა საომარ ექსპედიციებში. ამგვარ მოქმედებათა აღწერებით სავსეა ასურეთის მეფეთა წარწერები. ტიგლათფილსერ I, მაგალითად, როდესაც აგვიწერს მის მიერ ნაირის მეფეთა კოალიციის დამარცხებას, ამბობს: „მათი დიდი ქალაქები დავიპყარ, მათი ნადავლი, მათი ქონება, მათი სარჩო-საბაჟებელი წამოვიღე. მათი ქალაქები ცეცხლში დავწვი, დავანგრეე, გავანადგურე, ნანგრევთა გროვად ვაქციე მე ისინი...“

ნაირის მოსახლეობის მიმართ ჩადენილ სისასტიკეთა აღწერებში განსაკუთრებული ენაწყლიანობით გამოირჩევა ასურნასირპალ II-ის (884—860) წარწერები. ასე, მაგალითად, მე-

ფობის პირველ წელს ჩრდილოეთში, ხაბზის ქვეყანაში თარეშის დროს, ასურნასირპალი დევნის და ამარცხებს მისი ლაშქრის შიშით მთებში გახიზნულ ხაბზის სხვადასხვა ქალაქების მცხოვრებლებს. დახოცილი მეომრების თავებისაგან ასურელები სვეტებსა ქმნიან, მათ ქალაქებს კი ძარცვავენ, ანგრევენ და ცეცხლს უკიდებენ. ქალაქ ნიშთუნის მმართველი ბუბუ ბუბას-ძე, რომელმაც, ალბათ, განსაკუთრებით სასტიკი წინააღმდეგობა გაუწია ასურელებს, ასურნასირპალ II ასურეთში წაიყვანა, ქალაქ არბელაში ცოცხლივ ტყავი გააძრო და მისი ტყავი ქალაქის კედელზე გადაფინა.

მეფობის მე-2 წელს ასურნასირპალმა ძლივს მოახერხა ნირბუს ქვეყნის მცხოვრებთა ციხე-სიმაგრის, თელას აღება. ასურელებმა სასტიკად დაარბიეს ქალაქი. მრავალი ტყვე დასწვეს კოცონზე, ზოგს ხელები და თითები, ცხვირა ან ყურები დააჭრეს, ზოგს კი თვალები დათხარეს. ასურნასირპალის ამავე ლაშქრობისას კაშიარის მთებში მყოფი ნირბუს ქვეყნის რამდენიმე მცირედ დაცული ქალაქის მცხოვრებლებმა ასურელთა შიშით დატოვეს თავიანთი ქალაქები და თავი შეაფარეს ერთ-ერთ ძლიერ გამაგრებულ ქალაქ იშთილიბრიას. ასურელებმა აიღეს ეს ქალაქი და სასტიკი ხოცვა-ჟლეტა გააჩაღეს: დატყვევებულ მეომრებს თავები მოჰკვეთეს და მათგან სვეტები ააგეს ქალაქის წინ, აქაური ახალგაზრდა ვაჟები და ქალები კი კოცონზე დაწვეს.

ასურნასირპალის მეფობის მე-5 წელს, ნაირის სამხრეთში თარეშისას, ასურელებს განსაკუთრებით სასტიკ წინააღმდეგობას უწევდა დირას ქვეყნის ერთ-ერთი ძლიერ გამაგრებული ქალაქი ფითურა. სამაგიეროდ ასურელები ქალაქის აღების შემდეგ სასტიკად გაუსწორდნენ მის მოსახლეობას: ტყვედ ჩაგდებულთა ნაწილი მათ ცეცხლში დაწვეს, ხოლო 700 კაცი ქალაქის კარიბჭის პირდაპირ სარზე ჩამოაცვეს.

მეფობის მე-18 წელს, კაშიარის მთის რაიონში, ლაფთური ტუბუსის-ძის ერთ-ერთი ციხე-სიმაგრის, ქალაქ უდას აღების შემდეგ, ასურნასირპალმა ტყვედ ჩაგდებულ მცხოვრებთა ნაწილს თვალები დასთხარა, ნაწილი კი, ქალაქის ირგვლივ სარზე ჩამოაცვა.

ასურეთის მეფეთა წარწერებიდან კიდევ ბევრი სხვა მაგალითის მოტანა შეიძლება ნაირის მხარეში ასურელთა ამ სახის საქმიანობის საილუსტრაციოდ. ყველაფერ ამას, რა თქმა უნდა, მიზნად ჰქონდა მოსახლეობის დაშინება და ამ გზით ნაირის მხარეში ასურელთა ბატონობის განმტკიცება. ნაირის ხალხები გაშმაგებულ წინააღმდეგობას უწევდნენ ასურელ მოთარეშეებს და ვერ ურიგდებოდნენ ასურელთა მორჩილებასა და მათთვის ხარკის გაღებას.

ასურელთა მოხარკეობა მართლაც ადვილი საქმე არ იყო. თვით ასურელები, მათ მიერ დადებულ ხარკს ჩვეულებრივ „მძიმე“-ს ეპითეტით ამკობდნენ (აშობდნენ: „მანდათუ ქაბითუ“ ანუ „ქაბითუ ბილთუ“ — „მძიმე ხარკი“). ასურელთა ხარკი ყაჩაღურ ძარცვაზე მძიმე რამ იყო. ამიტომ იყო, რომ დამარცხებული ხალხები ვერას გზით ვერ ურიგდებოდნენ ასურელთადმი მორჩილებასა და მშთთვის ხარკის ძლევას. ასურელთა ლაშქრის მათი ქვეყნიდან წასვლისთანავე ისინი ივიწყებდნენ მათ მიერვე ასრულებისათვის ნაკისრ ხარკის მიცემის ვალდებულებას, ჯანყდებოდნენ და ითავისუფლებდნენ თავს ასურელთა მორჩილებისაგან. ამიტომაც ასურელებს ლაშქრობის მოწყობა სისტემატიურად სჭირდებოდათ, რომ დამარცხებული ხალხები მორჩილებაში ჰყოლოდათ. ასეთი იყო ვითარება ასურეთის მომიჯნავე ისეთ ქვეყნებშიც კი, რომლებზედაც გალაშქრება და რომელთა რბევაც ასურელებისათვის დიდ სიძნელეს არ წარმოადგენდა. ბუნებრივია, რომ კიდევ უფრო ცუდად იქნებოდა ასურელთა საქმეები ნაირის მთიან, უგზო და ძნელად მისაწვდომ რაიონებში მცხოვრები ტომების მიმართ. რა თქმა უნდა, ნაირის მთიან მხარეში მცხოვრები ტომები, მიუხედავად მორჩილებისა და ხარკის მიცემის აღთქმისა, დიდხანს არ რჩებოდნენ ასურელთა მორჩილებაში და ასურელთა ლაშქრის მათი ქვეყნიდან წასვლისთანავე ივიწყებდნენ ასურელთადმი ნაკისრ ვალდებულებებს.

მიუხედავად იმისა, რომ ნაირის ხალხები ჩვეულებრივ სასტიკ წინააღმდეგობას უწევდნენ ასურელ მოთარეშეებს, სამხედრო წარმატება თითქმის მუდამ ასურელთა ლაშქრის მხარეზე იყო, რადგანაც ნაირის მხარეში ამ დროს არ არსებ-

ბობდნენ მსხვილი, ძლიერი პოლიტიკური ერთეულები. ასურული წყაროები ნაირის მხარეში ათეულობით „ქვეყნებსა“ და „მეფეებს“ ასახელებენ. „ქვეყნების“ (ე. ი. ცალკე პოლიტიკური ერთეულების) და „მეფეების“ ასეთი სიმრავლე მოწმობს, რომ აქ ჩვენ საქმე გვაქვს საკმაოდ მცირე ტერიტორიისა და მცირე ძალის ერთეულებთან. ბუნებრივია, რომ ნაირის ასეთი მცირე ერთეულების მოსახლეობა, მიუხედავად გაშმაგებული წინააღმდეგობისა, ბერს ვერაფერს გააწყობდა ასურეთის მხედრობასთან. ამას მათში უნდა გამოეწვია ასურელ მოთარეშეთათვის შეერთებული ძალით წინააღმდეგობის გაწევის ტენდენცია. მართლაც, ნაირის მცირე ერთეულების ასეთი გაერთიანებები აღრიდანვე ჩნდება დაპყრობელთათვის შეერთებული ძალით წინააღმდეგობის გაწევის მიზნით.

ასურეთის მეფეებს არა ერთგზის მოუხდათ შეტაკება ნაირის „ქვეყნების“ დიდ კოალიციებთან. ასე მაგალითად, უკვე ტუგულთინინურტა I-ს (1280—1245) ნაირის მხარეში გალაშქრებისას შეტაკება უხდება ნაირის 43 მეფის კოალიციასთან. ტუგულთინინურტა I ამბობს, რომ მან დაამარცხა ნაირის ამ 43 მეფის ლაშქარი და დამარცხებულთა სისხლით მორწყო მთის ხეობები. ტიგლათფილესერ I (1115—1077) ვრცლად მოგვითხრობს თავისი ბრძოლების შესახებ ნაირის 23 მეფის გაერთიანებასთან, რომელთაც, როგორც ჩანს, შეუერთდნენ ნაირის კიდევ სხვა მეფეები: „იმ დროს,—ამბობს ტიგლათფილესერი,—ძალითა მალლისა ასურ ღვთაებისა, მეუფისა ჩემისა, მამაცი შამაშ-ღვთაების ერთგული წყალობით, დიად ღვთაებათა შემწეობით, მე, რომელიც ოთხთა სამყაროთა ზედა სამართლიანად ვბრძანებლობ, რომელსაც არა მყავს მძლეველი ომში და ტოლი ბრძოლაში, გამგზავნა ღვთაება ასურმა, მეუფემ, შორეულ მეფეთა ქვეყნებისაკენ, რომელნიც ზემო ზღვის ნაპირას (ცხოვრობენ) და რომელთაც არ იცოდნენ (თუ რაა) მორჩილება. და მე წავედი...“. ტიგლათფილესერ I მოგვითხრობს, რომ მან გადაიარა 16 უზარმაზარი მთა, სადაც მას მოუხდა მეტად მძიმე გზებით სიარუ-

ლი; ამის შემდეგ იგი მდინარე ფურათუს მიაღვა (ე. ი. ევ-ფრატს—ივულისხმება მდ. არცანია, დღევანდელი შურად-სუ). „გადავლახე მდინარე ფურათუ, — განაგრძობს ტიგლათფილესერი, — თუმცე ქვეყნის მეფემ, თუნუბეს ქვეყნის მეფემ, თუალის ქვეყნის მეფემ.. (სულ ჩამოთვლილია ნაირის 23 სხვადასხვა ქვეყნის მეფე), ერთიანად ნაირის ქვეყნების 23 მეფემ, შეკრიბეს თავიანთ ქვეყნებში ეტლები და ჯარები და ბრძოლისა და ომისათვის გამოემართნენ. ჩემი თავზარდამცემი იარაღის სიმშაგით თავს დავატყდი მე მათ. ღეთაება ადადის კოკისპირული წვიმის მსგავსად მე აღვასრულე მათი მრავალრიცხოვანი ჯარების განადგურება. მათი მეომრების გვამები მე მიმოვფანტე... მთის მალალ ადგილებსა და მათი ქალაქების ირგვლივ. 120 მათი საომრად აღჭურვილი ეტლი ბრძოლაში აელთ ვიგდე მე. ნაირის ქვეყნის 60 მეფეს, მათთან ერთად, რომლებიც მათ საშველად მოვიღნენ, ჩემი შუბით ზედა ზღვამდე მივსდიე...“. ეტუობა, ნაირის ქვეყანაში ამ თავისი ლაშქრობისას, ტიგლათფილესერი I-ს შეტაკება მოუხდა ნაირის მოსახლეობის დიდ ნაწილთან. ნაირის იმ 23 მეფის კოალიციაში, რომელთანაც მოუხდა შებრძოლება ტიგლათფილესერი I-ს, იხსენიებიან ერთი მხრივ ნაირის უკიდურეს სამხრეთში (ურმიის ტბის სამხრეთით) მდებარე თუმეს ქვეყნის მეფე და მეორე მხრით ნაირის უკიდურეს ჩრდილოეთში (დღევანდელი არზრუმის რაიონსა და მის ჩრდილოეთით) მდებარე დაიანის ქვეყნის მეფე. როგორც ვხედავთ, ასურელებისათვის წინააღმდეგობის გასაწევად ამ დროს ნაირის მოსახლეობის დიდი ნაწილი გაერთიანებულა.

ამრიგად უკვე ძალზე ადრეული ხანიდან ნაირის ხალხთა შორის თავს იჩენს ასურელ მითარეშეთათვის შეერთებული ძალით წინააღმდეგობის გაწევის ტენდენცია, უკვე ადრეული ხანიდანვე ნაირის ქვეყნებში მოლაშქრე ასურეთის მეფეებს ხშირად უხდებათ შეტაკება ნაირის არა ცალ-ცალკე ამა თუ იმ მცირე ერთეულების ლაშქართან, არამედ ნაირის ხალხთა დიდ გაერთიანებებთან, რომლებიც ასურელებისათვის წინააღმდეგობის გასაწევად იქმნებოდნენ.

4. დაიანის (დიაუხის) სამეფო—შქლიმკისი ერთეული ნაირის მხარეში ურარტუს სამეფოს წარმოქმნაზე

II ათასწლეულის დასასრულისათვის, როგორც აღვნიშნეთ, სამხრეთით, ასურეთთან ახლო მდებარე ხურიტული რაიონებში სასტიკად იქნა დარბეული ასურელებისა და ამ ხანებში აქ მოსულ არამეელების მიერ. ამის შემდეგ ხურიტული ელემენტის პოლიტიკური ცხოვრების ცენტრმა ჩრდილოეთით გადაინაცვლა.

დიდი ხურიტული სამეფოების დაცემის შემდეგ (II ათასწლეულის დასასრული), სანამ ძლიერი ურარტუს სამეფო წარმოიქმნებოდა (IX ს. შუახანები ჩ. წ-მდე) ნაირის მხარეში ყველაზე მნიშვნელოვანი სამხრეთ-დასავლეთ საქართველოს ტერიტორიაზე მდებარე დაიანის მსხვილი სამეფო ჩანს.

ეს ქვეყანა, რომელიც ასურულ წყაროებში „დაიანად“ იწოდება, მრავალგზის იხსენიება ურარტულ წყაროებშიც, რომლებიც მას „დიაუხის“ (ან „დიაუხი“-ს) უწოდებენ. ამ ქვეყნის სახელი შემოინახა სამხრეთ საქართველოს ერთ-ერთი ოლქის „ტაო“-ს სახელში. ასურული და ურარტული წყაროების ეს დაიანის (დიაუხის) ქვეყანა საქართველოს სამხრეთ-დასავლეთ ნაწილში მდებარეობდა. დღევანდელი არზრუმის და დასავლეთ ეფრატის (ყარა-სუს) სათავეების რაიონი, როგორც ირკვევა, ამ ქვეყნის სამხრეთ პერიფერიას წარმოადგენდა. ამ რაიონიდან დაიანის ქვეყანა ფართო ტერიტორიაზე იყო გავრცელებული ჩრდილოეთით მდ. კოროხისა და შავი ზღვის სანაპიროების მიმართულებით. დაიანის ქვეყნის მოსახლეობის მნიშვნელოვან ნაწილს ხურიტული ტომები შეადგენდნენ. ასურულ და ურარტულ წყაროებში ამ ქვეყანასთან დაკავშირებით დასახელებულ საკუთარი სახელებიდან (პიროვნებათა, ადგილებისა და სხვა) ბევრი ხურიტულ ელფერს ატარებს (მაგალითად, დაიანის მეფეთა სახელები: ასია, სიენი, უტუფურზინი, სატომო სახელი შაშქი, ცალკეული ოლქებისა თუ „ქალაქების“ სახელები: უტუხაი, შაშილუნი, შერიაზი და სხვ.), თვით ქვეყნის (ხალხის) სახელი

დაიანნი—დიაუხიცი ხურიტული სახელია. ეტყობა ეს გაერთიანება თავიდან ხურიტული ტომების ჰეგემონობით ჩამოყალიბდა. ძველ დროშივე ამ მსხვილი გაერთიანების ფარგლებში ხურიტებს გარდა შედიოდა ზოგი ქართველური ტომიც.

დაიანნის სამეფო ყველაზე ჩრდილოეთით მდებარე ხურიტული სამეფო იყო. იგი ჩრდილოეთით პირდაპირ აგრძელებდა ხურიტული მოსახლეობის ხაზს, რომელიც ბევრად უფრო სამხრეთით იწყებოდა. სამხრეთით დაიანნის ქვეყანას უშუალოდ ემიჯნებოდა სუხმის დიდი ქვეყანა (ხეთური წყაროების ზუხმა), რომლის მოსახლეობაც ხურიტული ჩანს; კიდევ უფრო სამხრეთით იყო აგრეთვე ხურიტული კუმუხი და სხვა ხურიტული ერთეულები.

როგორც ვთქვით, სამხრეთის ძლიერი ხურიტული სამეფოების (მითანი და სხვ.) დაცემამ ისევე, როგორც ამავე ხანებში შომხდარმა ხეთების ძლევამოსილი სახელმწიფოს განადგურებამ, გზა გაუხსნა ჩრდილოეთის ხურიტული გაერთიანებების გაძლიერებას; ამ ხანებშია რომ ჩვენ ვხვდებით არზრუმისა და ევფრატის სათავეების რაიონში ხურიტული დაიანნის (დიაუხის) ტომის ჰეგემონობით ჩამოყალიბებულ მსხვილ გაერთიანებას, რომელიც უკვე XII საუკუნის დასასრულისათვის ნაირის მხარეში ყველაზე მნიშვნელოვან ერთეულად გვევლინება.

ასურეთის მეფის ტიგლათფილესერ I-ის (1115—1077) მეფობის დასაწყისში დაიანნის სამეფოს ჩვენ ვხედავთ ასურელთა წინააღმდეგ მიმართულ ნაირის ხალხთა დიდი გაერთიანების მეთაურად: თავისი მეფობის მე-3 წელს ტიგლათფილესერ I გაილაშქრა ნაირის წინააღმდეგ. გადალახა მდ. ევფრატი და მის ჩრდილოეთით (როგორც ფიქრობენ, დღევანდელი მალაზგირთის რაიონში) შეტაკება მოუხდა ნაირის 23 ქვეყნის გაერთიანებულ ლაშქართან. ტიგლათფილესერი ჩამოთვლის კიდევაც ნაირის ამ 23 ქვეყანას, საიდანაც ჩანს, რომ ტიგლათფილესერის წინააღმდეგ ნაირის მეტად ვრცელი ტერიტორიის მომცველი გაერთიანება ჩამოყალიბებულა: ნაირის ამ ქვეყნებს შორის იხსენიება ერთი მხრით ურმიის ტბის

სამხრეთით მდებარე თუშვეს ქვეყანა, ან ვანის ტბის სამხრეთ-აღმოსავლეთით, მდ. ზედა ზაბის რაიონში მყოფი ხიშუა და, მეორე მხრით, ჩრდილოეთით (დღევანდელ არზრუმის რაიონსა და უფრო ჩრდილოეთით) მდებარე ისეთი ერთეული, როგორცაა დაიანნი. ეტყობა ნაირის ხალხთა ამ გაერთიანებაში, რომელთანაც ბრძოლა მოუხდა ასურეთის მეფეს, შედიოდა ნაირი-ურარტუს ბევრი სხვადასხვა ტომი, დაწყებული ურმიის ტბის სამხრეთით მდებარე ქვეყნების მცხოვრებთაგან, ვიდრე სამხრეთ ამიერ-კავკასიის ტერიტორიაზე მცხოვრებ ხალხებამდე. ასურეთის მეფის ამა თუ იმ შემოსევისათვის წინააღმდეგობის გასაწევად ასეთ ვრცელ ტერიტორიაზე მცხოვრები ხალხების გაერთიანება სახელდახელოდ, სტიქიურად შექმნილ კოალიციას არ უნდა წარმოადგენდეს. ეტყობა, ასეთი მსხვილი გაერთიანების შექმნა წინა, საკმაოდ ხანგრძლივი პერიოდის განმავლობაში შექმნილი ტრადიციებით იყო შემზადებული. როგორც ტიგლათფილესერ I-ის წარწერებიდან ვგებულობთ, ნაირის ხალხთა ამ მსხვილი გაერთიანების ჰეგემონი ნაირის უკიდურეს ჩრდილოეთში, სამხრეთ-დასავლეთ ამიერ-კავკასიის ტერიტორიაზე მდებარე ხურიტული დაიანის სამეფო ყოფილა: ტიგლათფილესერ I სასტიკ ბრძოლაში იმარჯვებს ნაირი სამ 23 „მეფის“ ლაშქარზე, რომელთაც შემდეგ ნაირის კიდევ 60 სხვა „მეფე“ მიშველებია. ბრძოლაში მან შეძლო ყველა მის წინააღმდეგ ამხედრებული ნაირის მეფის დატყვევება. მან ისინი ადგილზევე შეიწყალა, მორჩილებაზე დააფიცა, მიქელები გამოართვა, ხარკი დაადო და თავთავიანთ ქვეყნებში გაუშვა. ტიგლათფილესერმა ნაირის ყველა მეფისაგან მხოლოდ გაერთიანების მეთაური — დაიანის მეფე სიენი — გამოჰყო და ასურეთში წაიყვანა: „სიენი, მეფე დაიანის ქვეყნისა, — ამბობს ტიგლათფილესერი, — რომელიც არ დამორჩილდა ღვთაება ასურა, მეფუესა ჩემსა, დატყვევებული და შებოჭილი ჩემ ქალაქ ასურში წაიყვანე (და იქ) შევიწყალე იგი. ჩემ ქალაქ ასურიდან დიად ღვთაებათა მორჩილი გაუშვი მე იგი მორჩილებისა და სიცოცხლისათვის...“ — ეტყობა ტიგლათფილესერ I-მა გადასწყვიტა, რომ ასურეთის

სამეფოს ინტერესებისათვის დაიანის ურჩი მეფის დასჯაზე უფრო სასარგებლო იქნებოდა მისი შეწყალება, გამოართვა მას ერთგულების ფიცი და თავის ქვეყანაში გაუშვა.

ტიგლათფილესერ I-ის შემდეგ რამდენიმე საუკუნის განმავლობაში, ვიდრე სალმანასარ III-ის ხანამდე (IX ს. შუახანები ჩ. წ-მდე) ასურულ წყაროებში არაფერი ისმის დაიანის შესახებ. მაგრამ მას შემდეგ, რაც ცნობები დაიანის შესახებ კიდევ ჩნდება (IX-VIII საუკუნის ასურულ და ურარტულ წყაროებში) დაიანი კვლავ მსხვილ და მნიშვნელოვან ერთეულად მოჩანს. არ შეიძლება ვთქვათ, რომ XII-IX საუკუნეთა მანძილზე დაიანის გაერთიანება დაშლილი ანდა საგრძობლად დასუსტებული იყო. ის გარემოება, რომ მის შესახებ არაფერია ნათქვამი ამ დროს ასურულ წყაროებში, აიხსნება ტიგლათფილესერ I-ის (1115—1077) შემდეგ ასურეთის დასუსტებით. ასურეთს რამდენიმე საუკუნის მანძილზე უხდება მძიმე თავდაცვითი ბრძოლების წარმოება არამეფელი ტომების წინააღმდეგ; ამ ხანებში ასურეთის მეფეებს ხელი აღარ მიუწვდებოდათ ჩრდილოეთით მდებარე ისეთ ქვეყნებზე, როგორც იყო დაიანი. მხოლოდ IX ს-ში ასურეთი გამოდის სისუსტის ამ ხანგრძლივი პერიოდიდან და ძველებურ შეტევას იწყებს ჩრდილოეთის ხური-ურარტელი ტომების მიმართ. ამასთან ერთად ასურულ წყაროებში კვლავ ჩნდება დაიანის მსხვილი სამეფო.

ასე რომ ჩვენი წყაროების დუმილი XII-IX საუკუნეთა მანძილზე დაიანის შესახებ სრულიადაც არ ლაპარაკობს ამ ეპოქაში დაიანის დასუსტების შესახებ; პირიქით, საფიქრებელია, რომ სამხრეთის ძლიერი მეზობლის (ასურეთის) დასუსტებამ და ახლო მეზობლად, თვით ნაირი-ურარტუს მხარეში, მსხვილი პოლიტიკური ერთეულების არ არსებობამ ხელსაყრელი პირობები შექნა დაიანის კიდევ უფრო გაძლიერებისათვის. XII-IX საუკუნეები ჩ. წ-მდე, შეიძლება სწორედ დაიანის სამეფოს ძლიერების გაფურჩქვნის ხანაა, ამ დროს დაიანი თავისი სიძლიერით, ალბათ, კვლავ პირველი ერთეულია ნაირის ვრცელ მხარეში.

5. დიდ სახელმწიფოებრივ გაერთიანებათა ჩამოყალიბების პირობების მომზადება ნაირი-ურარტუს მხარეში

ძველი ურარტუს ტერიტორიაზე მოპოვებული არქეოლო-
გური მასალა უმთავრესად ურარტუს ისტორიის გვიანდელ
ხანას ეკუთვნის. ამიტომ ადრეული, ურარტუს სამეფოს წარ-
მოქმნაზე უწინარესი ხანის შესახებ ჩვენ თითქმის მარტოდენ
ასურულ წარწერებში დაცული ცნობები გავვაჩნია. ასურული
წარწერების მიხედვით ნაირი-ურარტუს მოსახლეობის სამე-
ურნეო საქმიანობაში ბუნებრივი პირობებისდა შესაბამისად
წამყვანი ზოგან მესაქონლეობა ჩანს, ზოგან კი—მიწათმოქმე-
დება. საინტერესოა, რომ ამ დროს მინდვრეულ კულტურებ-
თან ერთად აქ განვითარებული ჩანს სოფლის მეურნეობის
ისეთი ინტენსიური დარგები, როგორიცაა მებაღეობა და მე-
ვენახეობა. თართოდ განვითარებული ყოფილა აგრეთვე ლი-
თონის დამუშავებაც; ასურეთის მეფეებს ნაირი-ურარტუს მხა-
რეში ლაშქრობის დროს დიდძალი ლითონის ნაწარმი უვარ-
დებოდათ ხელში (სპილენძი, ბრინჯაო, რკინა, ვერცხლი და
ოქრო).

საერთოდ, ნაირი-ურარტუს მხარე უკვე ამ უძველეს ხანა-
ში საკმაოდ მდიდარ ქვეყანად მოჩანს. ასურეთის მეფეები აქ
ეუფლებიან დიდი რაოდენობით ათასგვარ სიმდიდრეს: პი-
რუტყვს, მარცვლეულს, ღვინოს, ლითონის ნაწარმს. ნაირის
მხარეში ხელთგდებულ ნადავლსა, ანდა ნაირის მცხოვრებთა-
გან მიღებულ ხარკში ძვირფასი ლითონებიც ბევრჯერ იხსენიე-
ბა (ოქრო და ვერცხლი). სხვა მხრივაც ნაირის მოსახლეობა
განვითარების საკმაოდ მაღალ საფეხურზე მდგომი ჩანს. ასუ-
რელთა ლაშქართან ბრძოლაში, მაგალითად, ნაირის მცხოვ-
რებნი იყენებდნენ საომარ ეტლებს, რაც (ყოველ შემთხვევაში
სამხედრო ხელოვნების დარგში) ნაირის მოსახლეობის განვი-
თარების მაღალი დონის შესახებ ლაპარაკობს. ტიგლათფი-
ლესერ I (1115—1077), მაგალითად, როდესაც მოგვიტხოვრებს
ნაირის 23 მეფის გაერთიანებულ ლაშქართან შებრძოლების
შესახებ, ამბობს: „თუმცს ქვეყნის მეფემ, თუნუბეს ქვეყნის მე-
ფემ, თუალის ქვეყნის მეფემ... ერთიანად ნაირის ქვეყნების

23 მეფემ, შეკრიბეს თავიანთ ქვეყნებში ეტლები და ჯარები და ბრძოლისა და და ომისათვის გამოემართნენ. ჩემი თავზარდამცემი იარაღის სიშმაკით თავს დავატყდი მე მათ; ღვთაება ადადის კოკისპირული წვიმის მსგავსად შე ადვასრულე მათი მრავალრიცხოვანი ჯარების განადგურება. მათი მეორეობის გვამები ნე მიმოვფანტე... მთის მაღალ ადგილებსა და მათი ქალაქების ირგვლივ. მათი 120 საომრად შექურვილი ეტლი ბრძოლაში ხელთ ვიგდე მე...“ ამასთანავე ასურეთის მეფეები ნაირის ქვეყნების მცხოვრებთაგან ზოგჯერ ხარკის სახითაც ეტლებს უღებენ...

ნაირი-ურარტუს მოსახლეობა ბინადარ ცხოვრებას ეწეოდა. ასურული წარწერებიდან ჩანს, რომ ნაირი-ურარტუს მხარე მოფენილი ყოფილა გამაგრებული პუნქტებით, რომელთა გარშემო დიდი რაოდენობით მიმოფანტული ყოფილა გაუმაგრებელი, მცირე დასახლებული პუნქტები. გამაგრებული პუნქტების უმრავლესობა, ეტყობა, რასმე მნიშვნელოვანს არ წარმოადგენდა. ამაზე მიგვითითებს მათი მეტისმეტი მრავალრიცხოვნება და ის სისწრაფე, რომლითაც ამ ადგილებში მოლაშქრე ასურელები ეუფლებიან ასეთ ციხე-ქალაქებს. აქ, როგორც ჩანს, იგულისხმება ციკლოპურ (ე. ი. უზარმაზარი, ტლანქად გათლილი ქვებით) კედლებშემოვლებული, ზოგჯერ, აგრეთვე, გალავნის შიგნით ციტადელის მქონე პუნქტები, რომელთა ნაშთებს დღესაც ბლომად ვხვდებით ძველი ნაირის ტერიტორიაზე ასეთი მცირედ გამაგრებული პუნქტები წარმოადგენდენ მისი რაიონის მოსახლეობის (და მისი აგლადიდების, ძირითადად პირუტყვის) თავშესაფარს ომის შემთხვევაში. ამასთანავე, ისინი მხოლოდ მცირერიცხოვანი და ცუდად შეიარაღებული მტრის თავდასხმისას თუ გამოდგებოდნენ თავშესაფრად. ასურეთის ლაშქრისათვის მათ სერიოზული წინააღმდეგობის გაწევა არ შეეძლოთ. ასეთი ციკლოპური ციხე-ქალაქები მხოლოდ პოლიტიკური დაქუცმაცებულობის ატმოსფეროში გაამართლებდნენ თავის დანიშნულებას. სწორედ დაქუცმაცებულობის სურათი წარმოგვიდგება ჩვენ წინაურარტული ხანის ნაირის მხარეში. ასურული წყაროები აქ ათეულობითა და ასეულობით „ქვეყნებს“, ე. ი. ერთმანეთისაგან.

დამოუკიდებელ პოლიტიკურ ერთეულებს, ასახელებენ... ნაირის ამ მცირე ერთეულებს, უმცველია, განუწყვეტელი ბრძოლა ექნებოდათ ურთიერთ შორისაც და ეს ციკლოპური ციხე-ქალაქები სწორედ ამ ხანაში წარმოადგენდნენ ეფექტურ თავდაცვით ნაგებობებს, დასახლებული პუნქტების ეს ტიპი, ალბათ, სწორედ ამ დროსაა ფართოდ გავრცელებული.

შემდეგში მდგომარეობა თანდათან იცვლება: ნაირის მხარეში ყალიბდება მსხვილი გაერთიანებები, ადგილი აქვს პოლიტიკური ერთეულების განსხვილების პროცესს. ძველი დაქსაქსულობის ლიკვიდაციასთან ერთად დაქვეითებას განიცდიან ციკლოპურ ციხე-სიმაგრეთა ტიპის დასახლებული პუნქტები. ახალ ვითარებაში ისინი არ გამოდგებიან ეფექტურ თავდაცვით ნაგებობებად. სამაგიეროდ სულ უფროდაუფრო მრავლდება მცირე დასახლებული პუნქტები, რომელთაც არ გააჩნდათ ციკლოპური გალავნები და საერთოდ თავდაცვითი ნაგებობანი. მეორე მხრით კი ნაირის მხარეში ჩამოყალიბებული მსხვილი პოლიტიკური ერთეულების ხელისუფალნი, თავიანთ ფართო შესაძლებლობაზე დაყრდნობით, აგებდნენ უკვე ბევრად უფრო ძლიერი თავდაცვითი ნაგებობებით აღჭურვილ ციხე-სიმაგრეებს, რომლებიც ეფექტურნი იქნებოდნენ ახალ ვითარებაში—გამოდგებოდნენ მეზობელი მსხვილი ერთეულების ხელისუფალთა და ასურეთის მეფეთა ლაშქრისათვის წინააღმდეგობის გასაწევად, მათი თავდასხმების მოსაგერიებლად (ერთ-ერთი ასეთი ძლიერი ციხე-სიმაგრე იყო, მაგალითად, ურარტუს დედაქალაქი ტუშუა, რომლის აღება ასურეთის ვერც ერთმა მეფემ ვერ მოახერხა).

ასურული წყაროები, როგორც ვთქვით, წინაურარტული ხანის ნაირი-ურარტუს მხარეში ათეულობით „ქვეყნებსა“ და „მეფეებს“ ასახელებენ. ტუგულთინინურტა I (1280—1245), მაგალითად, მოგვითხრობს მისი ბრძოლების შესახებ ნაირის 43 მეფესთან; ტიგლათფილესერ I-ს (1115—1077) ბრძოლა უხდება ნაირის 23 სხვადასხვა ქვეყნის მეფეთა წინააღმდეგ, შემდეგ იგი იხსენიებს შეტაკებას ნაირის 60 მეფესთან. თავისი წარწერების სხვა ადგილას იგივე ტიგლათფილესერ I ლაპარაკობს მის მიერ ნაირის 30 მეფის დამორჩილების შესა-

ხებ. სალმანასარი I (1310—1280), რომლის წარწერებშიც პირველად ვხვდებით ურარტუს მოხსენიებას, ამბობს, რომ მან სამ დღეში დაიმორჩილა ურუატრის (ურარტუს) ქვეყანა და იქვე მოგვითხრობს მის მიერ ურუატრის 8 სხედასხვა ქვეყნის ლაშქრის დამარცხების შესახებ. ნაირი-ურარტუს მხარეში ურარტუს სამეფოს წინა ხანაში „ქვეყნების“ (ე. ი. ცალკე პოლიტიკური ერთეულების) და „მეფეების“ ასეთი მრავალრიცხოვნების ფაქტი იმის შესახებ ლაპარაკობს, რომ მეტწილად აქ, ალბათ, საჭმე გვაქვს არა „სახელმწიფოებთან“ და „მეფეებთან“ დღევანდელი ჩვენი გაგებით, არამედ გვაროვნულ-ტომობრივ გაერთიანებებთან თავ-თავისი ბელადებით სათავეში.

მაგრამ იმ ხანებში, რომელიც უშუალოდ წინ უსწრებს ურარტუს სამეფოს წარმოქმნას, ნაირი-ურარტუს მხარეში უკვე შორს არის წასული გვაროვნული წყობილების დაშლისა და კლასობრივ ურთიერთობათა ჩამოყალიბების პროცესი. აქ ჩვენს წინაშეა „მეფე“—ბელადების ინსტიტუტის მკვეთრად ჩამოყალიბებულობის ფაქტი. ნაირის ეს მეფე-ბელადები უკვე გამოთიშული არიან ხალხის დანარჩენი მასისაგან. ასურული წყაროების მიხედვით ისინი სრულუფლებიან ხელისუფლებად მოჩანან. დამახასიათებელია, მაგალითად, რომ ასურელები ნაირის ამ „მეფეებს“ ხშირად მძევლებად ვაეიშვილებს ართმევდნენ. ის, რომ ასურეთის მეფეები მძევლებს ართმევდნენ არა ხალხს, არამედ „ბელადებს“ („მეფეებს“), მიგვითითებს იმაზე, რომ სუვერენული უფლებები აქ უკვე მკუთვნის არა თვით ხალხს, არამედ სწორედ ამ მეფე-ბელადებს.

ხალხის მასიდან მეფე-ბელადების ასეთ მკვეთრ გამოთიშვას, რა თქმა უნდა, თან სდევდა სამხედრო-გვაროვნული არისტოკრატიის ძლიერი ფენის ასევე მკვეთრად გამოთიშვა ხალხის დანარჩენი მასისაგან. ნაირის ქვეყნების სამხედრო-გვაროვნულ არისტოკრაციასა და ბელადებს (მეფეებს) ამ დროს უკვე გააჩნდათ კერძო საკუთრება და ექსპლოატორებულ ხალხის გარკვეულ ოდენობასაც ფლობდნენ. ექსპლოატორებულ ხალხის ამ მასას აქ შეადგენდნენ მეზობელ ერთეულებთან ბრძოლისას მოპოვებული ტყვე-მონები. ნაირი-ურარ-

ტუს მცირე ერთეულებს, რასაკვირველია, ბრძოლა უხდებოდათ არა მარტო მათ ქვეყანაში შემოსეულ უცხოელ დამპყრობელებთან (ასურელებთან), მათ მუდმივი ბრძოლა ჰქონდათ ურთიერთ შორისაც, რაც ნადავლის გარდა იძლეოდა ტყვეებსაც, რომლებსაც, ალბათ, უკვე მონებად იყენებდა საზოგადოების დანარჩენი მასისაგან გამოთიშული სამხედრო-გვაროვნული არისტოკრატია ბელადით სათავეში.

გვაროვნული წყობილების დაშლისა და კლასობრივ ურთიერთობათა ჩამოყალიბების ამ პროცესს მივყავართ ნაირის მხარეში მსხვილ გაერთიანებათა ჩამოყალიბებისაკენ. ჩნდება მსხვილ ერთეულებად გაერთიანების ტენდენცია, რომლის პირობებშიც არისტოკრატული ზედაფენისათვის უფრო ადვილი იქნება თავისი პრივილეგიური მდგომარეობის შენარჩუნება და განმტკიცება. ამიტომაც ნაირის ცალკეულ გვაროვნულ-ტომობრივ ერთეულთა შორის ბრძოლა, ნადავლისა და ტყვე-მონების მოპოვების გარდა, თანდათან სხვა დანიშნულებასაც იძენს; ამ გზით ეკონომიურად და პოლიტიკურად უფრო ძლიერი ერთეულები ახერხებენ უფრო სუსტი მეზობლების შემოერთებას და ასე თანდათან ყალიბდება მსხვილი ერთეულები, დიდი გაერთიანებები.

რასაკვირველია, ნაირის მთელ ტერიტორიაზე ეს პროცესი ერთნაირი ინტენსივობით არ მიმდინარეობს. წინაურარტული ხანის ნაირის მხარე მარტო პატარა-პატარა გვაროვნულ-ტომობრივი ერთეულებით როდია სავსე. აქ ჩვენ ვხვდებით ისეთ მსხვილ გაერთიანებებსაც, როგორც იყო დაიანის დიდი სამეფო, რომლის ხელისუფალნიც, ეტყობა, თავისი ჰეგემონობით მთელი ნაირის გაერთიანებისაკენაც კი ისწრაფვიან. ასეთ მსხვილ ერთეულებში ჩვენ უთუოდ უკვე კლასობრივ საზოგადოებასა და სახელმწიფოებრივი ხელისუფლების არსებობასთან გვაქვს საქმე. სხვა ადგილებშიც განვითარება სოციალური დიფერენციაციის გაღრმავებისა და მსხვილ გაერთიანებათა ფორმირებისაკენ მიიმართება, რამაც კლასობრივ საზოგადოებებად, სახელმწიფოებად გადაქცევამდე მიგვიყვანა.

თავისი მხრით ნაირის მხარეში ასურელთა თარეშიც ხელს უწყობდა აქ მსხვილ გაერთიანებათა ჩამოყალიბებას. ნაირის

მოსახლეობა, როგორც ზემოთ დავინახეთ, სასტიკ წინააღმდეგობას უწევდა ასურელ მოთარეშეებს, მაგრამ ნაირის მცირე ერთეულებს, რასაკვირველია, არ შეეძლოთ სერიოზული წინააღმდეგობა გაეწიათ ასურეთის ძლევამოსილი ლაშქრისათვის. ამიტომ აქ აღრიდანვე ჩანს ასურელებისათვის შეერთებული ძალით წინააღმდეგობის გაწევის ტენდენცია: ასურელებს, როგორც დავინახეთ, აქ ხშირად ბრძოლა უბდებათ ნაირის ხალხთა დიდ კოალიციებთან. მაგრამ, ეტყობა, ასეთი კოალიციებიც ვერ იცავდა ნაირის ხალხებს ასურელთა თარეშისაგან, რაც, უეჭველია, ჰბადებდა აქ უფრო ძლიერ, მჭიდრო გაერთიანებათა შექმნის ტენდენციას. ამრიგად, როგორც შინაგანი ვითარება, ისე საგარეო ურთიერთობის ეს ფაქტორიც ნაირის მხარეში მსხვილი ერთეულების, დიდი გაერთიანებების წარმოქმნის წინაპირობებსა ჰქმნის.

II. უჩაჩგუს სამეფოს ხანა

1. მსხვილი პოლიტიკური გაერთიანებების ჩამოყალიბება
ნაირის მხარეში IX ს-ში ჩ. 7-მდე

ა. უჩარტუს სამეფო

უჩარტელი ტომების პირველი მსხვილი გაერთიანება, როგორც ვთქვით, ვანის ტბის სამხრეთ-აღმოსავლეთით ჩამოყალიბდა II ათასწლეულის დასასრულს ჩ. 7-მდე. ამ გაერთიანების დაშლის შემდეგ, რომელიც სალმანასარ I-ის (1310—1280 დროისათვის უკვე მომხდარი ფაქტი ჩანს, ვიდრე სალმანასარ III-ის (860—825) ხანამდე, არ არსებობს უჩარტელი ტომების რომელიმე მსხვილი გაერთიანება. ასურეთის დიდი დამპყრობელი მეფე ასურნასირპალ II (884 -- 860), რომელმაც მრავალგზის დალაშქრა ნაირის მხარე. არსად არ იხსენიებს თავის შეტაკებას უჩარტუს სამეფოსთან. ეტყობა, ვინ დროს უჩარტელი ტომების ეს მსხვილი გაერთიანება ჯერ არ არსებობდა. მაგრამ მისი შემკვიდრის, სალმანასარ III-ის (860—825), მეფობის დასაწყისშივე უკბად თავს იანს ძლიერი უჩარტუს სამეფო. სალმანასარ III-ის წარწყვრებაში მნიშვნელოვანი ადგილი უკავია ასურეთის ამ მეფის ბრძოლების აღწერებს უჩარტუსთან, მის მეფე არამესთან (წყაროებში პირველად ჩნდება უჩარტუს მეფის მოხსენიება!). უკვე თავისი მეფობის დასაწყისში სალმანასარი იღებს არამეს ერთ-ერთ ციხე-სიმაგრეს სუგუნიას და მის გარშემო მდებარე 14 სხვა ქალაქს, რომლებსაც ის სასტიკად არბევს. თავისი მეფობის მე-3 წელს სალმანასარს სასტიკი შეტაკება მოუხდა არამესთან, რომელიც, როგორც სალმანასარი ამბობს, ჯარების მრავალრიცხოვნობის იმედით გამოემართა მასთან შესაბრძოლებლად. სალმანასარი ამბობს,

რომ მან დაამარცხა არამეს ეს მრავალრიცხოვანი ლაშქარი და 3400 მეომარი მოუკლა მას. ამ ლაშქრობის დროს სალმანასარმა აიღო ურარტუს მეფის არამეს „სამეფო ქალაქი“ (ე. ი. საშეთო რეზიდენცია, დედაქალაქი) არზაშქუ, რომელიც ვანის ტბის ჩრდილოეთით მდებარეობდა. სალმანასარ III იხსენიებს არაქეს კიდევ თავის მეფობის მე-15 წელს: იგი ამბობს, რომ მან დაარბია, დაანგრია, ცუცხლს მისცა ურარტუს მეფის არამეს ქალაქები.

ურარტუსთან ბრძოლის თემას საპატიო ადგილი უკავია აგრეთვე სალმანასარ III-ის დროის სახვითი ხელოვნების ძეგლებში: კერძოდ, ბალავატის გორაკზე, სალმანასარ III-ის სასახლის ნანგრევებში ნაპოვნი კიშკრის ბრინჯაოს გარსამოსზე არის რელიეფები (სათანადო წარწერებით), რომლებზედაც გამოსახულია ურარტუს მეფე არამეს ერთ-ერთი სიპაგრის, სუგუნისა, ალების ეპიზოდი. აქვეა გამოსახული არამეს დედაქალაქის არზაშქუს ალების ეპიზოდი და სხვა. ასურნასირპალ II-ის (884—860) წარწერებში კი, რომელიც ნაირის მხარეში ლაშქრობათა ენერგიულობით სრულიადაც არ ჩამოუვარდებოდა თავის მემკვიდრე სალმანასარ III-ეს, როგორც ვთქვით, სრულიად არ ჩანს ურარტუსთან შეტაკება. ეტყობა, ისეთი დაღა და ძლიერი ურარტუს სამეფოს ჩამოყალიბება, რომელსაც ჩვენ სალმანასარ III-ის დროს ვხედავთ, სწორედ ასურნასირპალ I-ის მეფობის დასასრულისა და სალმანასარ III-ის მეფობის დასაწყისში უნდა მომხდარიყო.

საყურადღებოა. რომ ამავე ხანაში ნაირის მხარეში, ურარტუს სამეფოს გარდა, ყალიბდება ნაირის ხალხთა კიდევ სხვა არა ერთი მსხვილი გაერთიანება, რომელთა შორის პირველ რიგში უნდა აღინიშნოს ნაირი-ხუბუშქიასა და მანას მსხვილი საყეუოების ჩამოყალიბების ფაქტი.

ბ. ნაირი-ხუბუშქიას სამეფო

ხუბუშქიას სამეფო ვანის ტბის სამხრეთით მდებარე ტერიტორიაზე ჩამოყალიბდა. სალმანასარ III-ის (860—825) წარწერებში ხუბუშქია ხშირად იხსენიება. უკვე თავისი მეფობის

დასაწყისში სალმანასარ III-ეს სასტიკი შეტაკება უხდება ხუბუშქიას მეფე კაკიასთან, რომელსაც ის „ნაირის ქვეყნის მეფეს“ უწოდებს. მეფობის მე-3 წელს სალმანასარ III კვლავ ეომება ამავე კაკიას. ასურეთის მეფე მოგვითხრობს ამ კაკიას ერთ-ერთი სიმაგრის შილაიას ალების შესახებ; სალმანასარი იკვებნის, რომ მან დახოცა მოწინააღმდეგის ბევრი მეომარი, 3000 კაცი ტყვედ ჩაიგდო და სხვ.

ხუბუშქიას მეფესთან სალმანასარ III-ის ბრძოლების აღწერა ცხადყოფს, რომ მეფე კაკიას სახით ჩვენ ძლიერ ხელისუფალთან გვაქვს საქმე და მის შეტაკებას ასურეთის მეფესთან სერიოზული ბრძოლების ხასიათი აქვს. ამის შესახებ ლაპარაკობს აგრეთვე ის გარემოება, რომ სალმანასარ III ხუბუშქიას მეფეს „ნაირის ქვეყნის მეფეს“ უწოდებს. ამის შემდეგ ასურული წყაროები ხუბუშქიას მეფეებს უკვე სისტემატიურად უწოდებენ „ნაირის მეფეებს“, ხუბუშქიას სამეფოს ტერიტორიას კი — „ნაირის ქვეყანას“. „ნაირი“, როგორც ზემოთ აღნიშნული გვაქვს, ასურელებისათვის მეტად მრავლის მომცველი სახელი იყო, იგი ვანის ტბის ირგვლივ მდებარე ვრცელი ტერიტორიის ზოგად სახელს წარმოადგენდა. ის, რომ სალმანასარ III ხუბუშქიას მეფეს „ნაირის მეფეს“ უწოდებს, რასაკვირველია, იმას არ ნიშნავს, რომ მართლა ნაირის მთელ ტერიტორიაზე განივრცობოდა ხუბუშქიას მეფის ხელისუფლება, რომ მართლა ნაირის მთელ ტერიტორიას მოიცავდა ხუბუშქიას სამეფო. არა, აქ ჩვენ, უეჭველია, თვით ცნება „ნაირის“ მნიშვნელობის გარკვეულ დავიწროებასთან გვაქვს საქმე, როდესაც ასურელები „ნაირის მეფეებს“ უწოდებენ ნაირის ყველაზე სამხრეთით მდებარე ტერიტორიაზე ჩამოყალიბებული მსხვილი ერთეულის მეთაურებს, მათ საგამებლოს კი — „ნაირის ქვეყანას“. მიუხედავად ამისა, სალმანასარ III-ის დროს ხუბუშქიას მეფისათვის „ნაირის მეფის“ სახელწოდების მიკუთვნება, უეჭველია, აგრეთვე იმას მოწმობს, რომ აქ ჩვენ საკმაოდ ძლიერ ხელისუფალთან, საკმაოდ მსხვილი ერთეულის მეთაურთან გვაქვს საქმე. სალმანასარ III-ის მამის, ასურნასირპალ II-ის წარწერებში კი ხუბუშქიას სამეფო ასეთი მსხვილი და ძლიერი არ ჩანს. ეტყობა, სწორედ ასურნასირპალ II-ის მეფობის დასასრულისათვის

მოუხერხებიათ ხუბუშქიას მმართველებს თავის გარშემო ვრცელი ტერიტორიის შემომჭიდროება, დიდ ტერიტორიაზე გაუვრცელებიათ თავისი ჰეგემონობა.

ხუბუშქიას სამეფოს მოსახლეობა, როგორც ფიქრობენ, ხური-ურარტული უნდა ყოფილიყო. ამრიგად, აქ ჩვენ ხური-ურარტული ტომების ერთ-ერთ მსხვილ გაერთიანებასთან გვაქვს საქმე.

გ. მანას ტომთა გაერთიანებების წარმოქმნა ურმიის ტბის რაიონში

ამავე ხანაში, ნაირის სამხრეთ-აღმოსავლეთში, ურმიის ტბის რაიონში, უნდა ჩამოყალიბებულიყო კიდევ ერთი მსხვილი გაერთიანება—მანას სამეფო. „მანა“ გარკვეული ეთნიკური ელემენტის, ხალხის სახელი იყო. მანას ხალხი ფართო ტერიტორიაზე იყო გავრცელებული. ურმიის ტბის სამხრეთითა და აღმოსავლეთით „(შეიძლება მის ჩრდილოეთითაც). მანას ხალხიც ეთნიკურად „აზიანური“ (კავკასიიდური) მოდგმისა იყო. მანასთან დაკავშირებულ ონომასტიკონში გვხვდება ხური-ურარტული ელფერის სახელებიც (ასეთია, მაგალითად, მანას სამეფო სახლის წარმომადგენლების—ახშერის, ერისინის სახელები, მანას ერთ-ერთი ციხე-სიმაგრის სინიხინის სახელი და სხვ.) მაგრამ ირანულ სამყაროსთან სიახლოვის გამო, უკვე ამდროს იწყება მანას მოსახლეობაში ირანული ელემენტის შეღწევა, საწყისი ეძლევა მანას მოსახლეობის ირანიზაციის პროცესს, რომელიც შემდეგში, მიდია-სპარსეთის ჰეგემონობის ხანაში, მეტად შორს მიდის.

მანას შესახებ პირველი ცნობები ჩვენ მოგვეპოვება IX საუკუნის შუახანებში ჩ. წ-მდე, ასურეთის მეფის სალმანასარ III-ის (860—825) წარწერებში. ასურელებმა მანა დალაშქრეს სალმანასარის მეფობის მე-16 წელს; შემდეგ მისივე მეფობის 30-ე წელს მათ კვლავ მოინახულეს მანა. ასურელების ლაშქრის მიახლოებისას მანას მეფე უალქიმ დასტოვა თავისი „სამეფო ქალაქი“ (დედაქალაქი) ზირთა და მთებში გაიხიზნა. ასურელებმა დაარბიეს მისი სამეფოს ტერიტორია, დაანგრიეს და ცეცხლი

წაუკიდეს „ქალაქებს“, ხელთ იგდეს დიდი დოვლათი, კერძოდ მსახილფეხა და წვრილფეხა პირუტყვი...

მანაელ ტომთა ამ მსხვილ გაერთიანებას, რომელიც, ეტყობა, ამ ხანებში ჩამოყალიბდა, სათავეში უდგანან ქალაქ ზირთას მმართველები. ეტყობა, ზირთას ერთეულის ჰეგემონობით მომხდარა აქ ამ გაერთიანების ჩამოყალიბება. შემდეგში რამოდენიმე საუკუნის განმავლობაში მანას დედაქალაქად მუდამ ეს ქალაქი ზირთა რჩება, რომელსაც მოგვიანო ხანის ასურული წყაროები „იზირთა“-ს („იზირთუს“) უწოდებენ. ირკვევა, რომ სალმანასარ III-ის ხანაში არსებული, ზირთას მეთაურების ჰეგემონობით ჩამოყალიბებული მანას გაერთიანება არ მოიცავდა ურმიისპირა რაიონში მცხოვრებ ყველა მანაელ ტომს. მთელი რიგი მანაური ერთეულები ამ დროს დამოუკიდებელ პოლიტიკურ ცხოვრებას ეწეოდნენ, არ იყვნენ შესული მანას ტომთა იმ გაერთიანებაში, რომლის სათავეშიც ზირთას მმართველები იდგნენ. ასე მაგალითად, ამავე სალმანასარ III-ის დროს მანას გვერდით იხსენიება ხარუნას მეფის შულუსუნუს სამეფო. ამ ერთეულის მოსახლეობა ტომობრივად, ეთნოკურად აგრეთვე მანაური უნდა ყოფილიყო, რამდენადაც მისი მეფის სახელისდა მიხედვით შეიძლება ვიმსჯელოთ (მსგავსი სახელის მქონე პიროვნებებს მანას სამეფო სახლშიც ვხვდებით). ეტყობა, რომ ამ დროს ურმიისპირა რაიონში საქმე გვაქვს მანაელ ტომთა არა ერთ, არამედ რამდენიმე მსხვილ გაერთიანებასთან. მათ შორის, უეჭველია, ადგილი ექნებოდა ბრძოლას ჰეგემონობისათვის, ადგილი ექნებოდა გარკვეულ დაპირისპირებას. შეიძლება ამ მოვლენის გამოხატულებაა უალქისა და შულუსუნუს სხვადასხვაგვარი დამოკიდებულება მათ ქვეყანაში შექრილ ასურელებთან: მაშინ, როდესაც უალქი (მანაელ ტომთა უფრო ძლიერი გაერთიანების მეთაური) შეურიგებელ პოზიციაზე იდგა, არ ემორჩილებოდა ასურელებს, მანაელ ტომთა მეორე გაერთიანების სათავეში მდგომი შულუსუნუ დაემორჩილა მათ, იკისრა მათთვის ხარკის მიცემა და ასურელთა მხარდაჭერით დაიმკვიდრა თავისი ქვეყანა.

შეიძლება ამ დროს ურმიის ტბის რაიონში არსებობს მანაელ ტომთა კიდევ სხვა, მე-12-ე, მსხვილი გაერთიანება: IX

საუკუნის ასურული წყაროები მანას მეზობლად ხშირად იხსენიებენ მესის (მისის) ქვეყანას. ეს ქვეყანა პოლიტიკურად მანასაგან ამ ხანებში სრულიად დამოუკიდებელი ჩანს, მხოლოდ სარგონ II-ის (722—705) დროს იგი ან მისი მნიშვნელოვანი ნაწილი უკვე მანას სამეფოს ფარგლებშია მოქცეული. რამდენადაც ზოგი ფაქტის მიხედვით შეიძლება ვიმსჯელოთ, ამ მესი-მისის ქვეყნის მოსახლეობაც ეთნიკურად მანაური ან მანაელებთან ახლო მდგომი უნდა ყოფილიყო. ურმიისპირა რაიონში ასურნასირპალ II—სალმანასარ III-ის ხანაში ჩამოყალიბებულ მანაელ ტომთა ამ მსხვილ გაერთიანებებს ბრძოლა უხდებოდა არა მარტო მეზობელი ძლიერი სახელმწიფოების (ასურეთის, მერე აგრეთვე ურარტუს) ლაშქართან, არამედ მათ სასტიკი ბრძოლები აქვთ ურთიერთ შორისაც. ამ ბრძოლაში წარმატება, როგორც მოგვიანო ხანის ვითარება გვიჩვენებს, ქალაქ იზირთას ჰეგემონობით არსებული მანაური გაერთიანების მხარეზეა. იზირთას სამეფო სახლის წარმომადგენლები ახერხებენ თავის სამფლობელოთა მნიშვნელოვან გაფართოებას, ბევრი მეზობელი მანაური თუ არამანაური თემის შემოერთებას.

* * *

ამრიგად, როგორც დავინახეთ, ასურნასირპალ II და სალმანასარ III-ის ხანაში (IX ს. შუახანებში ჩ. წ-მდე), ნაირი-ურარტუს მხარეში ყალიბდება მთელი რიგი მსხვილი და ძლიერი პოლიტიკური ერთეულები (ურარტუს სამეფო, ნაირი-ხუბუშქიას სამეფო, მანაელ ტომთა გაერთიანებანი და სხვ.). ეს გარემოება არაა შემთხვევითი. ასურნასირპალ II—სალმანასარ III-ის ხანა საყურადღებო მომენტია ასურეთის ისტორიაში. ცნობილია, რომ ტიგლათფილესერ I-ის (1115—1077) შემდეგ ასურეთის ძლიერება სწრაფად დაეცა ამის შემდეგ დიდი ხნის განმავლობაში ასურეთი დასუსტებული იყო და არ შეეძლო მეზობლების მიმართ შეტევითი პოლიტიკის წარმოება. პირიქით, ახლა ის იძულებული იყო მძიმე თავდაცვითი ბრძოლები ეწარმოებინა და ცდილობდა მოეგერიებინა მეზობელი ხალხების, მათ შორის უმთავრესად არამეელების, შემოტევა. ნხოლოდ

X საუკუნის დასასრულიათვის ასურეთმა მოახერხა ფეხზე წამოდგომა და უკვე წარმატებით მოგერიება არამეელებისა და სხვა მეზობელი ხალხების იერიშებისა. IX საუკუნის პირველ ნახევარში კი, ასურნასირპალ II-ის (884—860) დროს, ასურეთმა დაიბრუნა თავისი ძველი ძლიერება, იგი კვლავ ძლიერ-მოსილ სახელმწიფოდ და მეზობლების რისხვად გადაიქცა.

ასურეთის ამ გაძლიერებამ პირველყოვლისა იმაში იჩინა თავი, რომ გაიზარდა ყოველი მიმართულებით (და მათ შორის ჩრდილოეთითაც) ასურელთა ლაშქრობების ინტენსივობა. ასურნასირპალ II თავისი მეფობის განმავლობაში მრავალჯერ ლაშქრობდა ჩრდილოეთში, ნაირის მხარეში, მის დროს ნაირის ხალხები ხშირად განიცდიდნენ ასურელთა თავდასხმებს.

ასურნასირპალ II-ის ეპოქა და თვით ასურეთის ამ შეფის პიროვნება ჩვენთვის სხვა მხრივაც საინტერესოა. ასურეთი სამხედრო სახელმწიფო იყო, ასურელთა საზოგადოება მეომართა საზოგადოებას წარმოადგენდა. ასურეთის თითქმის ყველა მეფე მოლაშქრობის სიყვარულითა და დამარცხებულთადმი დიდი სისასტიკის გამოჩენით ხასიათდებოდა. აი ამ მხედრების ქვეყანაში, თავისი მეომრობითა და სისასტიკით განთქმულ მეფეთა შორისაც, ასურნასირპალ II-ეს უცილობლად პირველი ადგილი უჭირავს მოლაშქრობასა და სისასტიკეში. მისი დროის წერილობითი თუ სახვითი ხელოვნების ძეგლები მას გვიხატავენ, როგორც მრისხანე და სისხლისმსმელ მბრძანებელს. მისი ლაშქარი მარტო დამარცხებულთა გაელეკით არ კმაყოფილდებოდა: დამარცხებული ქვეყნის მოსახლეობას ასურნასირპალი მასობრივად ცოცხლად სარზე აცვამდა, კედელში ატანდა, თვალებს სთხრიდა, ხელებს, თითებს, ცხვირსა და ყურებს სჭრიდა, ცოცხლად ცეცხლში სწვავდა (მეტადრე ახალგაზრდა ვაჟებსა და ქალებს) და, რაც განსაკუთრებით აღსანიშნავია, არა მარტო დამარცხებული ქვეყნების ბელადებს, არამედ სხვა მრავალსაც ცოცხლივ ტყავს აძრობდა და მათ ტყავს ხალხის დასაშინებლად მათი ან ასურეთის ქალაქების კედლებზე გადაჰყენდა ხოლმე. ასურნასირპალის ასეთი სისასტიკის აღწერით სავსეა მისი წარწერები (კერძოდ, ის ადგილებიც, სადაც ნაირის ქვეყნებში ლაშქრობებია აღწერილი), იგივე ჩანს ასურ-

ნასირპალის დროის სახვითი ხელოვნების ძეგლებშიც. ქალაქ კალხუში მისი სასახლის კედლები აქრელებული ყოფილა რელიეფებით, როკლებიც სწორედ დაპყრობილ ქვეყნებში ასურელთა მიერ ჩადენილ სისასტიკეთა გამოსახულებებს იძლევიან. ამ სახის ათასგვარ სცენებს ვხვდებით ჩვენ იქ, მათ შორის ხშირად აგრეთვე ცოცხალი ადამიანისათვის ტყავის გაძრობის სცენებსაც.

ასურნასირპალ II-ის მემკვიდრის, სალმანასარ III-ის (860—825) მეფობაში კიდევ უფრო ინტენსიური ხდება ასურელთა შეტევა ნაირის ქვეყნებზე. სალმანასარს თავისი მოქმედება გადააქვს ნაირის ჩრდილოეთით მდებარე რაიონებში, ამასთანავე მის ლაშქრობებსაც თან სდევდა დამარცხებულთადმი ისეთივე მხეცური სისასტიკე, როგორც დამახასიათებელი იყო ასურნასირპალ II-ისთვის: სამოსახლო ადგილების გადაწვა, გაქლეტილი ხალხის თავებისაგან პირამიდების აგება, სარზე ჩამოცმა, ახალგაზრდა ქალებისა და კაცების ცეცხლში დაწვა... მხოლოდ ცოცხლად ტყავის გაძრობისა და სხეულის ცალკეული ნაწილების დაზიანების შესახებ არაფერი ისმის მის წარწერებში.

როგორც ვხედავთ, ასურნასირპალ II და სალმანასარ III-ის ხანა ნაირის მხარეში ასურელების თარეშის ინტენსივობის მკვეთრი ზრდის ხანაა. ბუნებრივია, ამას ნაირის ხალხების მხრივ სათანადო რეაქცია უნდა გამოეწვია. შესაძლებელია, სწორედ ამან მისცა ბიძგი ნაირის ხალხთა მსხვილი გაერთიანებების ჩამოყალიბებას (ურარტუს საშეფო, ხუბუშქიას საშეფო, მანაელ ტომთა გაერთიანებანი და სხვ.). ასურნასირპალ II — სალმანასარ III-ის ხანაში წარმოქმნილი ურარტუს საშეფოც ურარტელი ტომების ერთი ასეთი მახვილი გაერთიანებაა.

2. ტუშუზა-ბიანიის მმართველების მოძცვა ურარტუს სამეფოს სათავეში

ურარტუს პირველ მეფედ ასურული წყაროები არამეს ასახელებენ. ეტყობა, სწორედ ამ არამეს ერთეულის, ერთ-ერთი ურარტელი ტომის, ჰეგემონობით მომხდარა ურარტელი ტომ-

შების მსხვილი გაერთიანების წარმოქმნა. ურარტუს ახლად-
აღმოცენებული სამეფოს ჰეკემონი ტომის არამეს ერთეულის
ძირითადი ტერიტორია იმყოფებოდა ვანის ტბის ჩრდილოე-
თით. კერძოდ აქ, ვანის ტბის ჩრდილოეთით, იყო შეფე არამეს
რეზიდენცია, მისი „სამეფო ქალაქი“ არზაშქუ.

ურარტულ ტომთა ამ ახლადაღმოცენებული გაერთიანების
ჰეკემონი ერთეულის, არამეს მკვიდრი ერთეულის, ტერიტორია
მდებარეობდა ნაირის მხარეში ასურელების ლაშქრობათა ტრა-
დიციული მიმართულების სფეროში. ვანის ტბის რაიონი
სამხედრო თვალსაზრისით სამხრეთიდან, სამხრეთ-დასავლეთ-
თიდან და სამხრეთ-აღმოსავლეთიდან მიუვალა. ამ მხრივ
იგი შემოზღუდულია მაღალი, ძნელად გასავალი მთის ქე-
დებით. ვანის ტბის რაიონში, ნაირის მხარის ამ უბან-
ში, ასურელები ჩვეულებრივ სხვა მხრიდან ლაშქრობდნენ:
მიემართებოდნენ ვანის ტბის დასავლეთი სანაპიროების
გასწვრივ, გადადიოდნენ მდ. არცანიანზე (დღევ. მურად-სუ)
და ვანის ტბას ჩრდილოეთიდან უგლიდნენ, ვანის ტბის
ჩრდილოეთით მოქმედებდნენ და უკვე ამის შემდეგ ეშვე-
ბოდნენ ვანის ტბის სანაპიროზე (ამ გზით მოეწყო, სხვა-
თა შორის, ტიგლათფილესერ I-ისა და სალმანასარ III-ის
დიდი ექსპედიციები ნაირის მხარეში). აქედან ჩანს, რომ ურარ-
ტუს გაერთიანების ბელადის, მეფე არამეს, მკვიდრი ერთეუ-
ლის ტერიტორია დედაქალაქ არზაშქუიანად (ვანის ტბის
ჩრდილოეთით რომ იყო) მდებარეობდა ასურეთის მეფეთა
ლაშქრობების ტრადიციული მიმართულების რაიონში. ამ ად-
გილების მოსახლეობა, უეჭველია, ადრიდანვე მოქცეული იყო
ასურელთა ლაშქრობების ორბიტაში და ასურელთა თარეშის
სუსტს კარგად იცნობდა. ასეთ ვითარებას არა მცირედ უნდა
შეეწყო ხელი იმისათვის, რომ ასურელ მოთარეშეთა წინააღმ-
დეგ მიმართული გაერთიანების ინიციატორად, მეთაურად,
არამეს ერთეული გახდა.

ურარტულ ტომთა ამ ახლადაღმოცენებული გაერთიანების
ერთ-ერთ წევრს წარმოადგენდა ბ ი ა ი ნ ის (ბიანინას) ერთეული,
რომლის ძირითადი ტერიტორია იმყოფებოდა ვანის ტბის აღ-
მოსავლეთ სანაპიროს რაიონში. ბიანინის ერთეულის უმთავრეს
პუნქტს წარმოადგენდა ქალაქი ტ უ შ ფ ა, რომელიც ვანის ტბის

სამხრეთ-აღმოსავლეთ სანაპიროზე, დღევანდელ ქალ. ვანის ადგილას მდებარეობდა.

ქალაქი ტუშვა ურარტული ტომების ერთ-ერთი უძველესი და უმნიშვნელოვანესი ცენტრი იყო. იგი იყო ურარტუს ღვთაებათა პანთეონში მესამე ადგილზე (ხალდისა და თეიშებას შემდეგ) მდგომი მზის ღვთაება შივინის კულტის უმთავრესი ცენტრი. ბიანის მოსახლეობა კულტურულ-რელიგიური, პოლიტიკური ცხოვრების ტრადიციებით მკიდროდ იყო დაკავშირებული უფრო სამხრეთით, ვანის ტბის სამხრეთ-აღმოსავლეთით მდებარე ტერიტორიასთან: იქ იყო მათი უზენაესი ღვთაება ხალდის კულტის უმთავრესი ცენტრი ქალაქი მუსასირი და პანთეონში მეორე ადგილზე მდგომი, ქარიშხლის ღვთაება თეიშებას კულტის უმთავრესი ცენტრი ქალაქი კუმენუ. ბიანის მოსახლეობა ხმარობდა სწორედ ვანის ტბის სამხრეთ-აღმოსავლეთით, შორს, ზაგროსის მთებში მცხოვრები ლულუბის ხალხის სახელს „მტრის“ ზოგად სახელად, რაც აგრეთვე პოლიტიკური ცხოვრების ტრადიციების მიხედვით უძველეს ხანაში ბიანის მოსახლეობის სამხრეთის რაიონებთან მკიდრო კავშირის შესახებ მეტყველებს. ამრიგად, ჩანს რომ ერთ-ერთი ურარტული ტომის, ბიანის ტომის პოლიტიკური და რელიგიურ-კულტურული ცხოვრების ცენტრი ძველად უფრო სამხრეთით იყო. ჩრდილოეთით, ქალაქ ტუშვას (დღევანდელ ქალ. ვანის) რაიონში ამ ცენტრის გადმონაცვლება გვიანდელი მოვლენაა. ყოველ შემთხვევაში ურარტულ ტომთა დიდი გაერთიანების, ურარტუს სამეფოს, წარმოქმნის ხანაში (IX ს. შეუხანები) ბიანის პოლიტიკური ერთეულის ცენტრი უკვე ტუშვას რაიონში იმყოფება. ურარტულ ტომთა იმ გაერთიანებაში, რომელიც ვანის ტბის ჩრდილოეთით მდებარე არამეს (ქალაქ არზაშქუს მეფის) ერთეულის ჰეგემონობით ჩამოყალიბდა, ბიანი იყო ერთ-ერთი უმნიშვნელოვანესი ერთეული.

ზემოთ ჩვენ უკვე ვილაპარაკეთ მეფე არამეს მეთაურობით ახლადწარმოქმნილი ურარტუს სამეფოს ბრძოლების შესახებ ასურეთის მეფე სალმანასარ III თან. არამესთან ბრძოლების აღწერილობა და განსაკუთრებით ის ენაწყლიანობა, რომელსაც

იჩენს სალმანასარ III ამ აღწერისას, იმაზე მიგვითითებს, რომ ასურელებსა და არამეს შორის წარმოებულ ბრძოლაში წარმატება ასურელთა მხარეზე ყოფილა. ეტყობა, ურარტულ ტომთა ეს ახლადწარმოქმნილი გაერთიანება არამეს ერთეულის ჰეგემონობით დამარცხებას განიცდის.

ასურელებთან ბრძოლაში განცდილმა ამ მარცხებმა, როგორც ჩანს, გაერთიანების ჰეგემონი ერთეულის დაქვეითება გამოიწვია, რასაც შედეგად მოჰყვა გაერთიანების შიგნით არამესა და მისი ერთეულის ხელმძღვანელი მდგომარეობის შერყევა. ჰეგემონობა გადავიდა გაერთიანების წევრე მნიშვნელოვანი ერთეულის — ბიანის ხელში, რომელმაც, ეტყობა, ამასობაში უფრო მეტი სამხედრო ძლიერება და უნარი გამოიჩინა და სტიქიურად მოიპოვა ხელმძღვანელი ადგილი, ჰეგემონობა. არამეს შემდეგ ურარტუს გაერთიანების სათავეში ბიანის (როპლის ცენტრიც იყო ქალაქი ტუშუა) მეფეები მოექცენ. ამრიგად, ურარტუს სამეფოს სათავეში ექცევა ტუშუა — ბიანის დინასტია, რომელიც შემდეგში რამდენიმე საუკუნის მანძილზე, თვით ურარტუს სამეფოს დაცემამდე, მართავს ურარტუს.

სალმანასარ III-ის (860—825) მეფობის მე-15 წელს ურარტუს სათავეში ჯერ კიდევ არამე დგას, მაგრამ, როდესაც ამავე სალმანასარ მეფის მეფობის 27-ე წელს ასურელებმა კვლავ გაილაშქრეს ურარტუს წინააღმდეგ, ურარტუს მეფედ ისინი ასახელებენ უკვე სედურის. ეს სედური ბიანის დინასტიის მეფე იყო. მას რეზინდენცია ტუშუაში ჰქონდა. ჩვენამდე მოაღწია ქალაქ ტუშუაში (დღევანდელი ქალ. ვანი) ამ სედურის მიერ დატოვებულმა რამდენიმე წარწერამ, სადაც ლაპარაკია მის მიერ აქ წარმოებული აღმშენებლობის შესახებ. ესაა ურარტუს მეფეთა უძველესი წარწერები, რომლებმაც ჩვენამდე მოაღწიეს (არამეს წარწერები ჩვენ არ გვაქვს). თავის თავს ურარტუს ეს მეფე სარდური ლუთიფრის-ძეს უწოდებს. სარდური ლუთიფრის-ძე ურარტუს სამეფოში ტუშუას, ბიანის დინასტიის დამწყები მეფეა. მისი მამა ლუთიფრი შეიძლება ჯერ კიდევ მხოლოდ თავისი ერთეულის, ბიანის მეფე-ბელადი იყო და არა მთელი ურარტუს გაერთიანების სათავეში მდგომი პირი.

სარდური ლუთიფრის-ძე, ეტყობა, უკვე დიდი პრეტენზიების მქონე ხელისუფალია. თავის წარწერებში იგი თავს იმკობს ასურეთის მეფეებისგან შეთვისებული ბრწყინვალე ტიტულატურით და თავის თავს „ნაირის ქვეყნის მეფეს“ უწოდებს. ქალაქ ვანის ტერიტორიაზე, ურარტული ხანის ციხესიმაგრის სააშენებლო ქვებზე ამოკვეთილია მისი სამი, ძირითადად ერთმანეთის იდენტური, წარწერა ასურულ ენაზე, სადაც ნათქვამია: „წარწერა სარდური ლუთიფრის-ძისა, დიდი მეფის, სწორუპოვარი მეფის, საკვირველი მწყემსის, რომელსაც არ აზინებს არაერთარი წინააღმდეგობა, მეფისა, რომელიც იქვემდებარებს მათ, ვინც არ ემორჩილება მას. მე ვარ სარდური ლუთიფრის-ძე, მეფე მეფეთა, რომელმაც ყველა მეფისაგან ხარკი მივიღე...“ სალმანასარ III, რომლის ლაშქარსაც მისი მეფობის 27-ე წელს შეტაკება მოუხდა ურარტულ ამ ახალი მეფის ლაშქართან, ამბობს, რომ სედური (სარდური ლუთიფრის-ძე) თავისი მრავალრიცხოვანი ლაშქრის იმედით გამოემართაო ჩემთან საბრძოლველად.

3. ახლადწარმოქმნილი ურარტუს ხამეზო და ნაირის მსხვილი მართეულები

ა. მუსასირი და ურარტუ

ვანის ტბის სამხრეთ-აღმოსავლეთით, დღევანდელ ქალაქ როვანდუზის რაიონში, მდებარეობდა ქალაქი, რომელსაც ასურელები ეუსასირს, ხოლო ურარტელები არდინის ეძახდნენ. ეს ქალაქი ურარტელი ტომების, ყოველ შემთხვევაში ურარტუს ახლად ჩამოყალიბებული სამეფოს სათავეში მოქცეული ბიანის ტომის საღეთო ქალაქს წარმოადგენდა — მისი უზენაესი ღვთაება ხალდის კულტის უმთავრესი ცენტრი იყო. აქ იყო ღვთაება ხალდის უმთავრესი ტაძარი, რომელსაც ურარტუს მეფეები დიდძალ პირუტყვსა და ათასგვარ განძეულობას სწირავდნენ, სადაც თავიანთ ქანდაკებებსა სდგამდნენ, ხშირად მოდიოდნენ ამ წმინდა ადგილის თაყვანის საცემად

და სხვ. მუსასირის მახლობლად, მდინარე ზედა ზაბის შუა დინების რაიონში იყო ურარტელთა მეორე უმთავრესი ღვთაების, ქარიშხლის ღვთაება თეიშებას, კულტის უმთავრესი ცენტრი—ქალაქი კუშენუ.

მუსასირის რაიონი ურარტელი ტომების, კერძოდ, ურარტელი ბიანის ტომის კულტურულ რელიგიური ცხოვრების ცენტრად უნდა გამხდარიყო უკვე ადრეულ ხანაში. მოგვიანო ხანებში, იმ ეპოქაში, რომლის შესახებაც ჩვენ ამჟამად ვსაუბრობთ (ურარტუს სამეფოს წარმოქმნის ხანა-IX ს. ჩ. წ-მდე და მომდევნო პერიოდი), მუსასირი ურარტუსაგან (ბიანისაგან) იმდენად განცალკავებითა დგას პოლიტიკურად, კულტურულ-რელიგიურად, ეთნიკურად, რომ საეჭვოა ასეთ დროს გამხდარიყო იგი ურარტუ-ბიანის ხალხის წმინდა ქალაქი. მუსასირი ურარტელი ტომების ადგილსამყოფელის პერიფერიაზე მდებარეობდა. აღმოსავლეთით მის მეზობლად ირანელი ტომები ცხოვრობდნენ, სამხრეთით კი სემიტის ასურელები. უცხო სამყაროსთან ასეთი სიახლოვის გამო მუსასირი დროთა განმავლობაში ბევრ რამეში (კულტურის, რელიგიის სფეროში და სხვ.) ემორჩილება ამ უცხო (ირანულ, ასურულ) გავლენას და, ამასთანავე, მუსასირის ტერიტორია, ეტყობა, ხალხთა გარკვეული შერევის ასპარეზიც კი გახდა. მუსასირის ხური-ურარტულ მოსახლეობას, ეტყობა, შეერია რომელიღაც ირანელი ტომი ან მისი ნაწილი. ამის გამოხატულება უნდა იყოს ის გარემოება, რომ ამ ირანელი ტომის ღვთაება—ქალღმერთი ბაგმაშთუ (რომლის სახელიც ირანულ ელფერს ატარებს) მთელი მუსასირის მოსახლეობის თაყვანისცემის ობიექტი გამხდარა. კიდევ უფრო მეტი: აქ იგი „დააქორწინეს“ მუსასირის და მთელი ურარტუს უზენაეს ღვთაება ხალდზე, ხალდის მეუღლედ გამოაცხადეს.

ურარტუს სამეფოს არსებობის ხანაში მუსასირის მოსახლეობაში ფართოდ გავრცელებული ჩანს ასურული ენა და ასურული კულტურაც. აქაური მმართველები თავის წარწერებს ასურულ ენაზე ადგენენ; თვით ურარტუს მეფეებიც, როდესაც მუსასირის ტერიტორიაზე თავის წარწერებს სტოვებენ, მას მუდამ ორ ენაზე—ურარტულ და ასურულ ენებზე

ადგენენ; ამით, ალბათ, ანგარიშს უწევდნენ აქ ასურული ენისა და კულტურის ფართო გავრცელების მოვლენას. შეიძლება ჩვენ აქ მარტო ასურული სამყაროს კულტურულ გავლენასთან არა გვაქვს საქმე. მოგვიანო ხანის მუსასირში ასურული ენისა და ასურული კულტურის ფართო გავრცელება, შესაძლებელია, ნაწილობრივ აქ მომხდარი ხური-ურარტული და ასურული ტომების შერევის შედეგიცაა. ცნობილია, რომ ენით სემიტი ასურელები ანთროპოლოგიურად, ფიზიკური ტიპით, ნარევ ხალხს, სემიტური ელემენტისა და „აზიანური“ ხური—სუბარული ელემენტის შერევის პროდუქტს წარმოადგენდნენ. ასეთი ნარევი ხალხის ჩამოყალიბებას საფუძველი შეუქმნა სემიტური და ხური-სუბარული ელემენტის მრავალსაუკუნოვანმა მეზობლობამ და ინტენსიურმა ურთიერთობამ. საუკეთესო ასპარეზს ასეთი შერევისათვის, რასაკვირველია, სასაზღვრო რაიონები წარმოადგენდა და მუსასირი სწორედ ხური-ურარტული და ასურული სამყაროს საზღვარზე მდებარე ერთი ასეთი რაიონი იყო.

ამრიგად, ურარტული ელემენტის ერთ-ერთ უძველეს და უმნიშვნელოვანეს კერაში, მუსასირში, ეტყობა დროთა განმავლობაში ადგილობრივ ხური-ურარტულ მოსახლეობას შეერწყა მეზობელი ირანული, ასურული და შეიძლება კიდევ სხვა ეთნიკური ელემენტის გარკვეული ნაკადი, რომელმაც ასიმილაცია განიცადა ადგილობრივ ელემენტთან, თუმცა ბევრი რამ თავისივე (რელიგიაში, კულტურაში და სხვ.) მიაღებინა ამ ადგილობრივ ხური-ურარტულ მოსახლეობას.

მოგვიანო ხანის მუსასირში გაბატონებული მაინც ურარტული ენა ჩანს, თუმცა იგი ზოგ რამეში უკვე განცალკევებას იჩენს, დიალექტურ განსხვავებებს ავლენს ურარტუს ცენტრალური რაიონების, ტუშფა-ბიანინის ურარტული ენისაგან.

ამრიგად, მოგვიანო ხანის, ურარტუს სამეფოს ხანის, მუსასირი მნიშვნელოვნად განსხვავდება (კულტურის, რელიგიის, ენის მხრით) ურარტუ-ბიანინისაგან. რა თქმა უნდა, მუსასირი ასეთ დროს ვერ გახდებოდა ურარტუ-ბიანინის ხალხის საღმრთო ქალაქი, მათი უზენაესი ღვთაების კულტის ცენტრი. ეს, ალბათ, ბევრად უფრო ძველ დროში მოხდა, როდესაც

მუსასირის ტერიტორია იმავე ბიჰინის ტომს ეკავა, რომელმაც შემდეგში ურარტუს მისცა ტუშუას მეფეთა დინასტია. მაგრამ დროთა ვითარებაში ამ ტომის სამხრეთი (მუსასირის) შტო თანდათან სცილდება ენით, კულტურით, ეთნიკური შემადგენლობით თავის ჩრდილოეთის თანამოძმეს.

ყველა ამასთან ერთოდა პოლიტიკური განცალკავებისაკენ მისწრაფება, რამაც თავისი გამოხატულება იმაში ჰპოვა, რომ მუსასირი არ შესულა IX საუკუნის შუახანებში წარმოქმნილ ურარტულ ტომთა დიდ გაერთიანებაში (ურარტუს სამეფოში), სადაც ჰეგემონობა სულ მალე ბიჰინიმ მოიპოვა. ეს ფაქტი კარგად ჩანს ასურეთის მეფის სალმანასარ III-ის წარწერების ერთი ცნობის საფუძველზე. მის დროს ასურულ წყაროებში „ურარტუს“ სახელწოდება ერთ გარკვეულ პოლიტიკურ ერთეულს, ამ ხანებში ჩამოყალიბებულ ურარტუს სამეფოს, აღნიშნავს და რაკი სალმანასარ III-ის მეფობის დამლევს ცალ-ცალკეა დასახელებული „ურარტუს ქვეყანა“ და „მუსასირის ქვეყანა“, ეს იმას ნიშნავს, რომ მუსასირის მოსახლეობა ურარტულ ტომთა გაერთიანების გარეშე დარჩენილა. ამ დროს ჩვენ საქმე გვაქვს ურარტუს სამეფოს მეზობლად ქალაქ მუსასირის ჰეგემონობით არსებულ ცალკე სამთავროსთან, ცალკე პოლიტიკურ ერთეულთან. მაგრამ, მალე, როგორც ქვემოთ დავინახავთ, მუსასირის ეს სამთავრო ურარტუ-ბიჰინის მეფეთა იმპერიის ფარგლებში მოექცა, ურარტუს ნეფეთაგან დამოკიდებული ვასალური ერთეული გახდა.

ბ. ურარტუ და დაიჰენის (დაიუხის) სამეფო

საინტერესოა, რა შეიცვალა ახალ ვითარებაში ნაირის ერთი უმნიშვნელოვანესი ერთეულის, დაიჰენის (დაიუხის) სამეფოს მდგომარეობაში. საქართველოს სამხრეთ-დასავლეთში მდებარე ეს დიდი ერთეული, როგორც ვთქვით, ნაირის მხარეში უძლიერესი ერთეული იყო ურარტუს სამეფოს წარმოქმნის წინა ხანაში. იგი მნიშვნელოვან ძალად ჩანს ურარტუს სამეფოს წარმოქმნის ეპოქაშიც, სალმანასარ III-ის (860—825) ხანაშიც. სალმანასარ III-ის წარწერებში რამდენიმეჯერ იხსენიება ასურელთა მიერ დაიჰენის ქვეყნის დალაშქვრა. სალმა-

ნასარ III დაიანის ქვეყანა დალაშქრა უკვე თავისი მეფობის ზე-3 წელს. ამ დალაშქრობისას ასურელთა დალაშქარი ენზითეს ქვეყნის გავლის შემდეგ გადავიდა მდინარე არცანიასზე (დღევ. მურადსუ) და სუხმეს ქვეყანაში შევიდა. აქედან კიდევ ასურელები დაიანის ქვეყანაში გადავიდნენ. „სუხმეს ქვეყნიდან წავედი, დაიანის ქვეყანაში ჩავედი,—ამბობს სალმანასარ III,—დაიანის ქვეყანა მთლიანად დავიპყარი, მათი ქალაქები დავანგრიე, დავარბიე, მე მათ ცეცხლი წაუჭკიდე. დიდძალი ნადავლი, მათი ქონება (და) დოვლათი წამოვიღე. დაიანის ქვეყნიდან წამოვედი, არზაშქუს, ურარტულ არამეს სამეფო ქალაქს მივუახლოვედი...“. ამ დროსაც ურარტუს სამეფოს მეზობლად მდებარე დაიანი, ჩანს, დიდი და მნიშვნელოვანი ერთეული იყო. სალმანასარ III-ის წარწერებში დიდი ადგილი უკავია დაიანის დაპყრობის ფაქტის აღნიშვნას; თავის სამეფო ტიტულატურაშიც კი აღნიშნავს სალმანასარი, რომ იგი დაიანის დამპყრობელია. ეტყობა, ამისი აღნიშვნა მას თავის განმადიდებელ ფაქტად მიაჩნია.

დაიანის ქვეყანას სალმანასარ III იხსენიებს კიდევ თავისი მეფობის ზე-15 წელს: სალმანასარი აღნიშნავს, რომ ურარტუს მეფის არამეს ქალაქების დარბევის შემდეგ მან მიაღწია ევფრატის სათავეებს; აქ მასთან გამოცხადდა მორჩილად დაიანის მეფე ასია და ხარკი მიართვა მას. თუ გავითვალისწინებთ ამ დროისათვის შექმნილ ვითარებას, შეიძლება ვიფიქროთ, რომ დაიანის მეფის მორჩილად და ხარკით გამოცხადების ფაქტი ასურეთის მეფესთან, შემთხვევითი არ უნდა იყოს. იმ სიენის შთამომავალი, რომელიც ტიგლათფილესერ I-ის (1115—1077) დროს სათავეში ედგა ასურეთთან ნაირის ხალხების ბრძოლას, რომელიც თვით დატყვევების შემდეგაც კი მორჩილების აღთქმის მიცემაზე უარს ეუბნებოდა ასურეთის მეფეს, როგორც ჩანს, უომრად მორჩილდება (არაფერია ნათქვამი საომარ შეტაკებაზე!), თვით ცხადდება სალმანასარ III-თან და ძღვენს მიართმევს მას. უნდა ვიფიქროთ, რომ აქ მარტო ასურელებისადმი შიში როდი მოქმედებდა: შესაძლებელია აქ შეცვლილი ვითარების შესაბამისად ასურეთ-დაიანის ურთიერთობაში მომხდარი გარდატეხის მომენტიც

დაჭერილი: ამ დროს, როგორც ვნახეთ, ასურეთის ჩრდილოეთით, დაიიენის მეზობლად, ყალიბდება ურარტულ ტომთა მსხვილი გაერთიანება-ურარტუს სამეფო. მისი სახით დაიიენის მოსახლეობას მეტად საშიში მეზობელი გაუჩნდა. ამის გამო დაიიენის მმართველები ასურეთს იმ ძალად სთვლიან, რომელზედაც შეიძლება დაყრდნობა ასეთ საშიშ მეზობელთან ბრძოლაში. ურარტუსთან ბრძოლაში დაიიენის მმართველებისათვის ასურეთი ბუნებრივ მოკავშირედ ხდებოდა. ამიტომაც, გასაგებია, რომ ისინი ასურეთის ხელისუფალთა გულის მოგებას ცდილობდნენ. აი სწორედ ასეთი შეცვლილი ვითარების გამოხატულებაა სალმანასარ III-ის მეფობის მე-15 წელს ევფრატის სათაფიებთან მომხდარი ამბავი.

მაგრამ, როგორც ქვემოთ დავინახავთ, დაიიენის სამეფოს ვერ უშველა ასურეთზე ორიენტაციის აღებამ და იგი მეზობელი ურარტუს სამეფოს დარტყმებით მალე განადგურდა კიდევ.

4. ურარტუს ძლიერების ხანა (ნაირის მხარე IX ს-ის დასასრულსა და VIII ს-ის პირველ ნახევარში)

IX საუკუნის დასასრულიდან, მას შემდეგ, რაც ურარტუს სათავეში მოექცა ტუშთა-ბიანიას დინასტია, ურარტუს სამეფოს ძლიერება სწრაფად იზრდება. IX საუკუნის დასასრული და VIII საუკუნის პირველი ნახევარი ურარტუს ძლიერების ხანაა. ამ დროს მეფობენ ურარტუში: ზემოხსენებული სარდური ლუთიფრის-ძის შვილი იშფუინი სარდურის-ძე (იხსენიება ასურულ წყაროებშიც 824 წელს „უშფინას“ სახელით), მისი შვილი მენუა იშფუინის-ძე (810—781), შემდეგ: არგიშთი მენუას-ძე (781—760) და სარდური არგიშთის-ძე (760—730).

ასურეთი და ურარტუ

IX ს-ის დასასრულსა და VIII-სის პირველ ნახევარში ურარტუს სამეფო ნაირის მხარეში სრულ გაბატონებას აღწევს და თვითონ გადადის შეტევაზე ასურეთის მიმართ. ასურეთსა და

ურარტუს შორის გამართულ კიდილში წარმატება ურარტუს მხარეზეა. ურარტუ ახლო აღმოსავლეთის უძლიერესი სახელმწიფო ხდება.

სალმანასარ III-ის (860—825) მეფობის შემდეგ ასურეთი მალე დასუსტდა. მხოლოდ სალმანასარის უახლოესი მემკვიდრეების დროს ასურეთი კვლავ ცდილობდა ნაირი-ურარტუს წინააღმდეგ შეტევითი პოლიტიკა ეწარმოებინა. ასე მაგალითად: სალმანასარ III-ის მემკვიდრემ ასურეთის ტახტზე-შამშიადად V (825—812) თავისი მეფობის დასაწყისში რამდენიმეჯერ გაილაშქრა ნაირის ქვეყნების წინააღმდეგ. განსაკუთრებულ ყურადღებას იგი ურმიისპირა რაიონს აქცევს (მანა, ფარსუა, ზამუა, გიზილბუნდა, მიდიელი ტომები და სხვ.). მეფობის მეორე წელს მისი ლაშქარი ურარტუს ტერიტორიაზეც მოქმედებდა. სამხრეთ-აღმოსავლეთიდან, ურმიისპირა რაიონიდან ასურელები შეიქრნენ ურარტუს სამეფოს ფარგლებში. ასურეთის მეფე იკვეხნის, რომ მისი ლაშქარი დაეუფლა უშიფინას (იგულისხმება ურარტუს მეფე იშფუინი) 11 ციხე-სიმაგრეს და 200 სხვა (მცირე) ქალაქს.

შამშიადად V-ის შემდეგ ასურულ წყაროებში ტიგლათ-ფილესერ III-ის (745 — 727) ხანამდე, ველარ ვხვდებით ურარტუს წინააღმდეგ ბრძოლების აღწერას. ეტყობა, ურარტუსთან ბრძოლებს ამ დროს ასურელებისათვის მარცხების მეტი არაფერი მოჰქონდა. მათ შორის ბრძოლებს კი ამ პერიოდში არა ერთხელ ჰქონდა ადგილი, ამას ასურული წყაროებიც მოწმობენ, სადაც ეპონიმა (წლებისათვის სახელის მიმცემ დიდ მოხელეთა) სიებში ჩვენ არა ერთგზის ვხვდებით ამა თუ იმ წლის უმთავრესი ამბის სახით ურარტუსთან ბრძოლის ფაქტის ლაკონიურ აღნიშვნას (ასეა აქ 781, 780, 779, 778, 776, 774 წლების მიმართ). ასურეთთან ბრძოლები იხსენიება ამ დროის ურარტულ წყაროებშიც: ასურეთის ლაშქრის დამარცხებას და ასურეთის ქვეყნის დამორჩილებას იკვეხნის თავის ანალებში ურარტუს მეფე არგიშთი I. მისი მემკვიდრე სარდური II კი აღნიშნავს, რომ მან სძლია „ასურნიარის, ადადნიარის-ძეს, ასურის ქვეყნის მეფეს“.

ამრიგად, IX საუკუნის დასასრულსა და VIII საუკუნის დასაწყისში ასურეთი ურარტუს სამეფოსთან შედარებით მეორეხარისხოვან როლს თამაშობდა, მას ახლა გაძლიერებულ ურარტუს სამეფოსთან, შეტევის ნაცვლად, თავდაცვითი ბრძოლების წარმოება მოუხდა.

* *
*

ამასობაში, თვით ურარტუს სახელმწიფოში დიდი ცვლილებები მოხდა. თავის წარმოქმნა-აღმოცენების ეპოქაში იგი წარმოადგენდა ურარტული ტომების გაერთიანებას ერთ-ერთი ურარტული ტომის ჰეგემონობით. ჯერ ასეთი ჰეგემონი იყო მეფე არამეს ერთეული, შემდეგ კი ჰეგემონობა სხვა ერთეულის, ბიანის ხელში გადავიდა. მას შემდეგ, რაც ასურეთი დასუსტდა და ურარტუს სამეფოს არა თავდაცვითი, არამედ შეტევითი ბრძოლების წარმოება მოუხდა ასურეთისა და განსაკუთრებით მეზობელი მცირე ერთეულების მიმართ, ურარტუს გაერთიანებამ სახე შეიცვალა. ბიანი, მანამდე გაერთიანების ჰეგემონი, თანდათან გადაიქცა მბრძანებლად და ბატონად, ურარტულ ტომთა გაერთიანება ბიანის სახელმწიფოდ ხდება.

ტუშფას მეფეები თავისთავს მარტოოდენ თავისი ერთეულის, „ბიანის ქვეყნის“ მიფეებს უწოდებდნენ. ისინი ახლა ძირითადად თავისი ერთეულის ლაშქარზე დაყრდნობით ატარებდნენ თავის სამხედრო პოლიტიკას, მეზობლების გაძარცვისა და დამორჩილების პოლიტიკას. მართალია, ბიანის მეფეები მსხვილი ექსპედიციების მოწყობისას თავისი სამეფოს სხვა ნაწილებიდან გამოყვანილ ლაშქარსაც მიმართავდნენ, მაგრამ მათი ლაშქრის ძირითად ბირთვის, უექველია, ბიანის მოსახლეობა იძლეოდა. ომებს თანდათან მძარცველური ექსპედიციების ხასიათი მიეცა. ნაირის მხარის ყოველი კუთხიდან ასეთი ლაშქრობების შედეგად ბიანიში მოედინება დიდძალი ნადავლი (მასში გასაკუთრებით დიდი ადგილი პირუტყვის ეკავა) და ტყვეები. ბიანის მოსახლეობა თანდათან სამხედრო საზოგადოებად და ბიანი სამხედრო-პარაზიტულ სახელმწიფოდ

ჯალიბდება და მეტწილად მეზობლების ძარცვით, მათი დოვლათის მიტაცებითა და მათგან ტყვე-მონების წამოყვანით ცხოვრობს.

ამასობაში ურარტუ-ბიანის მეფეთა მორჩილებაში მყოფი ტერიტორია ნეტისმეტად გაიზარდა, მან მოიცილა თითქმის მთელი ნაირის მხარე და მის საზღვრებს გარეთაც გავიდა.

ბ. ნაირის სამხრეთ-აღმოსავლეთის ერთეულები (მუსასირი, ფარსუა, ბუშთუ, მანა) და ურარტუ


ჩვენ აღვნიშნეთ, რომ ვანის ტბის სამხრეთ-აღმოსავლეთით წლებარე მუსასირის ქვეყნის მოსახლეობა ენობრივად და კულტურულ-რელიგიურად ძირითადად ურარტული იყო (თუმცა, უცხო-ირანული, ასურული და სხვ. გავლენა აქ მოგვიანო ხანებში ბევრ სხვადასხვა სფეროში მძლავრად იგრძნობა). როდესაც IX საუკუნის შუახანებში ჩამოყალიბდა ურარტელ ტომთა მსხვილი გაერთიანება-ურარტუს საჰეფო, მუსასირი, როგორც ზემოთ დავინახეთ, არ შესულა ამ გაერთიანებაში, იგი ცალკე პოლიტიკურ ერთეულს წარმოადგენდა. მაგრამ მალე, IX საუკუნის დასასრულისათვის გაძლიერებული ბიანის (ურარტუს) სახელმწიფო მუსასირსაც იქვემდებარებს. ურარტუს იმპერიაში მუსასირის შესვლა საკმაოდ უმტკივნეულო პროცესი უნდა ყოფილიყო. არსად, არც ასურულ და არც ურარტულ წარწერებში, ჩვენ ბიანისა და მუსასირის შორის საომარი შეტაკების ვერავითარ კვალს ვერ ვპოვებთ. ამას თავისი საფუძველი ჰქონდა: მუსასირი ურარტუს იმპერიის რელიგიურ ცენტრს წარმოადგენდა. ამასთანავე პერიფერიული მდგომარეობისა და უცხო სამყაროსთან სიახლოვის გამო, თანაც იმპერიის უზენაესი ღვთაების—ხალდის ფართოდ გავრცელებული კულტის ცენტრი, მუსასირი, ინტენსიური აღებმიცემის კერაც უნდა ყოფილიყო. ამიტომ მისთვის ხელსაყრელი, მომგებიანი იქნებოდა ურარტუს მეფეთა იმპერიის ფარგლებში ყოფნა. ამრიგად უკვე იშფუინის მეფობისას, IX საუკუნის დასასრულს, მუსასირის სამთავრო ბიანის მეფეთა მფარველობის ქვეშ მოექცა. ამის შემდეგაც

შესასირს შერჩა ადგილობრივი მმართველი—მეფე, რომელიც ვასალურ დამოკიდებულებაში იმყოფებოდა ურარტუს მეფეთა მიმართ.

სამხრეთ-აღმოსავლეთის მიმართულებით ურარტუს მეფეებმა კიდევ უფრო მეტ წარმატებებს მიაღწიეს. ისინი იღწვოდნენ თავისი ხელისუფლებისათვის დაემორჩილებინათ კიდევ უფრო შორს, ურმიის ტბის რაიონში მდებარე ქვეყნები. ასეთი ქვეყნები იყო, კერძოდ, ბუშთუ და ფარსუა, რომელთა დამორჩილებას განსაკუთრებული ენერგიით ცდილობდნენ ურარტუს მეფეები იშფუნი, მენუა, არგიშთი I. ფარსუას ქვეყანა ურმიის ტბის სამხრეთ-დასავლეთით მდებარეობდა. იგი დასავლეთიდან ემეზობლებოდა მანას ქვეყანას. ბუშთუს ქვეყანა კი ფარსუას ქვეყნის მეზობლად, მასთან ერთად ურმიის ტბის სამხრეთით მდებარეობდა.

ურმიის ტბის რაიონში მდებარე ქვეყნებიდან ამ დროს ურარტუს მეფეების ყურადღების უმთავრეს ობიექტს მაინც მანას დიდი სამეფო წარმოადგენდა. ზემოთ უკვე ვთქვით, რომ IX საუკუნეშივე ჩ.წ-მდე, როდესაც ურარტუს სამეფო წარმოიქმნა, ურმიის ტბის რაიონში (ამ ტბის სამხრეთითა და აღმოსავლეთით) ჩამოყალიბდა მანაელ ტომთა რამდენიმე მსხვილი გაერთიანება. ერთ-ერთი ამათგანის სათავეში იდგა ქალაქი იზირთა, რომელმაც შედეგში დიდ წარმატებებს მიაღწია, შემოიერთა ბევრი მანაური თუ არამანაური თემი და მეტად მსხვილ პოლიტიკურ ერთეულად იქცა.

IX საუკუნის ბოლოდან მანას უმთავრეს მოწინააღმდეგედ ურარტუს სამეფო გახდა. მენუას, არგიშთი I-ისა და სარლური II-ის წარწერები სავსეა მანას წინააღმდეგ ლაშქრობათა აღწერით. განსაკუთრებით ინტენსიური ჩანს მანასა და ურარტუს შორის ბრძოლები არგიშთი I-ის ხანაში, როდესაც ურარტელები თითქმის ყოველ წლიურად ლაშქრობდნენ მანას წინააღმდეგ, ამასთანავე ეს ლაშქრობები საკმაოდ დიდი მასშტაბისა იყო. ამაზე მიგვითითებს ამ ლაშქრობათა დროს ურარტელთა მიერ მანაში გაჟლეტილი მეომრების ან ხელთგდებული ნადავლისა და ტყვეების დიდი რიცხვი. მაგრამ, ურარტელები არა მარტო არბევდნენ მანას, მიჰქონლათ ნადავლი, მიჰყავდათ



ვანის კლდეზე ამოკვეთილი არგიშთი I-ის წარწერის ნაწილები

ტყვეები და ხარკის გადახდას აკისრებდნენ ადგილობრივ ხელისუფალთ, არაჰედ ისინი უკვე აღრიდანვე ცდილობდნენ მანას ცალკეული რაიონები უშუალოდ შემოეერთებინათ და თავის პროვინციად ექციათ. როდესაც მენუა მეფე თავის წარწერებში ლაპარაკობს მანას ქვეყნის დაპყრობის შესახებ, აქვე იხსენიებს ციხე-სიმაგრის აგებას მანას ქვეყნის პერიფერიაზე, ქალაქ მეიშთას რაიონში (როშელიც ფარსუას ქვეყნის მეზობლად მდებარეობდა). როგორც ვხედავთ, ურარტელები უკვე მენუას დროს ცდილობდნენ მტკიცედ მოეკიდებინათ ფეხი მანას ამ სასაზღვრო რაიონში: ააგეს ციხე-სიმაგრე, დასტოვეს ურარტული გარნიზონი და სხვ., ე. ი. მანას ტერიტორიაზე დასაყრდენი პუნქტი შექმნეს.

ურარტუსა და მანას შორის ბრძოლა თითქმის მთელი საუკუნე მიმდინარეობდა. ამ ბრძოლებს მანასათვის მარტო ამა თუ იმ ტერიტორიის დაკარგვა როდი მოჰყვა შედეგად, არამედ როგორც ქვემოთ დავინახავთ, მანას სამეფომ (ქალაქ იზირთას ერთეულის ჰეგემონობით ჩამოყალიბებულმა მანაელ ტომთა გაერთიანებამ) დაშლა იწყო.

გ. ვანის ტბის სამხრეთითა და დასავლეთით მდებარე რაიონები (ჩრდილოეთი მესოპოტამია და ჩრდილოეთი სირია)

აქამდე ჩვენ ვსაუბრობდით ურარტუს მეფეთა წარმატებების შესახებ სამხრეთ-აღმოსავლეთის, ურმიის ტბის რაიონის მიმართულებით. არა ნაკლებ ინტენსიური იყო ამ ხანებში ურარტელთა შეტევა სხვა მიმართულებითაც, კერძოდ სამხრეთისა და სამხრეთ-დასავლეთის მიმართულებით. ურარტუს მეფეთა ლაშქარმა დასავლეთით ისეთ შორს მდებარე რაიონებს მიაღწია, როგორცაა კუმუხი, მალატია, ალექო... ურარტუს ჯარები ეფფრატის დასავლეთით, ჩრდილოეთ სირიაში არა ერთხელ გამოჩნდნენ და ცდილობდნენ ეს ადგილებიც ურარტუს მეფეთა ხელისუფლებისათვის დაექვემდებარებინათ.

მეფე მენუას (810—781) წარწერები ბევრს მოგვითხრობს ამ რაიონების დალაშქრის შესახებ. ამ რაიონში, ჩრდ. მესო-

პოტამიასა და ჩრდ. სირიაში, მენუას მიერ დალაშქრული ქვეყნებიდან აღსანიშნავია: „მელიტეა“ (დღევანდელ ქალაქ მალათიას რაიონი) „ხათის ქვეყანა“ (ხეთების ქვეყანა—ამ ხანაში, ასე ეძახდნენ ჩრდილოეთ სირიას), ცუფანი (ანტიკური ხანის მწერლების სოფენე-ტავროსსა და ანტიტავროსს შორის მოთავსებული მაღალნაყოფიერი დაბლობი დღევანდელ ქალაქ მეზრეს გარშემო), ურმენის ქვეყანა (ევფრატის ზემოწელზე), ალზის ქვეყანა (მდინარე არცანიას (მურად-სუ) სამხრეთით), დირგუნის ქვეყანა (ასურული წყაროების დირრა-ევფრატის ზემოწელზე, დღევ. ქალ. დიარბექრის ჩრდილოეთით), ულიბანის ქვეყანა (ასურული წყაროების „ულიბა“-„ულუბა“-„ულაბა“, დღევანდელი ტურ-აბდინის მთის ჩრდილოეთით, დაახლოებით მდ. იეზიჯანეჰ-სუსა და ბითლის-ჩაის შორის), იშალა (ასურელების „იცალა“, ხეთების „იშუვა“, დღევანდელ მარდინის რაიონში) და სხვ.

მენუას მემკვიდრის, არგიშთი I-ის (781—760) მეფობაში ურარტელები არ ასუსტებენ თავის ყურადღებას ამ რაიონისადმი. არგიშთის წარწერებში იხსენიება უკვე მენუასთან ნახსენები ურმეს (ურმენის) ქვეყნის, ხათის ქვეყნის, ქალაქ მელიტეას, დაპყრობა. ამასთანავე არგიშთი აღნიშნავს კიდევ ნირიბას ქვეყნის დალაშქვრას, რომლის შესახებ არაფერს ამბობენ მენუას წარწერები. ეს ქვეყანა „ნირბუ“-ს, „ნირიბი“-ს ფორმით ხშირად იხსენიება ასურეთის ბეფეთა წარწერებშიც იგი კაშიარის მთებში (დღევ. ტურ-აბდინი) მდებარეობდა.

განსაკუთრებით ინტენსიური გახდა ურარტელთა აქტივობა ჩრდ. მესოპოტამიასა და ჩრდ. სირიაში სარდური II-ის (760—730) ხანაში. მის დროს ჩრდილოეთ სირიის უმნიშვნელოვანესი ერთეულები ურარტუს გავლენის სფეროში მოქცეული ჩანან. ეტყობა, აქ ურარტელებს უკვე მტკიცედ მოუკიდიათ ფეხი. ეს იქიდანაც ჩანს, რომ ასურეთის მეფის ტიკლათფილესერ III-ის (745—727) წინააღმდეგ ურარტუს მეფის სარდური II-ის ინიციატივით შექმნილ კოალიციაში შევიდა ჩრდ. სირიის ბევრი მმართველი. ამ დიდკოალიციასთან ბრძოლის შესახებ ვრცლადაა ლაპარაკი ტიგლათფილესერ

III-ის წარწერებში. თვით სარდური მეფის წარწერებიდან კი, ჩვენ ვიგებთ ჩრდ. სირიის ქვეყნებში ურარტელთა აქტივობის უფრო ადრეულ ფაქტებსაც. თავის ანალებში სარდური II ვრცლად აგვიწერა მის მიერ ხურიტული კუპუხის (ანტიკური ხანის „კომაგენე“) სამეფოს ტერიტორიის დალაშქვრას, როცა აქ მან დაამარცხა და დაიმორჩილა კუმუხის მეფე კუმტაშ-ფილი. ამ უკანასკნელმა სარდურს მიართვა მდიდარი „ძღვენი“: 40 მინა (დაახლოებით 20 კლგრ.) ოქრო, 800 მინა ვერცხლი, დიდი ოდენობით ტყვია და ბრინჯაო. კუმტაშფილი, ეტყობა, შემდეგშიც ერთგული დარჩა ურარტუს მეფისა, რადგანაც ასურეთის მეფის ტიგლათფილესერ III-სა და ურარტუს მეფე სარდურს შორის მომხდარ ომში ჩვენ მას უკანასკნელის მხარეზე ვხედავთ. კუმუხის დალაშქვრასთან დაკავშირებით სარდურ მეფე იხსენიებს ქალაქ ხალფანი(-ს) (ე. ი. ალექოს) და ქალაქ უითანის დაპყრობას (ეს უკანასკნელი პუნქტი „უეთაშ“-ის ფორმით იხსენიება ასურულ წყაროებშიაც, როგორც მილიდის (მელიტეია-მალატიას) მეფის „სამეფო ქალაქი“, რეზიდენცია). სარდურის წარწერებში იხსენიება ქალაქ მელიტეას მეფის დამარცხება, აგრეთვე არშეს ქვეყნისა და მისი დედაქალაქის („სამეფო ქალაქის“) ნიხირიანის დაპყრობა. ეს ხურიტული მოსახლეობის მქონე ქვეყანა იყო და ურარტუს დასავლეთით, ზემო მესოპოტამიაში მდებარეობდა.

ამოიგად, როგორც ვხედავთ, IX საუკუნის დასასრულსა და VIII საუკუნის დასაწყისში (მენუას, არგიშთი I-ის, სარდური II-ის დროს) ურარტუს სამეფოს ექსპანსიის ორბიტაში მოექცა ჩრდილოეთ მესოპოტამიისა და ჩრდილოეთ სირიის ვრცელი ტერიტორია. ურარტუს მეფეები მრავალგზის დალაშქრობდნენ ამ მხარეში, არბევდნენ აქაურობას, ნიქონდათ აქედან დიდძალი ნადაკლი, მიჰყავდათ ტყვეები, ხარკს ადებდნენ და მორჩილების აღთქმას ადებინებდნენ ადგილობრივ ხელისუფალთ. ამ ეპოქაში ჩრდილოეთ მესოპოტამიასა და ჩრდილოეთ სირიაში, ხურიტულ, არამეული და ხეთური მოდგმის ტომებით დაკავებულ ტერიტორიაზე, აქამდე აქ მოთარეშე ასურელები ურარტელებმა შესცვალეს.

მრავლად ვხვდებით ჩვენ ამ ეპოქის ურარტულ წარწერებში ცნობებს ამიერ-კავკასიის, კერძოდ მისი სამხრეთი რაიონების შესახებაც. სამხრეთ ამიერ-კავკასიის რაიონები IX საუკუნის დასასრულიდან დაწყებული ურარტელთა ექსპანსიის ერთ-ერთი უმნიშვნელოვანესი ობიექტი გახდა. თავის მახვილს ურარტუს მეფეები პირველ ყოვლისა სამხრეთ ამიერ-კავკასიის უძლიერესი ერთეულის დიაუხის წინააღმდეგ მიმართავენ.

ურარტუს მეფეების (კერძოდ, მენუასა და არგიშთი I-ის) წარწერებში დიდი ადგილი უკავია დიაუხის სამეფოსთან ბრძოლის აღწერებს. უკვე მეფე მენუა (810—781) არზრუმის რაიონში დატოვებულ ერთ თავის წარწერაში ლაპარაკობს დიაუხის „ძლიერი ქვეყნისაკენ“ გალაშქრების შესახებ. ნათქვამია, რომ მან დაიპყრო დიაუხის ქვეყანა, ბრძოლით აიღო მისი სამეფო ქალაქი შაშილუნი, დაარბია ქვეყანა და სხვ. დიაუხის მეფე უტუფურშინი დამორჩილებია ურარტუს მეფეს, ხარკი მიუერთმეფია მისთვის და მენუას მისთვის შემდეგშიც ხარკის ხდის ვალდებულება დაუკისრებია.

იშფუინისა და მენუას ხანაში (IX ს. დასასრულსა და VIII საუკუნის დასაწყისში) წყაროებში პირველად ჩნდება ცნობები დიაუხის გარდა სამხრეთ ამიერ-კავკასიის სხვა ერთეულების შესახებ. იშფუინისა და მენუას თანამმართველობის დროის რამდენიმე წარწერაში ლაპარაკია სამხრეთ ამიერ-კავკასიის ტერიტორიაზე ლუშას, ქათარზას და ვიტერუხის ქვეყნების დამორჩილების შესახებ. ძნელია კატეგორიულად თქმა თუ გვიანდელი ნომენკლატურით რომელი ტერიტორიის, ამიერ-კავკასიის რომელი რაიონის შესახებ არის აქ ლაპარაკი. ზოგი მკვლევარი „ქათარზას“ სახელს ქართულ „კლარჯეთი“-ს სახელს უკავშირებს და ამ საფუძველზე ფიქრობა, რომ ეს ლუშას, ქათარზას და ვიტერუ(ხ)ის ქვეყნები სამხრეთ საქართველოს ტერიტორიაზე იყო.

სამხრეთ ამიერ-კავკასიის ტერიტორიაზე, რომელსაც ურარტელები „ეთიუნის“ ზოგად სახელს უწოდებდნენ, იშფუინისა და მენუას ხანაში, ეტყობა, ეს ლუშა, ქათარზა და ვიტერუხი

ყოფილან უმნიშვნელოვანესი ერთეულები (დიაუხის სამეფოს გარდა), რომელთა გარშემო შემოკრებილან ამიერ-კავკასიის სხვა ერთეულები ურარტუს წინააღმდეგ საბრძოლველად. იშფუ-ინი და მენუა როდესაც ლაპარაკობენ ლუშას, ქათარზასა და ვიტერუხის დამარცხებაზე, დასძენენ, რომ მათსძლიეს აგრეთვე ეთიუნის (ე. ი. სამხრეთ ამიერ-კავკასიის) მეფეები, რომლებიც მათ დასახმარებლად მოსულ იყვნენ („ეთიუნი“ სამხრეთ ამიერ-კავკასიის თითქმის მთელი იმ ტერიტორიის ზოგადი სახელი იყო, რომელიც არეკლილია ურარტულ წყაროებში).

მენუას წარწერები ლაპარაკობენ სამხრეთ ამიერ-კავკასიის კიდევ ერთი მნიშვნელოვანი ერთეულის შესახებ. ესაა ერქუა, რომელიც არარატის მთის რაიონში მდებარეობდა. მისი მოსახლეობა ურარტუს ცენტრალური რაიონების მოსახლეობასთან ეთნიკურად, ტომობრივად ახლო იდგა. ერქუას ქვეყნისა და მისი დედაქალაქის ლუხიუნინის დამორჩილების შესახებ მენუას არა ერთი წარწერა მოგვითხრობს.

ურარტელები აქ მარტოდდენ დარბევით როდი კმაყოფილდებოდნენ. ერქუას დედაქალაქ ლუხიუნინის (რომელიც არარატის ჩრდილო ფერდობზე, სოფელ ტაშბურუნთან უნდა ყოფილიყო) რაიონში მენუამ ციხე-სიმაგრე და ხალდისადმი მიძღვნილი საკულტო ნაგებობა ააშენა. მენუამ აქ ურარტული ქალაქი-ურარტელთა დასაყრდენი პუნქტი შექმნა, რომელსაც მენუახინილი დაარქვა. აქ იქნებოდა ურარტული გარნიზონის ადგილსამყოფელი, ურარტელი მმართველის რეზიდენცია და სხვ. ამრიგად, უკვე მენუას ხანაში, ადგილი აქვს ვანის ტბის ჩრდილოეთით მდებარე ზოგიერთი რაიონის (მაგალითად, არარატის მთის მიდამოების) ურარტუს იმპერიის შემადგენელ ნაწილად, ურარტელთა პროვინციად ქცევას. ოაც შეეხება უფრო ჩრდილოეთით, არაქსს გადაღმა მდებარე მიწებს, აქ, საფიქრებელია, იშფუინი-მენუას ხანაში ურარტელები მხოლოდ დამრბვეი ექსპედიციების მოწყობით კმაყოფილდებოდნენ. ურარტუს მეფეთა ასეთ სათარეშო ექსპედიციებს სამხრეთ ამიერ-კავკასიის მოსახლეობა, როგორც დავინახეთ, ხშირად დიდ კოალიციებად გაერთიანებული ხვდებოდა (იშფუინისა და მენუას ლაშქარს ამიერ-კავკასიაში ერთი ასეთი


გალაშქრებისას „ეთიუნის“ ბევრ სხვადასხვა მეფესთან უხდება ბრძოლა, რომლებიც გაერთიანებულან ლუშას, ქათარზასა და ვიტერუხის მსხვილ გაერთიანებათა გარშემო).

მენუას მემკვიდრის, არგიშთი 1-ის (781—760) ხანაში ურარტელთა ექსპანსია სამხრეთ ამიერ-კავკასიის ხალხების მიმართ უფრო ინტენსიური ხდება. მაშინ, როდესაც აქამდე (იშფუინისა და მენუას დროს) წყაროებში სამხრეთ ამიერ-კავკასიის ქვეყნებიდან „მხოლოდ დიაუხი, ლუშა, ქათარზა, ვიტერუხი და ერქუა იხსენიებოდა, ახლა, არგიშთის დროს, ჩვენი თვალთახედვის არეზე ჩნდება ამიერ-კავკასიის ბევრი სხვა „ქვეყანა“ იმასთან დაკავშირებით, რომ ისინიც ურარტელთა ექსპანსიის ობიექტებია. არგიშთის დროს ურარტელთა ექსპანსიის ობიექტებს კვლავ წარმოადგენენ ლუშა, ქათარზა და ვიტერუხი (სამხრეთ საქართველოს ტერიტორიაზე?), რომელთა დაპყრობას იკვეხნიან უკვე იშფუინი და მენუა. დღევანდელი სარიყაჯიშის რაიონში არგიშთი იპყრობს ქალაქების აშტუხინისა და ახურიანის მიდამოებს. არგიშთი დალაშქრავს აგრეთვე ურარტუს ცენტრიდან შორეულ ჩრდილო-დასავლეთში, სამხრეთ-დასავლეთ საქართველოს ტერიტორიაზე მდებარე ზოგ სხვა მსხვილ ერთეულს, კერძოდ ზაბახეს ქვეყანას (ამ ქვეყნის სახელი ქართული „ჯავახეთი“-ს სახელში შემოინახა; ურარტული ხანის ზაბახეს ეკავა დღევანდელ ჯავახეთზე ცოტა უფრო სამხრეთით მდებარე ტერიტორია, თუმცა იგი, შეიძლება, უკვე ამ დროს თანამედროვე ჯავახეთის ტერიტორიამდეც ვრცელდებოდა) და იგანის (ქალაქ მაკალთუნით—ეს ერთეული ჩილდირის ტბის რაიონში მდებარეობდა).

თუ ცოტა უფრო აღმოსავლეთით გადავინაცვლებთ, არარატის ოლქსა და ლენინაკანის რაიონშიც არგიშთის დროს ურარტელთა ექსპანსიის ობიექტად ბევრი სხვადასხვა ქვეყანა იხსენიება: ერიახისა და იშკიგულუს ქვეყნები (დღევანდელი ლენინაკანის რაიონი) კულიაინის ქვეყანა ქალაქ დურუბანით

(გულიჯანის რაიონი), ულუანის ქვეყანა, ქალაქ დარანის ქვეყანა (ელარის რაიონი ერევნის მახლობლად), აბილიანისი, კუარზანისი, ულთუზაინისი, გულუთახისი, ანიშთირგა (არარატის ველზე?).

არგიშთის დროს ურარტელთა ჯარები სევანის ტბის რაიონშიც გამოჩნდნენ. სევანისპირა რაიონს, კერძოდ სევანის ტბის დასავლეთ სანაპიროზე მდებარე ტერიტორიას, ურარტელები უღური-ეთიუნის ზოგად სახელს უწოდებდნენ. აქ, სევანის ტბის ჩრდილო-დასავლეთ სანაპიროზე, ორდაკლუს რაიონში,



ურარტუს მეფის მუხარადი (ნაპოვნია კარმირ-ბლურის გათხრების დროს).


არგიშთი მეფემ დაიპყრო ქალაქების კიეხუნისა და იშთიქუნის ქვეყნები.

ამიერ-კავკასიაში არგიშთიმ საბოლოო ლახვარი ჩასცა დიაუხის სამეფოს ძლიერებას. დიაუხი ამ დროს იმ ძალად გადაიქცა, რომლის გარშემოც იკრიბებოდნენ სამხრეთ ამიერ-კავკასიის

ტომები ურარტულ ექსპანსიასათვის წინააღმდეგობის გასაწევად. არგიშთი ამბობს, რომ მან დიაუხის მეფესთან ერთად დააპარტუხა დიაუხის საშველად მოსული, ამიერ-კავკასიის ისეთი მნიშვნელოვანი ერთეულების მეფეები, როგორც იყვნენ ლუშა, ქათარზა, ვიტერუხი, ერიახი, გულუთახი... ამასთან კავშირში არგიშთი იხსენიებს აგრეთვე აუუნისა და იგას (იგანის) ქვეყნების ძლევას.

არგიშთის დროისათვისაც დიაუხის სამეფო ჯერ კიდევ მსხვილ გაერთიანებას წარმოადგენდა: არგიშთიმ ამ ქვეყნას ერთ ნაწილში „105 სასახლე“ (ე. ი. ციტადელი, ციხე-სიმაგრე დაანგრია და 453 „ქალაქი“ (დასახლებული პუნქტი) ტეცხლს მისცა. დიაუხის ქვეყანაში არგიშთიმ დაატყვევა 15.181 ბავშვი, 2.734 მამაკაცი, 10.604 დედაკაცი, ხელთ იგდო 4.426 ცხენი, 10.478 ხარი, 73.770 ცხვარი. დიაუხის მეფისაგან მან ხარკის სახით მიიღო 41 მინა (ე. ი. 21 კილოგრამამდე) ოქრო, 37 მინა ვერცხლი, რამდენიმე ათი ათასი მინა სპილენძი, 900 ცხენი, 300 ხარი, რამდენიმე ათი ათასი სული ცხვარი. ყოველწლიური ხარკის სახით არგიშთიმ დიაუხის ქვეყანას დააკისრა დიდი ოდენობით ოქრო, 10.000 მინა სპილენძი, აგრეთვე ხარების, ძროხების, ცხენების გადახდა. ყოველივე ამის მიხედვით ჩანს, რომ დიაუხის სახით ჩვენ ამ დროსაც მსხვილ და ეკონომიურად შეძლებულ ერთეულთან გვექონია საქმე.

დიაუხის ეს მსხვილი გაერთიანება არგიშთიმ საფუძვლიანად დაარბია. ამიერ-კავკასიელმა მოკავშირეებმა, ეტყობა, ვერაფერი უშველეს დიაუხის სამეფოს. არგიშთი აქ არ დაკმაყოფილდა ქვეყნის დარბევით, ნადავლის ხელთგდებით, ტყვეების წამოყვანით, ხარკის დადებით. იგი ცდილობდა დიაუხის ქვეყანა, მისი ერთი ნაწილი მაინც, ურარტულ პროვინციად ექცია. დიაუხის ქვეყანაში ადგილობრივი მმართველი, მეფე, დასტოვა, მაგრამ აქვე დასვა ურარტუს მეფის ნაცვლებიც, პროვინციათა გამგებლები. არგიშთის ლაშქრობებმა საბოლოო ლახვარი ჩასცეს ამიერ-კავკასიის ამ უძველესი და უმნიშვნელოვანესი პოლიტიკური ერთეულის ძლიერებას. ამის შემდეგ დიაუხის სამეფოს ერთი ნაწილი ურარტუს პროვინცია გახდა,



ურარტუს მეფის მუხარადზე მოთაქციებულ გამოსახულებათა ქვითალები



ქუარტუს-მეფის მუხარადზე მოთავსებულ განოსახლებათა წმინდაები

ხოლო დიახის გაერთიანებაში შემავალი ბევრი სხვა ერთეული დამოუკიდებელი შეიქმნა, ან კიდევ სხვა მსხვილი გაერთიანების ფარგლებში მოექცა. ასე მაგალითად, ხუშანის ქვეყანა, რომელიც არგიშთის წარწერებში ორგზის იხსენიება დიახისთან კავშირში, არგიშთის მემკვიდრის, სარდური II-ის, დროს კულხას გაერთიანების შექადგენლობაში შესული ჩანს. არგიშთის შემდეგ ურარტულ წყაროებში საერთოდ არაფერი იხმის დიახის შესახებ. ამ ძველი ძლიერი სამეფოს ნაშთი ურარტუს ვასალის სახით შეიძლება კვლავ განაგრძობდა არსებობას, მაგრამ ეტყობა, არაფერს მნიშვნელოვანს აღარ წარმოადგენდა.

არგიშთის მეფობაში ურარტელების მიერ გარკვეულად აღებულია გეზი ამიერ-კავკასიის სამხრეთი რაიონების ურარტულ პროვინციად ქცევაზე. ამიერ-კავკასიის დალაშქვრისას არგიშთი ბევრს ლაპარაკობს ამ ტერიტორიის დარბევის (დასახლებული პუნქტებისა და ციხე-სიმაგრეების დანგრევა და მათთვის ცეცხლის წაკიდება), დაძალი ნადავლის (ძირითადად პირუტყვის) ხელთგდებაზე, დიდი ოდენობით ტყვე მამაკაცებისა და ქალების წამოყვანის შესახებ, ამიერ-კავკასიის დამორჩილებულ ხელისუფლებზე ხაკის დადების შესახებ და სხვ., მაგრამ ჩანს, რომ ურარტელები ამიერ-კავკასიის დაპყრობილ ტერიტორიას უყურებდნენ არა მარტო როგორც რბევათარეშის ობიექტს, არაჰედ სურდათ საკუთარი ქვეყნის ნაწილად ექციათ იგი: ამიერ-კავკასიის ტერიტორიაზე ააგეს დასაყრდენი პუნქტები, ციხე-სიმაგრეები, დასტოვეს აქ ურარტელი მმართველები, ურარტუს მეფის ნაცვლები, შექმნეს მსხვილი საჰეფო სახელმწიფო მეურნეობები და სხვ.

მენუას დროს ამიერ-კავკასიაში ურარტელთა მფლობელობის ცენტრი იყო მენუახინილი, დაფუძნებული მენუას მიერ არატის მთის ჩრდილოეთ ფერდაზზე. არაქსის მარჯვენა ნაპირზე, სოფელ ტაშბურუნთან. არგიშთის დროს ასეთმა ცენტრმა ჩრდილოეთით გადაინაცვლა, არაქსის მარცხენა ნაპირზე არგიშთის მიერ აგებულ არგიშთიხინილიში. ეს უკანასკნელი გაშენებული იყო გორაკზე დღევანდელ სოფ. არმავირთან (ყოფილი კურდუკლუ). აქ დღესაც ჩანს ურარტულ ნაგებობა-


თა ნაშთები. არმავირის გორაკის რაიონიდან 15-მდე ურარტული წარწერაა მოღწეული, რომელთაგან უძველესნი არგიშთი I-ის მეფობის ხანას ეკუთვნიან, ყველაზე გვიანდელი კი ჟრარტუს ერთი-ერთი უკანასკნელი მეფის, რუსა ერიმენას-ძის (VI ს. დასაწყისი ჩ. წ-მდე) ხანისაა. ეტყობა, ამ პუნქტს თავისი მნიშვნელობა არ დაუკარგავს ურარტუს სამეფოს არსებობის ბოლო ხანამდე (თუმცა შემდეგ სამხრეთ ამიერ-კავკასიაში ჩნდება ურარტელთა ბევრი სხვა ციხე-სიმაგრე). არმავირის რაიონში არგიშთი მეფის მიერ დატოვებული წარწერები თითქმის ყველა სააღმშენებლო ან საკულტო ხასიათისაა: არგიშთი აღნიშნავს, რომ მან ააგო ციტადელი, ციხე-სიმაგრე, რომელსაც არგიშთიხინილი უწოდა, ააგო სასახლე და ბევრი სხვა ნაგებობა; მდ. არაქსიდან მას აქ ოთხი არხი გაუყვანია, გაუშენებია ბალ-ვენახები და სხვ.

არგიშთიხინილის მახლობლად არგიშთიმ ურარტელთა მეორე მნიშვნელოვანი ცენტრი შექმნა: ერეენის მახლობლად, დღევანდელ არინ-ბერდის გორაკის მიდამოებში მას დაუფუძნებია ქალაქი ირუჟნი „ბიანიის ქვეყნის ძლიერებისათვის და ნტრჯლი ქვეყნის დასათრგუნავად“, როგორც ის ამბობს. აქ მას დაუსახლებია ცუფანისა და ხეთების ქვეყნიდან წამოყვანილი 6.600 პეომარი (ე. ი. ტყვე-მონა), როგორც ჩანს, დიდ სამეფო მეურნეობაში სამუშაოდ, რომელიც ჩვეულებრივ არსებობდა ხოლმე ასეთ ურარტულ ციხე-ქალაქებთან.

მიუხედავად იმ დიდი წარმატებისა, რომელიც არგიშთის დროს მოიპოვეს ურარტელებმა სამხრეთ ამიერ-კავკასიის დამორჩილების საქმეში, მაინც ამიერ-კავკასიის სამხრეთი რაიონების პროვინციად ქვეყნის ამოცანა არგიშთის დროს ჯერ კიდევ შორს იყო განხორციელებიან. არგიშთის მემკვიდრის, სარდური II-ის (760—730) დროსაც ამიერ-კავკასიის სამხრეთში მრავლად მოჩანდა მსხვილი პოლიტიკური ერთეულები, რომლებიც სასტიკ ბრძოლას აწარმოებდნენ ურარტელთა წინააღმდეგ. ჩრდილო-დასავლეთში სარდურის დროს განადგურებული დიაუხის ნაცვლად თავი იჩინა კულხას მსხვილმა გაერთიანებამ. აქვე ურარტელებს კვლავ მოუხდათ ბრძოლების წარმოება: ივანიე-

ხისტან (ჩილდირის ტბის რაიონში), კურიანის ქვეყანასთან (შეიძლება, მდინარე მტკვრის სათავეებში), უზიმესთან (ჩილდირის ტბის რაიონში) რუიშიანისთან და სხვ.

სამხრეთ ამიერ-კავკასიის შუაგულ რაიონებში სარდური მეფეს განსაკუთრებით ინტენსიური ბრძოლები ჰქონდა ერიახიში (ლენინაკანის რაიონი) და აბილიანიხიში (არარატის ველზე, არაქსის მარცხენა ნაპირზე, დღევანდელ ყალიზმანთან)-



სარდური II-ის თასი
(ნაპოვნია კარმირ-ბლუჯის გათხრების დროს)


უფრო ინტენსიური გახდა ურარტელთა ექსპანსია სეკანის ტბის რაიონში. სევანის ტბის სამხრეთ-დასავლეთ სანაპიროზე, ადიამანთან, სარდურმა დაიპყრო ლუეხუხის ქვეყანა; დასავლეთ სანაპიროს ცენტრში, დღევანდელი ნორ-ბაიაზეთის რაიონში, სარდურმა დაამარცხა უელიქუხის ქვეყნის მეფე მურიუნნი, ხოლო სამხრეთ-აღმოსავლეთ სანაპიროზე, ზალალუს რაიონში, სარდურმა დაიპყრო არკუკინისა და ურტახინის ქვეყნები. სარდურის ანალებში ამათ გარდა, იხსენიება სევანის ტბის რაიონში მდებარე კიდევ არა ერთი სხვა ქვეყნის დაპყრობა.

ამიერ-კავკასიაში სარდურის ამ მრავალრიცხოვანი ლაშქრო-
შების ერთ-ერთ მიზანს, რა თქმა უნდა, ნადავლისა და ტყვე-
შონების მოპოვება წარმოადგენდა. მაგრამ, სარდურის დროს
უფრო მძლავრად, ვიდრე მის წინამორბედ მეფეთა დროს,
იგრძნობა ამიერ-კავკასიის დაპყრობილი ადგილების პროვინ-
ციად ქცევისაკენ ლტოლვა. ააგეს აქ ციხე-სიმაგრეები, სადაც
სტოვებდნენ ურარტულ გარნიზონს, სვამდნენ ურარტულ
მმართველს და სხვ. ასე მაგალითად, ერიახის ქვეყნის ერთ-ერთი
დალაშქვრის ამბის გადმოცემისას სარდური აღნიშნავს, რომ
მან იქ (დაპყრობილ ტერიტორიაზე) ციტადელები ააგო და
ეს ქვეყანა თავის ქვეყანას მიუმატა. ვიტერუხის ქვეყნის ქალაქ
ურაიანიშიც სარდურმა ციტადელი ააგო, ამ ქვეყანაში თავისი
ნაცვლები—ოლქის მმართველები დანიშნა და სხვ.

აოგოშთიხინილი (დღევ. არპავირი) სარდურის დროსაც დარ-
ჩა ამიერ-კავკასიაში ურარტელთა მფლობელობის ადმინისტრა-
ციულ ცენტრად. სარდური მეფისაგან არმავირში მოღწეულია
ისეთივე ხასიათის (საღმშენებლო, საკულტო) წარწერები,
როგორც გვაქვს ჩვენ ამ რაიონში მისი მამის, არგოშთი მე-
ფისაგან. სარდურმა აქ ააგო სასახლე, ხალდისადმი მიძღვნი-
ლი საკულტო ნაგებობები, გაიყვანა არხი, გააშენა ბალ-ვენა-
ხები და სხვ. კიდევ არა ერთი, ურარტელთა სხვა მნიშვნელო-
ვანი დასაყრდენი პუნქტი იყო მის დროს ამიერ-კავკასიის
ტერიტორიაზე.

სარდური II-ის შემდეგ ცნობები ამიერ-კავკასიის შესახებ
ურარტულ წყაროებში მცირდება. სარდურის მეგკვიდრის რუ-
სა I-ის (730—714) ხანისათვის ჩვენ გვაქვს მხოლოდ ცნობები
ურარტელთა აქტივობის შესახებ სევანის ტბის რაიონში. შეიძ-
ლება ეს შემთხვევითი გარემოებაა, იქნებ ჩვენამდე არ მოაღ-
წია რუსა I-ის იმ წარწერებმა, სადაც ლაპარაკი იყო ურარ-
ტელთა ბრძოლების შესახებ ამიერ-კავკასიის სხვა რაიონებში,
მაგრამ შეიძლება ისიც ვიფიქროთ, რომ რუსა I-ის ხანისათ-
ვის მისი წინაპრების, არგოშთისა და სარდურის საქმიანო-
ბის შედეგად სამართა ამიერ-კავკასიის ძირითადი რაიონები
უკვე პროვინციად ქცეული იყვნენ და ურარტელთა ხელისუფ-
ლება აქ განმტკიცებული იყო. ისიც შეიძლება გავიხსენოთ,

რომ რუსა I-ის საგარეო პოლიტიკის სიმძიმის ცენტრი ამიერ-კავ-
კასიიდან შორს სამხრეთში, ურმიისპირა რაიონში იმყოფებო-



წარწერა სარდური II-ის თასზე

და, სადაც ასურეთის ძლიერ მეფე სარგონთან კიდილში
ურარ ჯუს ძლიერებს ბედ-იღბალი წყდებოდა.

რუსა I-საგან ჩვენამდე მოაღწია სევანის ტბის რაიონში დატოვებულმა ორმა წარწერამ. ორივე ეს წარწერა მოწმობს, რომ ასეთ შორეულ რაიონებშიც კი ამ დროს ურარტელთა მიერ გეზი აღებული იყო დაპყრობილი ადგილების პროვინციად ქცევისაკენ. სევანის ტბის დასავლეთ სანაპიროზე, ნორ-ბაიაზეთან, იმდროინდელი უელიქუხის ქვეყნის ტერიტორიაზე, დატოვებულ წარწერაში რუსა I ამბობს, რომ მან დაიმორჩილა უელიქუხის ქვეყნის მეფე და ტყვედ წაიყვანა იგი მისი ქვეყნიდან (ჩანს, რომ ურარტელები ხარკის დადებით აღარ კმაყოფილდებოდნენ, ადგილობრივ „მეფეებს“ ველარ ითმენდნენ!); რუსამ იქ დიდი ციხე სიმაგრე ააგო და მას „ხალდის ქალაქი“ უწოდა, აქვე ააგო ხალდისადმი მიძღვნილი საკულტო ნაგებობა, დასვა აქ თავისი ნაცვალ-ოლქის მმართველი და სხვ.

ურარტუს ამავე მეფის მიერ სოფელ ცოვინართან, სევანის ტბის სამხრეთ სანაპიროზე დატოვებული წარწერა კი სევანის ტბის რაიონის 23 ქვეყნის დაპყრობის შესახებ მოგვითხრობს. ოთხ ამათგანს სევანის ტბის დასავლეთი და სამხრეთი სანაპიროების გასწვრივ მდებარე ტერიტორია ჰქონია დაკავებული (ადახუნი, უელიქუხი, ლუეხუნი, არკუჯინი), დანარჩენი 19 კი, სევანის ტბის აღმოსავლეთით, დღევანდელი აზერბაიჯანის ტერიტორიაზე, მცირე კავკასიონის მთიანეთში უნდა ყოფილიყო. დამახასიათებელია, რომ ამ წარწერაშიც რუსა მეფე იხსენიებს (წარწერის რაიონში) ციხე-სიმაგრის აგებას, რომლისათვისაც მას „თეიშებას ქალაქი“ დაურქმევია. დღესაც ჩვენ როგორც ცოვინარის, ისე ნორ-ბაიაზეთის მიდამოებში ვხვდებით ურარტული ხანის ციხე-სიმაგრეთა ნაშთებს.



აქამდე ჩვენ ვსაუბრობდით ურარტუს სამეფოსა და სამხრეთ ამიერ-კავკასიის ხალხთა ურთიერთობის შესახებ, დავახასიათეთ, თუ როგორი იყო ეს ურთიერთობა. ბუნებრივად ისმის კითხვა: ვისთან ჰქონდათ საქმე ურარტუს მეფეებს სამხრეთ ამიერ-კავკასიაში, ეთნიკურად, ტომობრივად რა ხალხი ცხოვრობდა აქ ამ დროს?

ამ საკითხზე პასუხის გაცემა საქაოდ რთული საქმეა. ჩვენ არ გვაქვს ამიერ-კავკასიის იმდროინდელ მცხოვრებთა ენებზე ნაწერი ძეგლები, რომლის მიხედვით შესაძლებელია გარკვეული წარმოდგენის შექმნა იმაზე, თუ ენობრივად, ეთნიკურად რას წარმოადგენდა სამხრეთ ამიერ-კავკასიის ამდროინდელი მოსახლეობა. ჩვენს ხელთ არის მხოლოდ ონომასტიკური მასალა, ურარტუსა და ასურეთის მეფეთა წარწერებში დაცული სახელები ამ ადგილების „ქვეყნების“, „მეფეების“, „ქალაქების“, ცალკეულ პიროვნებებისა და სხვ. აი, ამ სახელების შესწავლის საფუძველზე უნდა დავასკვნათ, თუ რა ენობრივი წრის ხალხებთან გვაქვს საქმე ურარტუს მეფეთა ხანის სამხრეთ ამიერ-კავკასიაში (ე. ი. სამხრეთ ამიერ-კავკასიის იმ რაიონებში, რომლებიც არეკლილია ასურულ და ურარტულ წარწერებში).

სამხრეთ ამიერ-კავკასიის ტერიტორიაზე დამოწმებული ეს სახელები თავისი აგებულებით პირველ შეხედვისთანავე მსგავსებას იმჟღავნებენ ურარტულ (და მის მონათესავე ხურიტულ) ენობრივ სამყაროსთან. ის დაბოლოებანი (სუფიქსები), რომელთა გამოყოფაც ჩვენ შეგვიძლია ამიერ-კავკასიის ტერიტორიაზე დაქოწმებულ სახელებში, თითქმის ყველა დამახასიათებელია ხური-ურარტული ენობრივი სამყაროსათვის. ეს ითქმის, პირველ ყოვლისა, — ნი, ან — ზი სუფიქსების მიმართ, რომლებსაც ჩვენ ვხვდებით ამ სახელთა უდიდეს ნაწილში, ამასთანავე ჩანს, რომ მეტწილად ეს სუფიქსები ურარტელებს კი არ დაუერთავთ, არამედ უნდა ყოფილიყო ამ სახელწოდებათა ადგილობრივსავე ფორმებში. სხვა სუფიქსებიც, რომელთა გამოყოფა შეიძლება ამ სახელებში (მაგალითად: — ქი (გი), — ში, — ზი, — ზა, — რი), აგრეთვე დამახასიათებელია ხურიტული ენობრივი სამყაროსათვის.

მაგრამ სუფიქსებს გარდა ურარტული ხანის ამიერ-კავკასიის ბევრი სახელი მთლიანად ან რომელიმე შემადგენელი ელემენტით კავშირს ავლენს ხური-ურარტულ ენობრივ სამყაროსთან. ამასთანავე ხურიტული ელემენტები ძირითადად სამხრეთ ამიერ-კავკასიის დასავლეთ პერიფერიაზე ჩანს (არზრუმი-ყარსის რაიონი და მეზობელი ადგილები). ძირეული ელემენტით, ან სუფიქსით ხურიტული ელფერის სახელებია 6. ურარტუ

სამხრეთ-დასავლეთ ამიერ-კავკასიის უმნიშვნელოვანესი ერთეულები: კულხას, ზაბახეს, დიაუხის ქვეყნების სახელები; ამავე რაიონში მყოფი ქალაქების: უტუხაის, აშტუხინის, ილდამუშას, შაშილუნის სახელები; ცალკეული პიროვნებების დიუცინის, სიენის, ასიას სახელები, სატომო სახელი შაშქი და სხვ.

ურარტულ წყაროებში არეკლილი სამხრეთ ამიერ-კავკასიის ცენტრალურ და აღმოსავლეთ რაიონებში (არარატის დაბლობი, სევანის ტბის რაიონი) დამოწმებულ სახელებში კი, პირიქით, უფრო ხშირად ურარტული ელემენტები გვხვდება. აქ ურარტული ელფერისაა მსხვილი ერთეულების აბილიანიხისა და უელიქუხის ქვეყნების, აგრეთვე ერიელტუაინისა და შანათუაინის ქვეყნების სახელები, ქალაქ ლუხიუნიინის სახელი, მეფეების მურინინისა და მურინუნის სახელები და სხვ.

ასურული და ურარტული ხანის სამხრეთ ამიერ-კავკასიის სახელებში ისე მრავალრიცხოვანი და ორგანიული ჩანს ხური-ურარტული ელემენტები, რომ ძნელია ისინი მარტოოდნე მეზობელი ხური-ურარტული სამყაროს პოლიტიკური თუ კულტურული გავლენის შედეგად მივიჩნიოთ. ისინი უფრო აქაური მოსახლეობის ეთნიკურ ხასიათზე მიგვითითებენ და იმას ლაპარაკობენ, რომ ასურულსა და ურარტულ წყაროებში არეკლილი ამიერ-კავკასიის სამხრეთი რაიონების მოსახლეობის მნიშვნელოვან ნაწილს ხური-ურარტული ტომები შეადგენდნენ. ამრიგად, სამხრეთ ამიერ-კავკასიის ეს რაიონები ამ ხანაში პირდაპირ აგრძელებენ სამხრეთის ხური-ურარტული მოსახლეობის ხაზს.

სამხრეთ ამიერ-კავკასიაში უძველეს ხანებში მცხოვრებ ხურიტულ ტომებში უნდა ვეძებოთ ჩვენ აგრეთვე ქართველებისა და სომხების ზოგი უძველესი მითოლოგიური წარმოდგენის წყარო. ასეთთა რიგს ეკუთვნის ქართველებსა და სომხებში ფართოდ გავრცელებული წარმოდგენა ვეშაპების შესახებ. ქართული და სომხური ფოლკლორი, როგორც ცნობილია, ვეშაპებს გვიხატავს უზარმაზარ, ბოროტ, მხეცის მსგავს არსებებად. ამას გარდა, საქართველოსა და სომხეთის ტერიტორიაზე ჩვენ ბევრგან ვხვდებით ქვის დიდ სტელებს, რომელთაც თევზის მოყვანილობა აქვთ ან თევზის გამოსახუ-

ლებას შეიცავენ. ადგილობრივი მოსახლეობა მათაც „ვეშაპებს“ უწოდებს. ამ ქვის სტელებმა უკანასკნელი ათეული წლების მანძილზე მეცნიერთა დიდი ყურადღება მიიპყრო. ისინი იმ დასკვნამდე მივიდნენ, რომ „ვეშაპების“ სახით ჩვენ ძველისძველი წარმართული რელიგიის ღვთაებებთან უნდა გვქონდეს საქმე, რომლებიც ახალი რელიგიის მიღების შედეგად ხალხის წარმოდგენაში ბოროტ არსებებად ქცეულან (ცნობილია, რომ ქრისტიანობის ხანაში ასეთი ბედი ეწია წარმართობის დროინდელ ბევრ ღვთაებას). ამასთან დაკავშირებით უკანასკნელ ხანებში ყურადღება მიაქციეს იმას, რომ ხურიტებთან ჩვენ ვხვდებით მსგავსი სახელის მქონე ღვთაებას — ღმერთი ვიშაშაფ საერთო-ხურიტული პანთეონის ღმერთი იყო. ეს ღვთაება, რა თქმა უნდა, თაყვანცემული იქნებოდა ამიერ-კავკასიის ხურიტებს შორისაც; ვეშაპებზე ქართველთა და სომეხთა წარმოდგენის წყაროსაც შეიძლება სწორედ ამ უკანასკნელთა რელიგია წარმოადგენს.

* *
*

როგორც დავინახეთ, IX საუკუნის დასასრულსა და VIII საუკუნის პირველ ნახევარში, მეფეების — იშფუნის, მენუას, არგიშთი I-ისა და სარდური II-ის დროს ურარტუს მეფეთა ხელში მოექცა უზარმაზარი ტერიტორია. ურარტუს იმპერიის ტერიტორია ჩრდილოეთით დღევანდელი არზრუმის, ყარსის, ლენინაკანისა და სევანის ტბის რაიონებამდე აღწევდა, სამხრეთ-აღმოსავლეთით ურმიის ტბის სამხრეთით მდებარე რაიონებამდე, სამხრეთ-დასავლეთით კი, იგი ჩრდილოეთ მესოპოტამიისა და ჩრდილოეთ სირიის ბევრ რაიონს მოიცავდა.

რასაკვირველია, მთელი ეს ტერიტორია ერთნაირ დამოკიდებულებაში არ იყო ტუშფას მეფეების მიმართ, იმპერიის ყველაზე პრივილეგიურ ნაწილს სამეფოს ცენტრალური ნაწილი, ბიანი წარმოადგენდა, რომლის მოსახლეობაც იძლეოდა ურარტუს მეფეთა ლაშქრის ძირითად მასას. და სადაც მოედინებოდა დაპყრობილი ქვეყნების დოვლათი და ტყვეები. იყო, ალბათ, რაიონები, რომლებიც ბიანისავით პრივილეგიურ მდგომარეობაში არ იყვნენ, მაგრამ არც დამორჩილე-

ბულთა მდგომარეობაში იმყოფებოდნენ, ხარკს არ უხდიდნენ ტუშფას სამეფო კარს. იმპერიის დაპყრობილ-დამორჩილებულ ადგილებშიც იყო განსხვავება. ბევრი რაიონი, რომლის დაპყრობაზეც ლაპარაკობენ ურარტუს მეფეები (განსაკუთრებით სიშორისა თუ რელიეფის გამო ძნელად ხელმისაწვდომნი), შეიძლება მხოლოდ ურარტუს ლაშქრის რბევის ობიექტს წარმოადგენდა; ამ ადგილების მოსახლეობა ურარტელთა ლაშქრის მათი ქვეყნიდან წასვლის შემდეგ კვლავ ძველებურად დამოუკიდებელი რჩებოდა. მაგრამ ბევრი ადგილი (რომელსაც რჩებოდა ადგილობრივი მმართველი) მოხარკე ხდებოდა, ვასალურ დამოკიდებულებაში ექცეოდა ურარტუს მიმართ; დაბოლოს, სადაც კი ამას შეძლებდნენ ურარტუს მეფეები, ისინი დაპყრობილ ადგილებს ურარტულ პროვინციად აქცევდნენ (აუქმებდნენ ადგილობრივი მმართველის ხელისუფლებას, მმართველად სვამდნენ ურარტულ მოხელეს, აგებდნენ ციხე-სიმაგრეს, სადაც ურარტულ გარნიზონს სტოვებდნენ და სხვ.).

ყაჩაღური ექსპედიციებისა და დაპყრობილი ადგილების ექსპლოატაციის შედეგად ბიანიში დიდძალი დოვლათი მოედინებოდა, დიდი ოდენობით ტყვეები მოჰყავდათ. ასეთი ვითარების გამო ბიანი თანდათან სამხედრო-პარაზიტულ სახელმწიფოდ იქცა, რომელიც მეზობლების ძარცვითა და ექსპლოატაციით ცხოვრობდა. სახელმწიფოს სათავეში იდგა მეფედესპოტი, რომელიც სამხედრო და მოხელე არისტოკრატიის მრავალრიცხოვანი ფენით იყო გარშემორტყმული; ამათგან ურარტუს მეფე ნიშნავდა თავისი იმპერიის ცალკეული ნაწილების, პროვინციების, მმართველებს. მოგვიანო ხანებში, კერძოდ რუსა I-ის დროს (VIII ს. დასასრული ჩ. წ-მდე) ასეთ პროვინციის მმართველთა შორის აშკარად იჩენს თავს ცენტრალურ ხელისუფლებისაგან განცალკევების ტენდენცია, ადგილი აქვს მეფის წინააღმდეგ აჯანყებებს, რომელშიც ზოგჯერ ტუშფას სამხედრო არისტოკრატიაც იღებს მონაწილეობას.

ურარტუ-ბიანის ამ არისტოკრატიულ ზედაფენას გააჩნდა კერძო მფლობელობაში მყოფი მამულები. რაც შეეხება რიგით თავისუფლებს, მათი ძირითადი მასა, უეჭველია, ჯერ კიდევ

ძირითადად თემური მიწისმფლობელობის პირობებში ცხოვრობდა.

ქვეყანა მოფენილი იყო სამეფო-სახელმწიფო მამულებით. ასეთი მამულები, როგორც წესი, თითქმის ყოველ სამხედრო-ადმინისტრაციულ ცენტრთან ეწყობოდა. ამ სამეფო მეურნეობებისათვის ურარტუს მეფეები აგებდნენ უზარმაზარ საწყობებს—ბელესს, მარანს და სხვ. ურარტუს ტერიტორიაზე ასეთ უზარმაზარ საწყობებს მრავლად იხსენიებენ ასურული წყაროებიც. არქეოლოგიურმა გათხრებმაც ნათელჰყო ასეთ დიდ სახელმწიფო მეურნეობათა არსებობის ფაქტი. ამ დიდ სამეფო მეურნეობებში ძირითადად მონები მუშაობდნენ. ურარტუ — მონათმფლობელური სახელმწიფო იყო. მუდმივი ომები ბლომად იძლეოდა ტყვეებს. მონების მოპოვების ძირითად წყაროს სწორედ ომი წარმოადგენდა. მეფე ათასობით ასახლებდა ხოლმე ტყვეებს ამა თუ იმ ადგილას და მონებად იყენებდა სამეფო მამულებში ისევე, როგორც სხვა სამუშაოების შესასრულებლად. უმთავრესად მონური შრომით სრულდებოდა ის მონუმენტალური სამუშაოები (გრანდიოზული საარხო სისტემა, კლდეებში უზარმაზარი დარბაზები, სასახლეები, ტაძრები, ციხე-სიმაგრეები), რომელთა ჩვენამდე მოღწეული ნაშთები დღესაც მაყურებლის გაცეხას იწვევს. სამეფო-სახელმწიფოებრივი ხელისუფლების მხრით გარკვეულ ექსპლოატაციას განიცდიდნენ აგრეთვე სასოფლო თემებში გაერთიანებული რიგითი თავისუფლებიც. ისინიც, უეჭველია, მთელ რიგ ვალდებულებებს ასრულებდნენ სახელმწიფოს მიმართ (ირიგაცია, აღმშენებლობა, გადასახადები, სამხედრო ვალდებულება და სხვ.).

მონებს ფლობდნენ, რა თქმა უნდა, არა მარტო მეფეები. დიდი რაოდენობით ფლობდნენ მათ აგრეთვე სამხედრო არისტოკრატის წარმომადგენლები. ომი ნადავლისა და მონების მოპოვების წყარო იყო არა მარტო მეფისათვის, არამედ მოლაშქრეებისათვისაც. თავის წარწერებში ურარტუს მეფეები არა ერთხელ აღნიშნავენ, რომ ნადავლის ნაწილი მეფეს ხვდა, ნაწილი კი მეომრებმა წაიღეს. აღნიშნულია ხოლმე ისიც, რომ ტყვეთა გარკვეული ნაწილი მეფემ მეომრებს მიუძღვნა. ურარტუს მეფეთა საომარ ტექსტებში მოყვანილი უზარმაზარი რიც-

ხვები ტყვეებისა გვიჩვენებს, რომ მონათა რიცხვი ურარტუში საკმაოდ დიდი უნდა ყოფილიყო (არგისთი I-ის მატთანში იხსენიება რამდენიმე წლის განმავლობაში 250 ათასზე მეტი ტყვის ხელში ჩაგდება, სარდური II-ის მატთანში კი, აგრეთვე რამდენიმე წლის მანძილზე, 200 ათასამდე ტყვის ხელთგდება).

თემური მიწისმფლობელობის, სამეფო-სახელმწიფო მამულებისა და არისტოკრატიის კერძო მამულების გარდა ურარტუში იყო, აგრეთვე, დიდი სატაძრო მეურნეობები. ჩვენ ვიცით, ყოველ შემთხვევაში, თუ რა ზღაპრული სიმდიდრის მქონე იყო ხალხის ტაძარი ქალაქ მუსასირში. ვიცით ისიც, რომ ამ ტაძარს ურარტუს მეფეები ათასობით პირუტყვს და მრავალგვარ განძეულობას სწირავდნენ... რა თქმა უნდა, სატაძრო მამულები იყო ურარტუს კიდევ ბევრ სხვა პუნქტში.

5. ასურეთის ხელახალი გაძლიერება. ურარტუს მარცხი (ტიგლათფილესერ III-ისა და სარგონ II-ის ხანა)

745 წელს ჩ.-წ-მდე ასურეთის სამეფო ტახტზე ადის ტიგლათფილესერ III (745 — 727) — ასურეთის სახელმწიფოს ერთ-ერთი ყველაზე თვალსაჩინო ორგანიზატორი. ტახტზე მისი ასვლის ეამს ასურეთის მდგომარეობა ვერ იყო სახარბიელო. ურარტუს მოძალებით მას დაკარგული ჰქონდა მთელი თავისი ჩრდილოეთის სამფლობელოები და ბევრი სხვა ოლქიც ჩამოშორდა. ტიგლათფილესერ III გაატარა მთელი რიგი რეფორმებისა, განსაკუთრებით სამხედრო ორგანიზაციის სფეროში. ლაშქრის ტექნიკური ორგანიზაციის გაუქმობისასთან ერთად, მან მოახდინა საერთოდ არმიის რეორგანიზაცია. სახალხო ლაშქრის გვერდით, სადაც გამოდიოდა საკუთარი შეიარაღებით ყველა ასურელი მამაკაცი, მან შექმნა რამდენიმე ათი ათასიანი მუდმივი ჯარი და მასში გზა გაუხსნა გალატაკებულ გლეხობასაც, რომელსაც საკუთარი ხარჯით არ შეეძლო შეიარაღება — ტიგლათფილესერ III-ემ ისინი სახელმწიფოს ხარჯზე შეიარაღა.

ტიგლათფილესერ III-ის მიერ გატარებული ამგვარი რეფორმების წყალობით ასურეთის სახელმწიფოს ძლიერება მნიშვნელოვნად განმტკიცდა, მას საშუალება მიეცა კვლავ ძველ-

ბურ დაპყრობათა გზას დადგომოდა. ასურელებმა ყოველი მხრით მნიშვნელოვან წარმატებებს მიაღწიეს, დაიპყრეს სირია, დაიმორჩილეს ბაბილონეთი...

განახლდა ასურელთა ლაშქრობები ნაირის მხარეშიც. ასურელ წყაროებში ჩნდება ცნობები ასურელების წარმატებულ ლაშქრობების შესახებ ჩრდილო-აღმოსავლეთით, ურმიის ტბის რაიონში. ტიგლათფილესერ III-ის მეფობის დასაწყისიდანვე ადგილი ჰქონდა შეტაკებებს, აგრეთვე, ურარტუსთან, სადაც ამ დროს სარდური II (760 — 730) მეფობდა.

უკვე მეფობის მე-3 წელს ტიგლათფილესერმა გაილაშქრა სირიაში და იქ გამარჯვება მოიპოვა ურარტუს ლაშქარზე. ამ დროს ურარტელებს ჩრდილოეთ სირიაში მტკიცედ ჰქონდათ ფეხი მოკიდებული. სარდურმა ჩრდილოეთ სირიის მსხვილი ერთეულების მონაწილეობით შექმნა დიდი კოალიცია ასურეთის წინააღმდეგ, რომელშიც შედიოდნენ: აგუსის ქვეყნის მმართველი. მატრილუ, მელიდის (მალატიის) მეფე სულამალი, გურგუმის მმართველი თარხულარა და კუმუხის მეფე კუმტაში. ამ დიდ კოალიციასთან ტიგლათფილესერ III-ეს 735 წელს მოუხდა შეტაკება. ბრძოლა კვლავ ჩრდილოეთ სირიაში მოხდა. ასურელებმა გაიმარჯვეს, ურარტუს მეფე კი თავისი ლაშქრის ნარჩენებით სასწრაფოდ თავისი ქვეყნის შუაგულსაკენ გაემართა და დედაქალაქ ტუშფას ციტადელში ჩაიკეტა. ტიგლათფილესერის ლაშქარი შეიჭრა ურარტუში, მიაღწა ტუშფას და ალყა შემოარტყა. ასურელებმა დაარბიეს ციტადელთან გაშენებული ქალაქი, მაგრამ თვით ციტადელის აღება ვერ მოახერხეს. ტიგლათფილესერმა ქალაქის კარიბჭის პირისპირ თავისი გამოსახულება დაადგმევინა და დაბრუნდა ასურეთში. ტიგლათფილესერ III იკვებნის, რომ ურარტუს ბევრი ოლქი მან ასურეთის ტერიტორიას შეუერთა.


ტიგლათფილესერ III-ის ამ სამხედრო წარმატებებით ურარტუს ძლიერებამ საგრძნობი დარტყმა განიცადა. ურარტუმ დაჰკარგა ზოგი პერიფერიული რაიონი, გამოიდეგნა ჩრდილოეთ მესოპოტამიისა და ჩრდილოეთ სირიიდან. მერყევი გახდა მისი პოზიციები ურმიისპირა რაიონშიც (მანა, მუსასირი). სახელმწიფო ცენტრალიზაციის საქმესაც ამით დიდად ევნო:

ურარტუს ცალკეული ოლქების მმართველებმა (არა მარტო დამორჩილებული ქვეყნების ვასალურ დამოკიდებულებაში ჩაყენებულმა ხელისუფლებმა, არამედ ურარტუს მეფეთა მიერ პროვინციათა მმართველებად დაყენებულმა ურარტელმა სარდლებმა) ცენტრალურ ხელისუფლების წინააღმდეგ დაიწყეს ბრძოლა, რათა მისი ხელქვეითობიდან გამოსულიყვნენ.

ასურეთი კიდევ უფრო გაძლიერდა სარგონ II-ის (722 — 705) მეფობაში, რომლის დროსაც ბრძოლა ასურეთსა და ურარტუს შორის უფრო გამწვავდა. სარგონის ეპოქაში ასურეთისა და ურარტუს ინტერესთა დაპირისპირების უმთავრეს ასპარეზს წარმოადგენდა ურმიის ტბის რაიონი, ბრძოლა მათ შორის ძირითადად ამ რაიონის ფონზე გაიმალა.

აქ, ურმიის ტბის სამხრეთითა და აღმოსავლეთით მდებარე ტერიტორიაზე, როგორც ვიცით, იყო მანაელ ტომთა მსხვილი გაერთიანება — მანას სამეფო. მისი დედაქალაქი იყო ქალაქი იზირთა, ამ გაერთიანებას ქალაქ იზირთას მმართველები ედგნენ სათავეში. ჩვენ უკვე ვიცნობთ, თუ როგორი იყო დამოკიდებულება მანასა და ურარტუს შორის IX ს. დასასრულსა და VIII ს-ის პირველ ნახევარში, ურარტუს ძლევამოსილების ხანაში. ავ დროს მანას უმთავრეს მოწინააღმდეგეს ურარტუ წარმოადგენდა. ურარტუსთან ბრძოლების შედეგად მანას სამეფომ დაჰკარგა ბევრი თავისი რაიონი, რომელიც ურარტელთა მფლობელობაში გადავიდა. ასე მაგალითად: ასურეთის მეფე სარგონი ამბობს, რომ მანას ერთ-ერთი ოლქი უიშდიში (ურმიის ტბის აღმოსავლეთით) ურარტუს შეფემ ურსამ (რუსა I) მიიტაცაო. უფრო ჩრდილოეთით, ურმიის ტბის ჩრდილო-აღმოსავლეთით მდებარე მანაური სუბის ოლქი კიდევ უფრო ადრე მიუტაციათ ურარტუს მეფეებს.

მაგრამ მანასა და ურარტუს შორის თითქმის მთელი საუკუნის განმავლობაში მიმდინარე ამ სასტიკ ბრძოლებს მანას მხრით მარტო ამა თუ იმ ტერიტორიის დაკარგვა როდი მოჰყვა შედეგად, არამედ იზირთას ჰეგემონობით ჩამოყალიბებულმა მანაელ ტომთა გაერთიანებამ შლა იწყო.



ფ ასურეთის ჯარის მიერ მანაელთა ციხე-სიმაგრის აღება 716 წ. (გამოსახულება სარგონ II-ის სასახლის რელიეფზე).

ურარტუსთან ბრძოლაში განცდილმა მარცხებმა საფუძვლიანად შეარყია აქ იზირთას ერთეულის, როგორც მანაელ ტომთა გაერთიანების ჰეგემონის, პოზიციები. ბრძოლა ჰეგემონობისათვის აქ უფრო და უფრო მწვავედებოდა. იზირთას მეფეთაგან ჩამოშორებას იწყებდა გაერთიანების ბევრი მსხვილი ერთეული (ეტყობა, იმ დროსაც, როდესაც გაერთიანების შიგნით იზირთას ხელმძღვანელი პოზიციები ჯერ კიდევ მტკიცე იყო, ეს გაერთიანება არ წარმოადგენდა ეკონომიურად და პოლიტიკურად მჭიდროდ შეკავშირებულ ორგანიზმს, რამაც, რასაკვირველია ხელი შეუწყო სწრაფ დაშლას). სარგონ II-ის (722 — 705) დროის წყაროებიდან ჩვენ ვიგებთ, რომ მანას გაერთიანების დაშლის პროცესი უკვე ძალზე შორს წასულა: მანა, ე. ი. ტერიტორია, რომელიც ისევ იზირთას მეფეების მფლობელობაში იმყოფება, ამ ხანაში ყოველი მხრიდან გარშემორტყმული ჩანს მტრულად განწყობილი პოლიტიკური ერთეულებით. მანას ჩრდილოეთით (ურმიის ტბის აღმოსავლეთით) ჩვენ ვხედავთ უიშდიშის ქვეყანას, რომლის მმართველი ბაგდათიც 716 წელს აქტიურად მონაწილეობდა მანას მეფის აზას დამარცხებასა და მოკვლაში. ამავე ამბებში მონაწილეობდა მანას სხვა მეზობელი — მისიანდუს მმართველიც. მანას სამხრეთით იყო ბით-დაიუქის ქვეყანა, რომლის მმართველმა დაიუქუმ 715 წელს ურარტუს მეფის ხელისშეწყობით მიითვისა მანას გარკვეული ტერიტორია (22 ციხე-ქალაქი). მანას აღმოსავლეთით იმყოფებოდნენ ზიქირთუსა და ანდიას ქვეყნები, რომლებიც სარგონის ხანაში, როგორც წყაროებიდან ჩანს, მანას სამეფოს ყველაზე დაუძინებელ მტრებად ითვლებოდნენ. მანას შემაწუხებელი ყველა ამ ერთეულის (კერძოდ ზიქირთუს, უიშდიშის, მისიანდუს, ბით-დაიუქის) მმართველები სარგონის წარწერებში მოიხსენებიან, როგორც მათი ბატონის — მანას-მეფის წინააღმდეგ მემამბოხენი, მისი ურჩი მსახურნი; მანას მეფე აზაზე გამარჯვებულ ზიქირთუს, უიშდიშისა და მისიანდუს მმართველებს სარგონი ეძახის „მანას (მეფის) დიდ ნაცვლებს“ (ე. ი. მანას მეფის მოხელეებად განიხილავს); ბით-დაიუქის მმართველი დაიუქუც, სარგონის თქმით, „მანას (მეფის) ნაცვალია“. ზიქირთუს მეფის მითათის

მისამართით კი (რომელიც, როგორც წარწერებიდან ჩანს, უფრო ძლიერი ხელისუფალი იყო, ვიდრე მანას მეფე) სარგონი ამბობს, რომ იგი განუდგაო მანას მეფეს ულუსუნუს, თავის ბატონს, უარჰყო მისი სამსახურიო; უიშდიშის ქვეყნის მიმართ კიდევ სარგონი ამბობს, რომ ეს მანაა ოლქია, რომელიც ურარტუს მეფე რუსამ მიიტაცაო და სხვ. რასაკვირველია, სარგონი ყველა ამ შემთხვევაში მის მფარველობაში მყოფ მანას სამეფო სახლის პრეტენზიებს იმეორებს. ეს პრეტენზიები კი, ალბათ, იმ დროის გამოძახილია, როდესაც იზირთას მეფეთა ჰეგემონობით არსებული მანაელ ტომთა გაერთიანება შეიცავდა ყველა ამ, ახლა უკვე მანას მეფეთაგან დამოუკიდებლად ქვეულ, მსხვილ ერთეულს.

მანას გაერთიანების შიგნით მიმდინარე ეს ბრძოლა მკიდროდ იყო გადანასკვეული უცხო სახელმწიფოების, ასურეთისა და ურარტუს ბრძოლასთან მანას რაიონში ჰეგემონობისათვის. თავისი ძლიერების ხანაში, როდესაც ურარტუ გაშუღმებულ და წარმატებით ომებს აწარმოებდა მანას სამეფოსთან, ურარტუს მეფეები ყოველნაირად აქეზებდნენ პარტიკულარისტულ, ცენტრისაგან ჩამოშორების ტენდენციებს მანას გაერთიანების წევრთა შორის. ამიტომაც, ბოლოს და ბოლოს იზირთას სამეფო სახლისაგან გამდგარი მანას გაერთიანების ყველა მსხვილი წევრი ურარტუს მეფეთა მფარველობაში მოექცა. სარგონის ეპოქაში ყველა ეს ზიქირაჟუ, უიშდიში, ბითდაიუქი, მისიანდუ და სხვანი მუდამ ურარტუს მხარდაჭერით სარგებლობდნენ. ასეთ ვითარებაში მანას სამეფო სახლი გარკვეულად იღებს ორიენტაციას ასურეთის მხარდაჭერაზე, მით უმეტეს, რომ VIII საუკუნის შუახანებიდან, როდესაც ასურეთის სამეფო ტახტზე ავიდა ტიგლათფილესერ III, ასეთი ორიენტაცია ასურეთზე უკვე პერსპექტივის მქონედ მოჩანდა. ტიგლათფილესერ III-ის (745 — 727) ზეგობიდან, როგორც ვთქვით, ასურეთსა და ურარტუს შორის წარმოებულ ბრძოლაში გამარჯვების სასწორი უფროდაუფრო ასურეთის მხარეს გადაიხარა. ეტყობა, ტიგლათფილესერ III-ის დროსვე მანას მეფეები ასურეთის მეფეებს თავის სიუზერენებად სცნობ-

ენ, რაკი უკვე სარგონ II-ის (722 — 705) მეფობის დასაწყისში მანას მეფე ირანზე ასურელთა ვასალი მოჩანს.

სარგონის დროს ასურეთისა და ურარტუს მეტოქეობის უმთავრეს ასპარეზს, როგორც ვთქვით, მანას სამეფოს რაიონი წარმოადგენდა. ამ ბრძოლაში აქტიურად მონაწილეობდნენ ადგილობრივი ძალებიც: მანას სამეფო სახლი ასურეთის მხარეზე იყო, მანასაგან გამდგარი „ქვეყნები“ კი (მათ შორის ყველაზე მნიშვნელოვანს ზიქირთუ და ანდია წარმოადგენდა) ურარტუს მხარეზე იმყოფებოდნენ. ბრძოლა ცვალებადი უპირატესობით მიმდინარეობდა. ერთხანს „ურარტული პარტია“ დიდ წარმატებას აღწევს: ურარტუს მეფის წაქეზებით (ეტყობა, ურარტელთა მონაწილეობა ამ ამბებში ამით ამოიწურა და ისინი მომხდარ შეტაკებაში უშუალოდ არ მონაწილეობდნენ), უიშდიშის, ზიქირთუს და მისიანდუს მმართველები აუჯანყდნენ ასურეთის ვასალს, მანას მეფეს აზას, დაამარცხეს და მოკლეს იგი. მანას სამეფო ტახტზე მათ დასვეს მოკლული მეფის ძმა ულუსუნუ, რომელიც აიძულეს ურარტუს მეფის ერთგულების ფიცი დაედო. ეს ნიშნავდა არა მარტო ასურეთის ერთგული მანას ლიკვიდაციას, არამედ ამავე დროს მოასწავებდა იმასაც, რომ თვით მანას ძველი გაერთიანების რაიონში იზირთას მმართველები ჰკარგავდნენ ჰეგემონობას. ასეთი ჰეგემონობა, რასაკვირველია, გადავიდოდა ურარტუს ძველი მოკავშირეების, კერძოდ ზიქირთუს ძლიერი ერთეულის ხელში. ყველაფერი ეს, ეტყობა, კარგად ესმოდა მანას მეფეს ულუსუნუს და მალე იგი, როგორც კი ამის შემთხვევა მიეცა, დაუბრუნდა თავისი წინაპრების პოლიტიკას — ასურულ ორიენტაციას.

მანას რაიონში ურარტუს მეფეთა პოზიციები, როგორც ვხედავთ, იმდენად ძლიერი იყო, რომ ხშირად აქ ურარტელთა სამხედრო ძალის უშუალო ჩარევის გარეშეც წარმატებით კეთდებოდა ურარტუს საქმე. ეს არ ითქმის ასურეთის მიმართ, რომლის მფარველობაში მყოფი მანას სამეფო სახლი თავისი საკუთარი ძალებით ზოგჯერ უძლური იყო გამკლავებოდა რამდენიმე აჯანყებულ ქალაქსაც კი, რომელთაც მხარს უჭერდა ზიქირთუს ლაშქარი. ურმიისპირა რაიონში ასურელთა

პოზიციების დასაცავად სარგონს სისტემატურად უხდება მანაში ლაშქრობათა მოწყობა. ასეთ ექსპედიციებს აღგილი ჰქონდა, კერძოდ, 719, 716, 715 და 714 წლებში. განსაკუთრებით საბედისწერო ურარტუსათვის იყო მანა-ურარტუს ტერიტორიაზე სარგონ II-ის 714 წლის ლაშქრობა. ამ ლაშქრობის დროს განცდილ მძიმე დამარცხებათა შედეგად ურარტუმ ველარ შესძლო თავისი ძველი ძლიერების აღდგენა და მეორეხარისხოვან სახელმწიფოდ იქცა. რადგან სარგონის ამ ლაშქრობას ასეთი დიდი მნიშვნელობა ჰქონდა, ჩვენ მასზე უფრო დაწვრილებით შევჩერდებით.

714 წლის გაზაფხულის დასაწყისში სარგონის ლაშქარი სახედრებისა და აქლემების დიდი ქარავნით გაემართა სალაშქროდ ქალაქ კალხუდან ჩრდილოეთით, ურმიის ტბის მიმართულებით. მანას მეფემ ულუსუნუმ როგორც კი შეიტყო სარგონის ლაშქრის მიახლოების ამბავი თავისი დიდებულებით, უხუცესებით, მრჩევლებით (ყველა ისინი მისი გვარის წევრები ყოფილან) და აგრეთვე მრავალი მოხელითურთ გამოვიდა თავის დედაქალაქ იზირთადან, რათა სარგონს დახვედროდა. ქალაქ სინიხინისთან, მანას ერთ-ერთ სასაზღვრო ციხე-ქალაქთან, მანას მეფე მთელი თავისი ამალით გამოცხადდა ასურეთის მეფის წინაშე და მდიდარი ძღვენი მიართვა (ცხენები, ხარები, წვრილფეხა საქონელი).

სარგონის ლაშქარმა განაგრძო მოქმედება მანას საზღვრების რაიონში, ურმიის ტბის სამხრეთით მდებარე ტერიტორიაზე: ჯერ ალაბრიას ტერიტორიაზე გაიარა, შემდეგ ფარსუას ქვეყანაში გადავიდა. აქ სარგონმა ხარკი აიღო მანას მეზობლებისაგან: ალაბრიას მეფისაგან, ნამრის, სანგიბუთუს, ბით-აბდადანის, ელიფის და მიდიელთა ქვეყნის მმართველებისაგან (ცხენები, ჯორები, ხარები და წვრილფეხა საქონელი).

ამის შემდეგ სარგონის ლაშქარი კვლავ მანას ტერიტორიაზე გადავიდა, შევიდა მანას ქვეყნის ერთ-ერთ ოლქ „მისი“-ში. ულუსუნუ ამ ოლქის ერთ-ერთ ციხე სიმაგრეში სირდაქაში შეცდიდა სარგონის ლაშქარს, აგროვებდა აქ ასურელთა ლაშქრისათვის საჭირო სურსათს. სარგონს მან თავისი უფროსი ვაჟიშვილი მისცა მძევლად მდიდარი ძღვენით, ამასთანავე

სპეციალური წარწერა გააკეთებინა თავისი ძისათვის მემკვიდრეობის უზრუნველსაყოფად (მანას სამეფოში ჩვენ სასტიკ ბრძოლებსა ვხედავთ ტახტის გარშემო; ასურეთში მძევლად მყოფი უფლისწულისათვის ტახტის წართმევა, ალბათ, განსაკუთრებით აღვილი იქნებოდა, რაც აიძულებდა ულუსუნუს დროულად ეზრუნა თავისი შვილისათვის მემკვიდრეობის შენარჩუნებაზე). აქვე ულუსუნუმ სარგონს დიდი ხარკი მიართვა: ცხენები, მსხვილფეხა და წვრილფეხა პირუტყვი. ჯარისათვის კი ულუსუნუმ მას დაახვედრა უამრავი ფქვილი და ღვინო. ულუსუნუ და მისი დიდებულები, მიწაზე განრთხმულნი, ევედრებოდნენ მას, რომ დაეცვა ისინი ურარტელთა თარეშისაგან. სარგონმა მათ საზეიმო პირობა მისცა, რათა გააცამტყერებდა ურარტუს, ალაღგენდა მათ (მანას ქვეყნის) საზღვრებს, მშვიდობას დაუბრუნებდა მანაელთა საბრალო ხალხს. აქ, მანას ქალაქ სირდაქაში, სარგონმა დიდი ნადიმი მოაწყო, რომელშიც ასურელთა გვერდით მანაელი დიდებულებიც მონაწილეობდნენ.

სირდაქადან წასული სარგონის ლაშქარი დიდხანს მიემართებოდა მანაელთა სასაზღვრო ზონით ბით-ქაბსისა და მიდიელთა ქვეყნების გასწვრივ და მიაღგა მანას დიდ ციხე-სიმაგრეს, ფანზიშს, რომელიც მანას აღმოსავლეთით მდებარე ზიქირთუსა და ანდიას ქვეყნების წინააღმდეგ იყო აღმართული. აქედან სარგონი შევიდა ზიქირთუს ერთ-ერთ პერიფერიულ ოლქ აუქანეში. ზიქირთუს ცნობილმა მეფე მითათიმ, „ურარტული პარტიის“ ყველაზე თვალსაჩინო წარმომადგენელმა, დასტოვა თავისი დედაქალაქი ფარდა, აპყარა და მთებში გახიზნა თავისი ქვეყნის ხალხი; ცხენები და მეომრები კი, სასწრაფოდ გაგზავნა ურარტუს მეფის რუსას დასახმარებლად. სარგონმა დაარბია მისი ქვეყანა: აქ იგი დაეუფლა 12 ციხე-ქალაქს მათ გარშემო მდებარე 84 სხვა ქალაქთან ერთად, დაანგრია მათი გალავანი, ცეცხლი წაუკიდა სახლებს და სხვ. ზიქირთუს ამ ოლქ აუქანედან სარგონი გადავიდა მანას ოლქ უიშდიშში, რომელიც რუსა მეფეს მიუტაცნია მანასაგან (ახლა უკვე სარგონის ლაშქარი ურმიის ტბის აღმოსავლეთით მოქმედებდა). აქ, უიშდიშის ქვეყანაში, უაუშის მთაზე (დღევ.

სოხენდი) მოხდა გენერალური შეტაკება სარგონის ლაშქრისა ურარტუს მეფე რუსასა და მისი მოკავშირეების (ზიქირთუს მეფე მითათის და სხვათა) ლაშქართან. ასურელებმა გადამწყვეტ გამარჯვებას მიაღწიეს. რუსა მეფემ გაქცევით უშველა თავს. სარგონის წარწერა ძალზე დიდ მნიშვნელობას აძლევს ამ გამარჯვებას: ნათქვამია, რომ ამით განთავისუფლდაო მანას ხალხი, ფეხი აეკვეთაო მტრებს (ურარტუს, ზიქირთუს, ანდიას) მათი ქვეყნიდან და სხვ.

უიშლიშის ოლქში სარგონი დაეუფლა ხორბლეულის მრავალ დიდ ბელელს. საერთოდ, ურმიის ტბის აღმოსავლეთით მდებარე ტერიტორია სარგონის ამ ტექსტის მიხედვით მდიდარ სამიწათმოქმედო რაიონს წარმოადგენდა.

უიშლიშიდან წასული სარგონი მიაღგება ურარტუს საზღვარზე მდებარე დიდ ციხე-სიმაგრე უშკაიას. ეს უკანასკნელი, როგორც ფიქრობენ, დღევანდელ ქალაქ თავრიზის რაიონში (სპარსეთში) უნდა ყოფილიყო. ასურელები ახლასუბის ოლქში იმყოფებოდნენ, რომელსაც, სარგონის თქმით, ურარტელები, აგრეთვე მანას ეძახდნენ (ალბათ იმის გამო, რომ ამ ადგილების მოსახლეობაც ეთნიკურად მანაური იყო, თუმცა იგი შეიძლება არც ემორჩილებოდა ოდესმე მანას მეფეებს). ეს ტერიტორია (საქმე ეხება ურმიის ტბის ჩრდილო-აღმოსავლეთით მდებარე მიწებს) აღიიდანვე ურარტუს სამეფოს ფარგლებში მოქცეული ჩანს.

სუბის მოსახლეობა მთელ ურარტუში განთქმული ყოფილა ცხენების მოშენებით. აქედან მიჰყავდათ თურმე ცხენები ურარტუს მეფის ჯარისათვის. აქაურობის დარბევის შემდეგ სარგონი ურარტუს სხვა ოლქში, ბარის ოლქში გადავიდა, რომელსაც აგრეთვე სანგიბუთუს ეძახდნენ (ესაა ურმიის ტბის ჩრდილოეთით მდებარე ტერიტორია). აქ სარგონი ჯერ მოქმედებდა გამაგრებული ქალაქების თარუისა და თარმაკისას რაიონში, მერე კი ქალაქ ულხუს რაიონში. ეს უკანასკნელი დღევანდელი მარანდის რაიონში უნდა ყოფილიყო. სარგონის ტექსტი ვრცელად აგვიწერს, თუ როგორ გადაუქცევია ურარტუს მეფე რუსას ეს უწყლო და ხრიოკი ადგილი მშვენიერ წალკოტად: გაუყვანია არხები, გაუშენებია

ბაღები, გაჩენილა მშვენიერი საძოვრები პირუტყვისათვის და სხვ. ულხუდან წასული სარგონი სანგიბუთუს კიდევ სხვა ციხე-ქალაქების რაიონში მოქმედებდა, სადაც იგი დიდძალ მარცვლეულს დაეფულა.

სანგიბუთუდან სარგონის ლაშქარმა აღმოსავლეთისაკენ გაუხვია და ურარტუს ცენტრალურ რაიონებში შეიჭრა. ასურელებმა გვერდი აუარეს დედაქალაქ ტუშშუას (ეტყობა, ჯერ კიდევ ახსოვდათ 735 წელს ტუშშუას უშედეგო გარემოცვა). სარგონის ლაშქარმა გაიარა ვანის ტბის სამხრეთ სანაპიროზე გადაჭიმული აიაღის ოლქი, შემდეგ კი, სამხრეთისაკენ იბრუნა პირი და სამშობლოსაკენ გაენაჩთა. თვითონ სარგონმა დაიტოვა ათასკაციანი რაზმი და გადასწყვიტა მუსასირზე გალაშქრება.

სარგონი ვრცლად აგვიწერეს, თუ რა ძნელი გზის გაელა დასკირდა მას იმისათვის, რომ მუსასირისათვის მიეღწია. სარგონის ლაშქარმა გადაიარა მდ. ზედა ზაბი, რომელსაც ამ რაიონში მცხოვრები ნაირის (ე. ი. ხუბუშქიას) და ხაბხის ხალხი თურქე ელამუნისა ეძახდა და მრავალი დიდი მთის გადალახვის შემდეგ მიაღწია ქალაქ მუსასირს (დღევანდელ ქალაქ როვანდუზის რაიონში). მუსასირის მეფე ურზანას არ უტდია თავისი ქალაქის დაცვა, მან გაქცევით უშველა თავს და თავისი დედაქალაქი სარგოხს მიუტოვა დასარბევად. სარგონმა აქ ხელთ იგდო, სხვათა შორის, ურზანას ცოლ-შვილი, ათასობით მცხოვრები, აგრეთვე, დიდი ოდენობით პირუტყვი (ჯორები, სახედრები, მსხვილფეხა და წვრილფეხა რქოსანი პირუტყვი) და სხვ. ასურელებმა ძირფესვიანად გაძარცვეს ურზანას სასახლე, სადაც მათ ზღაპრული სიმდიდრე ჩაუვარდათ ხელში: დაახლოებით 1040 კილოგრამი ოქრო, 5061 კილოგრამი ვერცხლი, ხელთ იგდეს დიდი ოდენობით აგრეთვე სპილენძი, ტყვია და ძვირფასი ქვები. აქვე ასურელებმა გაძარცვეს ურარტუს უზენაესი ღვთაება ხალდის ცენტრალური ტაძარი, სადაც ასურელებს აგრეთვე დიდძალი სიმდიდრე ჩაუვარდათ ხელში: დიდი ოდენობით ოქრო, დაახლოებით 4918 კილოგრამი ვერცხლი, 109 080 კილოგრამი სპილენძი. ასურელებს აქ ხელში ჩაუვარდათ სხვათა შორის 6 ოქროს ფარი,

12 ვერცხლის ფარი, რომლებიც მოსართავის სახით ჩამოკიდებული ყოფილა ტაძრის კედლებზე. აქვე ხელთ იგდეს ასურული, ურარტული და ხაბზური ბრინჯაოს სხვადასხვა ნაწარმი. ხალდის ტაძარში მდგარა ურარტუს მეფეებისა თუ ურარტუს სამეფო სახლის სხვა წარმომადგენლების (იშფუინის ვაჟის სარდურის, არგიშთი და რუსა მეფეების) ბრინჯაოს უზარმაზარი ქანდაკებები და კიდევ სხვა დიდი ქანდაკებები. ამავე ტაძრიდან ასურელებმა წაიღეს ურარტუს უზენაესი ღვთაება ხალდისა და „მისი მეუღლის“, მუსასირის უზენაეს ქალღმერთის ბაგმაშთუს ქანდაკებები. ეს ღვთაებათა დატყვევებას ნიშნავდა.

* * *

სარგონის ამ გრანდიოზული ლაშქრობის შედეგები ძალზე დიდი მნიშვნელობისა იყო. სარგონის ლაშქარმა ცეცხლითა და მახვილით გადაიარა ურარტუს ტერიტორიაზე; სარგონი იკვებნის, რომ მან დაარბია ურარტელ ურსას (ასე ეძახდნენ ასურელები რუსას) ქვეყანა, დაიპყრო მისი 7 ოლქი და 430 ქალაქი. სარგონის ამ ლაშქრობამ ურარტუს ძლიერებას სერიოზული ლახვარი ჩასცა. გარეშე მტრებთან დამარცხებებმა ხელ-ფეხი აუხსნეს იმპერიის შიგნით ცენტრალური ხელისუფლების წინააღმდეგ მიმართულ ძალებს: ურარტუს სამეფო შინაურმა არეულობამ მოიცვა. რუსას აუჯანყდნენ ურარტუს პროვინციათა გამგებლები. აჯანყებას სათავეში ჩაუდგა ურარტელთა ტურტანი (მთავარსარდალი) კაკადანუ და აჯანყებულებებს ურარტელთა ლაშქრის ნაწილიც მიემხრო. აჯანყებამ იფეთქა ოვით დედაქალაქ ტუშფაშიც, მაგრამ ურარტუს მეფემ მაინც მოახერხა ამ ამბოხებათა ჩაქრობა.

ამასობაში ურარტუს სხვა მხრითაც უჩნდება სერიოზული მოწინააღმდეგე. VIII საუკუნის დასასრულს ურარტუს საზღვრებზე გამოჩნდნენ ჩრდილოეთ-კავკასიის ველებიდან ამიერკავკასიის გამოვლით წინა აზიაში შემოსეული კიმერიელების ტალები. ურარტელებს კიმერიელებთან შეტაკება მოუხდათ უკვე რუსა მეფის დროს. ეს შეტაკება ურარტელების დამარცხებით დასრულებულა: როდესაც ურარტუს მეფეს გაულაშ-

ქრია კიმერიელთა წინააღმდეგ, რომლებიც ამ დროს ურარტუს ჩრდილო-დასავლეთ პერიფერიასზე ჩანან, ურარტუს ლაშქარს სასტიკი მარცხი განუცდია — ლაშქრის დიდი ნაწილი კიმერიელებს გაუქლევტიათ, რამდენიმე სარდალი მოუკლავთ, ხოლო ურარტუს მეფეს გაქცევით გადაურჩენია თავი.

სარგონის დროს ასურელებთან ბრძოლაში განცდილი მარცხების შედეგად ურარტუმ საბოლოოდ დაჰკარგა თავისი ძლიერების ხანაში, მენუა-არგიშთი-სარდურის ეპოქაში, მოპოვებული რიგი ტერიტორიებისა, კერძოდ, ურარტუ განდევნილ იქნა ჩრდილოეთ მესოპოტამიისა და ჩრდილოეთ სირიის მთელი რიგი რაიონებიდან, განდევნილ იქნა იგი აგრეთვე ურმიისპირა რაიონიდან, სადაც ერთ დროს ურარტელებს მტკიცედ ჰქონდათ ფეხი მოკიდებული.

ასურეთის იმპერიის შემადგენელ ნაწილად ხდება ამის შემდეგ აქამდე ურარტუს იმპერიის ერთ-ერთი უმნიშვნელოვანესი ცენტრი — მუსასირი. თავის მე-8 (714 წლის) ლაშქრობის აღწერაში, მუსასირის დარბევის აღწერის დასასრულს სარგონი ამბობს: „მუსასირის ოლქის მოსახლეობა ასურელებს მივათვალე, სანხედრო და სააღმშენებლო ვალდებულება, ასურელთა მსგავსად, დავაკისრე მე მათ“. ეტყობა, დაპყრობილი მუსასირი ასურეთის ერთ-ერთ რაიონად აქციეს, ხოლო მისა მოსახლეობა კი, ასურელებს გაუთანაბრეს. ყველა დაპყრობილი ქვეყნის მიმართ ასეთი რამის ჩადენა, ცხადია, არ შეიძლებოდა. ეტყობა, მუსასირში ამის საფუძველი არსებობდა: კერძოდ, როგორც აღვნიშნეთ, მუსასირში სავარაუდებელია ასურული ენისა, რელიგიისა და კულტურის ფართო გავრცელება, ასურეთის მოსახლდრე რაიონებთან მჭიდრო ეკონომიური, სააღმშენებლო ურთიერთობის არსებობა და სხვ.

714 წლის ომის შემდეგ ურარტუს მეფეებს, როგორც ჩანს, ხელი აღარ მიუწვდებოდათ მუსასირზე. მუსასირი ასურეთის მეფეთა იმპერიის ერთ-ერთ შემადგენელ ნაწილად იქცა. ერთ ასურულ ძეგლში, რომელიც 714 წლის ომის შემდგომ ზანას უნდა ეკუთვნოდეს, იხსენიება ვინმე „ანალუქუნუ, ქალაქ მუსასირის მმართველი“. აქ მუსასირის ასურელ მმართველზე უნდა იყოს ლაპარაკი: თვითონ სარგონიც თავის

ანალებში, როდესაც ამთავრებს 714 წლის ექსპედიციის დროს მუსასირის დარბევის ამბის გადმოცემას, ამბობს, რომ დაპყრობილი ტერიტორია (აქ, პირველ ყოვლისა, სწორედ მუსასირის სამთავროს ტერიტორია იგულისხმება) ასურეთის ქვეყანას მივუმატე და ერთ-ერთ ასურელ მოხელეს ჩავაბარე სამართავადო. მაღე მუსასირის ტერიტორიაზე, ეტყობა, ცალკე საგამგებლო ოლქი შეიქმნა, რომლის მმართველი უნდა ყოფილიყო ზემოხსენებული „ანალეუენუ, ქალაქ მუსასირის მმართველი“.

ასურეთის მეფეთა საისტორიო წარწერებში მუსასირი სარგონის შემდეგაც იხსენიება. მას ეხვდებით, მაგალითად, ასარქადონ მეფის (681 — 668) ერთ-ერთ წარწერაში. ტექსტი ძალზე დაზიანებულია, თუმცა ჩანს, რომ აქ ლაპარაკია ასარქადონის აღმშენებლობათა შესახებ. „მუსასირი“ აქ მოხვდა, ალბათ, როგორც ასურეთის მეფეთა იმპერიის ერთ-ერთი შემადგენელი ნაწილი, რომელმაც გარკვეული მონაწილეობა მიიღო წარწერაში მოთხრობილ აღმშენებლობაში. ამრიგად, მუსასირი, რომელიც სარგონ II-ის ხანაში ურარტუს შემადგენელ ნაწილს წარმოადგენდა, ამის შემდეგ ასურეთის შემადგენელ ნაწილად იქცა.

სარგონ II-ის 714 წლის ლაშქრობას მნიშვნელოვანი შედეგები მოჰყვა აგრეთვე მანასათვისაც. ამ ლაშქრობის შედეგად, როგორც ვთქვით, ურარტუ წელში იქნა გატეხილი, რითაც მანას მეტად საშიში მეზობელი ჩამოსცილდა. სარგონის სამხედრო წარმატებათა მეოხებით მანას მეფეები ახერხებენ თავისი სამეფოს ტერიტორიის გარკვეულ გაფართოებას. სარგონი აღნიშნავს, რომ მან მანას მეფე ულუსუნუს დაუბრუნა მანას ოლქი უიშღიში, მიტაცებული მანასაგან ურარტუს მეფის მიერ. სარგონი, ამასთანავე, კანონიერად სთვლიდა მანას მეფეთა პრეტენზიებს მეზობელ ზიქირთუსა და ზოგ სხვა ქვეყანაზე. სარგონის გამარჯვებათა შედეგად, ალბათ, მანას აღმოსავლეთით მდებარე ამ ზიქირთუს, ანდიას და სხვათა ტერიტორია ან მისი მნიშვნელოვანი ნაწილი მართლაც კვლავ მანას მეფეების მფლობელობაში მოექცა. ამრი-

გად, ასურეთთან კავშირის მეოხებით მანას ქვეყნის მმართველებმა საგრძნობლად გაიფართოეს თავისი სამეფოს ტერიტორია და განიმტკიცეს თავისი შერყეული პოზიციები.

6. ნაირი-შარბტუს მხარე VII საუკუნეში ჩ. წ-მდე

სარგონ II-ის თანამედროვე ურარტუს მეფე რუსა I-ის შემდეგ ურარტუ მართალია საგრძნობლად დასუსტდა, მაგრამ თავისი პოლიტიკური დამოუკიდებლობა მას არ დაუკარგავს საუკუნეზე მეტ ხანს. ამ პერიოდში ურარტუში მეფობდნენ: არგიშთი რუსას-ძე (714 — 685), რუსა არგიშთის-ძე (685 — 645), სარდური რუსას-ძე (645 — 625), ერიმენა (625 — 605), რუსა ერიმენას-ძე (605 — 585).

ამ ეპოქაში ურარტუს ისტორიის შესახებ ჩვენ ძალიან ცოტა რამ ვიცით. ურარტუს ჩამოთვლილ მეფეთაგან მხოლოდ ზოგიერთისაგან (არგიშთი რუსას-ძის, რუსა არგიშთის-ძის, რუსა ერიმენას-ძისაგან) არის მოღწეული ჩვენამდე თითო-ორი წარწერა, რომლებიც ძირითადად ამ მეფეთა სამშვიდობო საქმიანობის შესახებ ნოვეითხრობს. ზოგი მათგანის (არგიშთი რუსას ძის, რუსა არგიშთის-ძის, სარდური რუსას-ძის) შესახებ მცირეოდენი ცნობები დაცულია თანადროულ ასურულ წყაროებშიც.

სარგონი სასტიკად გაუსწორდა ურარტუს მეფეთა მოკავშირეებს ჩრდილოეთ სირიაში. 713 წელს სარგონმა ილაშქრა ტაბალის მეფის ამბარისისა და მუშქების მეფის მითას წინააღმდეგ — ურარტუს მეფის რუსას ძველი მოკავშირეების წინააღმდეგ. 712 წლისათვის ასურული წყაროები იხსენიებენ სიმაგრეების აგებას მუშქებისა და ურარტელთა სამფლობელოების საზღვარზე.

708 წელს სარგონი გაუსწორდა კუმუხის მეფეს — მუთალუს, რომელიც ძღვენსა და ყოველწლიურ ხარკს უგზავნიდა რუსა I-ის მემკვიდრეს, ურარტუს მეფე არგიშთის. ეტყობა, კუმუხში განსაკუთრებით ძლიერად ჰქონიათ ფეხი მოკიდებული ურარტუს მეფეებს. ურარტუს მეფე არგიშთი თანამედროვე იყო ასურეთის მეფე სინაქერიბისა. სინაქერიბის წარწერებში არაფერია ნათქვამი ამ დროის ურარტუსთან ასურე-

ლთა საომარი შეტაკების შესახებ. 681 წლის სასახლის გადატრიალების დროს მოჰკლეს ასურეთის მეფე სინაქერიბი, რომლის მკვლელი მისი ვაჟებიც, ბიბლიური ტრადიციის მიხედვით, ურარტუს ქვეყანაში გაიქცნენ.


სინაქერიბის მემკვიდრის, ასარქადონის (681 — 668) ხანაში ურარტუში მეფედ უკვე ამ არგიშთის ძე რუსა ჩანს (რუსა II). რუსა II-ეს ხშირად ურარტუს სახელმწიფოს რესტავრატორს ეძახიან. ჩვენამდე მოაღწია მისმა რამდენიმე წარწერამ, სადაც იგი მის მიერ სამეფოს სხვადასხვა რაიონში (ვანის ტბის ჩრდილო-დასავლეთ სანაპიროზე, დღევანდელ სოფ. ადილჯევანის რაიონში, ამიერ-კავკასიაში — არარატის ველზე, ვანის ტბის ჩრდილო-აღმოსავლეთით — მაქუს რაიონში) წარმოებულ ფართო სააღმშენებლო საქმიანობის, არხების გაყვანის, ბალ-ვენახების გაშენების შესახებ ლაპარაკობს. ამასთანავე ჩნდება ცნობები ურარტელთა სამხედრო აქტივობის შესახებ ისეთ შორეულ რაიონებშიც კი, როგორცაა ჩრდილოეთი სირია და მცირე აზიის აღმოსავლეთი ნაწილი. რუსა II-ის დროს ურარტელებს წარმატებით გაულაშქრიათ ხეთებისა (ჩრდ. სირია) და მუშქების წინააღმდეგ.

შეიძლება, რუსა II-ის ხანაში ურარტუს გაძლიერება ნაწილობრივ მაინც ამ ხანებში ურარტელების მიერ სკვითებისა და კიმერიელების დაქირავებული რაზმების ფართოდ გამოყენების შედეგს წარმოადგენს. ამგვარი ვითარების არსებობაზე მიგვითითებს ასურეთის მეფის ასარქადონის ერთი რელიგიური ტექსტი, სადაც ღვთაება შამაშისადმი მიცემული სამისნო შეკითხვით ასარქადონს სურს შეიტყოს ასურეთის წინააღმდეგ ურარტელ რუსასა და გიმირუს ხალხის (კიმერიელთა) განზრახვები.

მაინც, ეტყობა, არც რუსა II არგიშთის-ძის (685 — 645) დროს მომხდარა საომარი შეტაკებანი ასურეთსა და ურარტუს შორის. ყოველ შემთხვევაში ამის შესახებ არაფერი ისმის წყაროებში. პირიქით, როდესაც ასარქადონმა ურარტუს სამეფოს სამხრეთ-დასავლეთით მდებარე შუფრიაზე ილაშქრა (673 — 672 წ. წ.) და ურარტელი ლტოლვილები ჩაუვარდა ხელში, ისინი მან ურარტუს მეფეს დაუბრუნა.

ასარქალონის მემკვიდრის ასურბანიპალის (668 — 626) მეფობაში, 654 წელს, ასურეთის სამეფო კარს ურარტუს მეფე რუსა I-ისაგან ელჩები სწვევია. „იმ დროს, — ამბობს ასურბანიპალი, ურარტუს მეფემ რუსამ გაიგო ჩემ ღვთაებათა ძლევამოსილება და ჩემი უდიდესებულების შიშმა სძლია იგი. მან გამომიგზავნა არბელაში თავისი მთავრები ჩემს მისასალმებლად“. ურარტუს ეს ელჩები გამოსახული არიან კუიუნჯიკის სასახლის რელიეფებზედაც.

ასურბანიპალის ანალები 639 წლისათვის აღნიშნავენ ურარტუს მეფის სარდურის ელჩების მოსვლას ასურეთის სამეფო



რუსა ერიმენას-ძის ბრინჯაოს ფარზე ამოკვეთილი გამოსახულებანი

კარზე: „სარდურმა (ურარტუს მეფემ), გაიგო რა ძლევამოსილებისა და საგმირო საქმეთა შესახებ, რომელნიც მე განმი-

102

კუთვნეს დიადმა ღმერთებმა, მიესალმა (ჩემს) უდიდესებულე-
ბას, როგორც ძე მამას, და ამასთან ერთად მწერდა: „სალა-
მი მეფეს, ჩემ მეუფეს“; თავდაბლად და ქედმოდრეკით მძიმე
ძღვენი გამომიგზავნა მე მან“. როგორც ვხედავთ, ამ დროი-
სათვის ურარტუს ტახტზე რუსა II არგიშთის-ძე ამ სარდურს
(სარდური III) შეუცვლია.

ურარტუს ამ ნეფის შემდეგ ჩვენ გვაქვს ცნობები კიდევ
ურარტუს ერთი მეფის — რუსა III ერიმენას-ძის შესახებ. ჩვე-
ნამდე მოაღწია დედაქალაქ ტუშვაში აღმოჩენილმა მისმა რამ-
დენიმე წარწერამ ფარებზე და აგრეთვე ერთმა სააღმშენებლო
წარწერამ ამიერ-კავკასიიდან, არმავირის რაიონიდან.

* *
*

როგორც ვხედავთ, VII საუკუნის მანძილზე ასურეთსა და
ურარტუს შორის ძირითადად მშვიდობიანი ურთიერთობა
სუფევდა. არაფერი ისმის მათ შორის საომარი შეტაკებების
შესახებ. პირობით, ზოგჯერ, როგორც დავინახეთ, ურარტუს
მეფეთა ელჩები ასურეთის სამეფო კარზე ცხადდებოდნენ მდი-
დარი ძღვენით, ასურეთის მეფესადმი თავისი პატივისცემის
დასადასტურებლად. ეს, რასაკვირველია, იმას არ ნიშნავს,
რომ ურარტუ ამ დროს მოხარკე იყო ასურეთისა ან პოლი-
ტიკურად ასურეთისადმი დაქვემდებარებულ ერთეულს წარმო-
ადგენდა. ურარტუ ასურეთის კეთილგანწყობასა და ასურეთ-
თან მეგობრობას ალბათ სულ სხვა მიზეზით ეძებდა: ამ დროს
ურარტუს ახლო მეზობლად გაჩნდნენ საშიში მტრები, რომელ-
თა წინააღმდეგაც ურარტუ მხარდაჭერას ეძებდა ამ თავის
ყოფილ მოწინააღმდეგესთან. ჩრდილოეთიდან, ჩრდილოეთ
კავკასიიდან შემოსეული სკვითები და კიმერიელები დათარე-
შობდნენ ურარტუს საზღვრებზე და სერიოზულ საფრთხეს
უქმნიდნენ ურარტუს სამეფოს, კერძოდ, მის ჩრდილოეთ რა-
იონებს. ამას გარდა, ურარტუს მეზობლად ძლიერდება
და საშიშ ძალად იქცევა მანასამეფოც, რომელიც ამ
დროს ძღვეამოსილი ასურეთისათვისაც კი სერიოზულ მოწინა-
აღმდეგედ იქცა; უმთავრესად სკვით-კიმერიელებთან კავშირის
მეოხებით.

სარგონ II-ის (722 — 705) დროს და სარგონის იარაღის შემწეობით მანამ, როგორც ვთქვით, მნიშვნელოვან გაძლიერებას და თავისი ტერიტორიის გაფართოებას მიაღწია. ამის შემდეგ მანა, ეტყობა, ცოტა ხანს რჩება ლოიალური ასურეთის მიმართ. მალე ძლიერი მანა ველარ შეეგუა ასურეთის მორჩილებას და მასთან დაკავშირებულ ვალდებულებებს (ასურელებმა მანას სამეფოს, სხვათა შორის, ხარკის ხდის ვალდებულებაც დააკისრეს). მანამ სარგონის შემდეგ მალე აღარ იცნო ასურელთა ბატონობა, ხარკი არ გადაიხადა და, პირიქით, ასურეთის შევიწროება დაიწყო. სარგონის დროინდელი მეგობრობა ახლა მტრობით შეიცვალა. უკვე სარგონის მემკვიდრე მეფე სინაქერიბი (705 — 681) ჩიოდა, რომ მანას ხალხი არ იყო ჩემი ულლის მორჩილიო. სინაქერიბი იკვებნიდა, რომ მან ეს ურჩი მანას ხალხი წამოიყვანა თავისი ქვეყნიდან (ტყუების წამოყვანაზეა ლაპარაკი) და აგურებს აზიდვინებდა, მშენებლობებზე ამუშავებდა.

დამახასიათებელია, რომ VII საუკუნის მანძილზე მანა ასურულ წყაროებში მეტად ხშირად იხსენიება კიმერიელებსა და სკვითებთან კავშირში: ასარქადონის (681 — 668) ხანის რელიგიურ ტექსტებიდან ვიგებთ, რომ ქარ-ქამის მმართველ ქაშთარითის მეთაურობით ასურეთის წინააღმდეგ მოწყობილა დიდი კოალიცია, სადაც მიდიელებთან, კიმერიელებთან და ზოგ სხვა ხალხთან ერთად ვხედავთ მანაელებსაც. ასურეთის სამეფო კორესპონდენციაში დაცული ერთი ტექსტი იხსენიებს კიმერიელთა გალაშქრებას ურარტუზე მანას ქვეყნიდან. ამავე სამეფო კორესპონდენციაში დაცული სხვა წერილებიდან, რომელიც ასარქადონისადმი მიმართული, ვიგებთ, რომ კიმერიელები აქტიურად ერეოდნენ მანასა და ასურეთს შორის მიმდინარე ბრძოლაში მანას მხარეზე. ამ გარემოებამ თავი იჩინა მაშინაც, როდესაც ასარქადონმა გაგზავნა დამსჯელი ექსპედიცია მანას მეფის ახსირის წინააღმდეგ, რომელთანაც შემდეგში ბრძოლა მოუხდა ასარქადონის მემკვიდრე ასურბანიპალსაც. თავის ანალებში კიდევ ასარქადონი იკვებნის, რომ მან გაჰფანტა ურჩი მანაელები და სკვითი

იშფაქაი მახვილით დაამხო, რომლის მოკავშირეობამაც ვერ იხსნა მანაელები დამარცხებისაგან.

როგორც ასურეთის მეფეთა ზოგი რელიგიური ხასიათის წარწერიდან ჩანს, სკვითების ნაწილი ასარქადონის დროს მანას ტერიტორიაზე დასახლებულა. მანას ხელისუფალთ, ეტყობათ, ჩრდილოეთიდან მათ ქვეყანაში შემოსულ კიმერიელებთანა და სკვითებთან შტრობა არ დაუწყიათ; პირიქით, ისინი მათ მოკავშირეებად გაიხადეს, დაასახლეს თავისი სამეფოს ფარგლებში, ცდილობდნენ გამოეყენებინათ მათი რაზმები ასურელებთან ბრძოლაში (და, შეიძლება, შინაური შტრების წინააღმდეგაც). ალბათ სწორედ სკვით-კიმერიელების დაქირავებული რაზმების გამოყენების შეოხებითაა, რომ მანას მეფეები არა მარტო ეფექტურად იცავდნენ თავს ძლიერების ზენიტში მყოფ ასურეთისაგან, არამედ ავიწროებდნენ კიდევაც მას და ზოგ ტერიტორიას ართმევდნენ: ასურბანიპალი, მაგალითად, ჩივის, რომ მანაელები არ იხდიდნენ ხარკს მის წინაპარ მეფეთა დროს, რომ მათ წაართვეს ასურეთს საკმაოდ მსხვილი პუნქტი შარრუ-იკი და ზოგი სხვა ქალაქი.

ასურეთის მეფე ასურბანიპალმა (668 — 626) თავისი მეფობის დასაწყისშივე დიდი ლაშქრობა მოაწყო მანას წინააღმდეგ. ასურელთა ლაშქარს აქ სასტიკი ბრძოლების გადახდა მოუხდა მანას მეფე ახშერის ლაშქართან. ასურელებმა მოწინააღმდეგეს ბევრი მეომარი დაუხოცეს, ხელთ იგდეს მანაელთა ბევრი ციხე-ქალაქი უამრავ სხვა მცირე „ქალაქთან“ ერთად. ასურბანიპალი დაეუფლა მანას დედაქალაქ იზირთას, აგრეთვე დიდ ციხე-ქალაქებს: ურშეთეს, უზბიას და სხვ. მანას მიერ მიტაცებული ქალაქები მან ასურეთს დაუბრუნა. მანაში ასურელებს დიდძალი ნადავლი ჩაუვარდათ ხელში (ციხენები, სახედრები, წვრილფეხა და მსხვილფეხა პირუტყვი); აქედან მათ, სხვათა შორის, ტყვეებიც წაიყვანეს...

ახშერი მეფის ამ მარცხით უსარგებლიათ მანაში გარკვეულ წრეებს, რომლებიც ალბათ სხვადასხვა მიზეზით უკმაყოფილონი იყვნენ ახშერის მმართველობისა. უკმაყოფილების ერთ-ერთ მიზეზს, შეიძლება, წარწოადგენდა მანას მეფეების გატაცება სკვით-კიმერიელებთან კავშირით, ამ უკანასკნელთა

მანას მიწა-წყალზე დასახლება (რამაც, შეიძლება, საგრძნობი ზიანი მოუტანა მოსახლეობის გარკვეულ ნაწილს) და სხვ. ასურბანიპალი მოგვითხრობს, რომ დამარცხებულ ახშერის მისი ქვეყნის ხალხი ასჯანყებია, იგი მოუკლავთ, გაუფლეთი-ათ მისი ძმები და მისი ოჯახი. მანას ტახტზე ახშერის ვაჟი უალი დამჯდარა, რომელმაც როგორც ჩანს, მისი წინაპრების საგარეო პოლიტიკა ძირფესვიანად შესცვალა, დაემორჩილა ასურელებს, ნინეფიაში მძევლად თავისი ვაჟი ერისინი გაგზავნა, ხოლო ასურბანიპალის ჰარამხანაში კი — თავისი ქალი. ასურელებისათვის მიურობევეია მას, აგრეთვე, ძველი ხარკი, რომელსაც ასურბანიპალის წინაპარ მეფეთა დროს მანას მეფეები არ უგზავნიდნენ ასურეთის ხელისუფალთ. ასურბანიპალი ამბობს, რომ მან ძველ ხარკს კიდევ 30 ცხენის გაგზავნის ვალდებულება მიუმატა.

რაც შეეხება სარგონის შემდგომ ხანაში, VII საუკუნეში ჩ. წ-მდე, მანას ურთიერთობას ურარტუსთან, ამის შესახებ ჩვენ თითქმის არაფერი არ ვიცით. საფიქრებელია, რომ ამ დროს როლები შეიცვალა და შემტევ მხარედ ურარტუს ნაცვლად მანა იქცა. მანას ამ დროს ურარტუს იმპერიის მიწების ხარჯზე უნდა გაეთართოებინა ჩრდილოეთით თავისი ტერიტორია. ჩრდილოეთით მანას სამფლობელოები ამ დროს, ალბათ, შორ მანძილზე ვრცელდება. ირკვევა, რომ VII საუკუნეში ჩ. წ-მდე მანა ნაირის მხარეში ყველაზე მნიშვნელოვან პოლიტიკურ ერთეულს წარმოადგენდა, ამ დროს იგი უფრო მეტი ძალისა და მნიშვნელობის ერთეული იყო ვიდრე ურარტუს სამეფო.

7. ურარტუსა და მანას სამეფოების დაცემა

როგორც ვთქვით, ურარტუს უკანასკნელი მეფე, რომლის შესახებაც ჩვენ ცნობები მოგვეპოება არის რუსა ვრიმენას-ძე.

ურარტუს ეს უკანასკნელი მეფე მოესწრო მისი ქვეყნის მრავალსაუკუნოვანი მტრის, დიდი ასურეთის დაცემას. ასურეთის სამეფო ბაბილონეთისა და მიდიის კოალიციის მსხვერპლი შეიქმნა. 614 წელს მიდიელებმა აიღეს და დაანგრიეს ქალაქი ასური. 612 წელს მოკავშირეების მიერ ხანგრძლივი

ალყის შემდეგ დაეცა ასურეთის ზეორე დედაქალაქი — ნინე-
ვია. 605 წელს კი დაეცა ასურელთა უკანასკნელი ციხესიმაგ-
რე კარხემიში. ეს მომენტი ასურეთის სამეფოს დაცემის მო-
მენტად ითვლება. ასურეთის იმპერიის ტერიტორია გაინაწი-
ლეს მოკავშირეებმა, ბაბილონმა და მიდიამ.

ჩვენ ვიცით, რომ ასურეთის იმპერიის არსებობის უკანას-
კნელ წლებში მანას სამეფოს სრულიად შეუცვლია თავისი
დამოკიდებულება ასურეთისადმი, წინანდელი მტერი ახლა
მეგობრად ევლინება ღონემიხდილ ასურეთს. ბაბილონური
ქრონიკა მოგვითხრობს, რომ ბაბილონის მეფე ნაბუპალასარ-
მა თავისი მეფობის მე 10 წელს ქალაქ ქაბლინისთან დაამარ-
ცხა ასურელთა ლაშქარი. აქ მას დიდი ოღენობით ხელთ უგ-
დია ტყვეები, მათ შორის ყოფილან ასურელთა დასახმარებ-
ლად მოსული მანაელებიც. ამ დროს მანასათვის, რა თქმა
უნდა, ბევრად უფრო საშიში მტერი იყო მეზობელი მიდია,
ვიდრე ასურეთი. ამიტომ გაკვირვებას არ იწვევს, როდესაც
ამ ხანაში მანაელებს ჩვენ ასურელთა მოკავშირეებად ვხედავთ
(ეგვიპტეშიც ამ დროს ასევე შეიცვალა თავისი დამოკიდებუ-
ლება ასურეთისადმი).

ჩვენ არავითარი ცნობა არ გვაქვს ამის შესახებ, მაგრამ შეი-
ძლება ითქვას, რომ ალბათ ურარტუც ამ დროს ასურეთის დამ-
ხმარეთა ბანაკში იმყოფებოდა. ყოველ შემთხვევაში ბაბილო-
ნური ქრონიკიდან ჩვენ ვიგებთ, რომ ასურეთის ერთ-ერთ
მესაფლავეს, მიდიის მეფეს კიაქსარს 609 წელს, ე. ი.
ჯერ კიდევ მაშინ, როდესაც ასურელები აქა იქ კიდევ წი-
ნაღმდეგობას უწევდნენ ბაბილონ — მიდიის კოალიციას, გაუ-
ლაშქრია ურარტუზე.

მაგრამ, როგორც დავინახეთ, ასურეთს ვერაფერმა უშეე-
ლა და მას ბოლო მოუღეს ბაბილონმა და მიდიამ. მიდიის
მეზობელი მანას სამეფოს ტერიტორიაც ამ დროს, უეჭველია,
ძლიერი მიდიის ფარგლებში მოექცა. შემდეგ კი, როდესაც
სპარსეთმა ბოლო წოულო მიდიის დამოუკიდებლობას (550 წ. ჩ.
წ-მდე), მანას ხალხიც სპარსეთის იმპერიის შემადგენლობაში
შევიდა. ამ ამბებმა, უეჭველია, ძალზე დააჩქარეს უკვე ასურულ
ხანაში დაწყებული მანას მოსახლეობის ირანიზაციის პროცესი.

მანას ხალხის ერთი მნიშვნელოვანი ნაკადი თანდათან განიცდის სპარსელ ტომებთან სრულ ასიმილაციას.

მიდიელებს ბოლო უნდა მოეღოთ აგრეთვე ნაირის მეორე უმნიშვნელოვანესი ერთეულისათვის—ურარტუს სამეფოსათვის. ფიქრობენ, რომ 585 წელს მიდიის ლაშქარმა, რომელიც ლიდის ლაშქართან შესაბამისობადად მიემართებოდა მცირე აზიისაკენ, გადაიარა ურარტუს ცენტრალურ რაიონებზე, დაანგრია და გადასწვა ურარტუს დედაქალაქი ტუშუა, რასაც ურარტუს სამეფოს დაცემა მოჰყვა. ამის შემდეგ ურარტუს ცენტრალური რაიონები მიდიის მფლობელობაში მოექცა.

8 ნაინი-ურარტუს ხალხების კულტურა

ა) მატერიალური კულტურა

ზემოთ ჩვენ უკვე ვილაპარაკეთ ნაინი-ურარტუს ხალხების სამეურნეო საქმიანობის შესახებ და აღვნიშნეთ, რომ აქ ბუნებრივი პირობების შესაბამისად ზოგ რაიონში ვხვდებით მიწათმოქმედების, ზოგან კი მეცხოველეობის უპირატესად განვითარებას. ყურადღებას იქცევს ისიც, რომ აქ მალაღვანვითარებული მოჩანს სოფლის მეურნეობის ისეთი ინტენსიური დარგები, როგორცაა მებაღეობა და მევენახეობა. სოფლის მეურნეობა ურარტუში მალალ დონეზე იდგა, რაზედაც მიგვითითებენ არქეოლოგიური გათხრების შედეგად მოპოვებული სასოფლო-სამეურნეო იარაღები.

ურარტუს რიგ რაიონებში მიწათმოქმედების განვითარება აუცილებლად მოითხოვდა განვითარებული სარწყავი, საირიგაციო სისტემის მოწყობას. ურარტუში ჩვენ მართლაც ირიგაციის მალალ განვითარებას ვხედავთ. საირიგაციო სისტემაზე ურარტელთა დიდი ზრუნვის შესახებ მოგვითხრობენ როგორც ურარტულთა, ისე ასურული წყაროები.

ასურეთის მეფის სარგონ II-ის ერთ წარწერაში მოიპოვება ვრცელი აღწერა იმ დიდი საირიგაციო სამუშაოებისა, რომელიც ჩაუტარებია ურარტუს მეფეს რუსა I-ს ურმიის ტბის ჩრდილოეთით მდებარე ქალაქ ულხუს (დღევანდელი მარანდის) რაიონში, რითაც უწყლო და ხრიოკი ადგილი

მშენებელი წალკოტად გადაუქცევია. ამას გარდა, ჩვენამდე მო-
აღწია ურარტუს მეფეთა ათეულობით სხვადასხვა წარწერამ,
სადაც არხების გაყვანის შესახებაა ლაპარაკი. ასეთი არხები
ურარტუს მეფეებს გაჰყავდათ როგორც იმპერიის ცენტრა-
ლურ ნაწილში, ისე პერიფერიაზე. ურარტუს მეფეთა მიერ
გაყვანილი ზოგი არხი დღესაც კი გამოყენებულია საირიგაციო
მიზნებისათვის.

არხების გაყვანის ტექნიკა ურარტუში საკმაო სიმალეზე
მდგარა. არხები გაჰყავდათ როგორც მიწაში, ისე კლდო-
ვან ადგილებში; კლდეში სპეციალურად გამოკვეთილ გვი-
რბებშიც კი გაჰყავდათ ხოლმე არხის კალაპოტი. ურა-
რტული ხანის არხების ნაშთები, რომლებიც ჩვენ დრომდეა
მოდწეული, მრავალრიცხოვანია და გრანდიოზული.

არხებს გარდა ურარტელები ჰქმნიდნენ ხელოვნურ ტბებსაც.
ასე მაგალითად, ხელოვნურ ტბას წარმოადგენს ქალაქ
ვანის აღმოსავლეთით შექმნილი ქემიშ-გიოლის ტბა, რომელიც
„რუსას ქალაქის“-რუსახინილის წყლით მომარაგების მიზანს ემსა-
ხურებოდა. არხები ურარტელებს მარტო მორწყვის მიზნით რო-
დი გაჰყავდათ, ხშირად ისინი ამა თუ იმ უწყლო ადგილისათ-
ვის სასმელი წყლის მიწოდების მიზანსაც ემსახურებოდნენ.

ურარტული ხანის არხებიდან ყველაზე მნიშვნელოვანი იყო
მეფე მენუას მიერ გაყვანილი დიდი არხი, რომელიც ურარ-
ტუს დედაქალაქ ტუშუას სასაწყლსა და სარწყავ წყალს აწო-
დებდა (ვანის ტბის წყალი თავისი მარილიანობის გამო ამ მიზ-
ნებისათვის გამოუსადეგარია). დღეს ადგილობრივი მოსახლე-
ობა ამ არხს ლეკენდარული დედოფლის შამირამის არხს
ეძახის. ამ არხის სიგრძე 70-80 კილომეტრს უდრიდა, სიგა-
ნე $4 \frac{1}{2}$ მეტრს, ხოლო სიღრმე — $1 \frac{1}{2}$ მეტრს. დღეისათვის
ცნობილია 13 ურარტული ლურსნული წარწერა, რომელიც
მენუას მიერ ამ არხის გაყვანის შესახებ მოგვითხრობს. მენუა
ამ წარწერებში სხვათა შორის გვამცნობს, რომ მას ამ არხი-
სათვის „მენუას არხი“ დაურქმევია.

დიდად განვითარებული იყო ნაირი-ურარტუს ხალხებში
ლითონის დამუშავებაც. ამას მოწმობს როგორც წერილობი-
თი წყაროები, ისე არქეოლოგიური კვლევა-ძიებით მოპოვე-

ბული მასალები. ურარტუში ჩვენ ვხედავთ მაღალგანვითარებულ ბრინჯაოს მეტალურგიასა და სხვა ქვეყნებთან შედარებით რკინის დამუშავების ადრე დაწყებას.

ურარტუში მეტალურგიის ფართო განვითარების შესახებ ლაპარაკობს სხვათა შორის ასურეთის მეფის სარგონ 11-ის 714 წლის ლაშქრობის ანგარიში, ე. წ. „ლუვრის ფირფიტის“ ტექსტი, სადაც ჩამოთვლილია ურარტუს იმპერიის



ოქროს მედალიონი, მოპოვებული ურარტუს დედაქალაქ ტუშვას გათხრების დროს

ერთ-ერთ უმნიშვნელოვანეს ცენტრში, ქალაქ მუსასირში, ასურელების მიერ ხელთგდებული ნადავლი. ამ ნადავლში იხსენიება მრავალფეროვანი ლითონის ნაწარმი უზარმაზარი ოდენობით, ხშირად სპეციალურად იმისი აღნიშვნით, რომ ესა თუ ის ნივთი ადგილობრივი წარმოებისა იყო; ეს ბევრ მკვლევარს საბაბს აძლევდა ეფიქრა, რომ მეტალურგიის დარგში ურარტუს იმ დროინდელ მსოფლიოში წამყვანი ადგილი ეჭირა. არქეოლოგიური კვლევა-ძიებაც (გათხრები ურარტუს დედაქალაქში — ვანში, ამიერ-კავკასიაში კარმირ-ბლურის გორაკზე და სხვ.) სავესებით ადასტურებს მოსაზრებას ურარტუში

მეტალურგიის მაღალ განვითარების შესახებ: მოპოვებულია ლითონის ნაწარმის უდიდესი ოდენობა, ამასთანავე ყურადღებას იქცევს ლითონის დამუშავების მაღალი ტექნიკა, მაღალი მხატვრული გემოვნება. საყურადღებოა ისიც, რომ ურარტუში მოგვიანო ხანებში მაინც რკინის მეტალურგიის გაფურჩქვნას ვხედავთ; აქ შრომისა თუ საომარი იარაღების უმთავრეს მასალას უყვე რკინა წარმოადგენს, ბრინჯაო კი მეორეხარისხოვან როლს ასრულებს.

ურარტული მეტალურგია უზრუნველყოფილი იყო ადგილობრივი მადნით. რკინის ბევრი საბადოებია განსაკუთრებით ურარტუს ცენტრალურ ნაწილში (მუშის, ბითლისისა და ვანის რაიონები, ურმიის ტბის დასავლეთით მდებარე მთიანეთი), აქ არის სპილენძის საბადოებიც, მოიპოვებოდა, აგრეთვე, ტყვია და კალა.

წერილობითი წყაროებითა და არქეოლოგიური კვლევა-ძიების მასალებითაც მტკიცდება, რომ ურარტუში განვითარებული იყო ძვირფასი ლითონების (ოქროს, ვერცხლის) დამუშავებაც.

თავისი სტილით ურარტული ლითონის ნაწარმი ახლო დგას ასურულთან. ასურული გავლენა აქ ძნელი უარსაყოფია, მაგრამ ურარტული ხელოვნება ასურულის მონურ გამეორებას სრულიადაც არ წარმოადგენს. იგი თავისებურ სახეს ატარებს.

განვითარებული იყო ურარტუში ქვაბ დამუშავებაც, რაც ბუნებრივია ქვით მდიდარი ამ ქვეყნის მცხოვრებლებისათვის. ქვისაგან აქ აკეთებდნენ საყოფაცხოვრებო ნივთებს, სამკაულებს, ქვაზე აკეთებდნენ წარწერებს, ქვით აშენებდნენ სახლებს, სასახლეებს, ტაძრებსა და ციხე სიმაგრეებს. ურარტული ციხე-სიმაგრეების ნაშთებით დღესაც მოთენილია ძველი ურარტუს ტერიტორია. ისინი სხვადასხვა სახისანი არიან. როგორც წესი, მათ დიდი გალავანი აქვთ შემოვლებული, გალავანს შიგნით კი ციტადელია აგებული. ურარტული დიდი ციხე-ქალაქებისათვის დამახასიათებელი იყო კოშკები, რომელთა გამოსახულებებსაც ჩვენ ასურულ მონუმენტებზეც ვხვდებით, სადაც მოცემულია ურარტული ციხე-სიმაგრეების აღების სცენები. ციხე-სიმაგრეთა აგების ტექნიკა ურარტუში ძალზე მაღალი იყო. საკმარისია აღვნიშნოთ, რომ ურარტუს

დედაქალაქ ტუშფას ციტადელის აღება თვით ასურეთის ძლე-
ვამოსილმა ლაშქარმაც ვერ შესძლო.

ურარტუსგან ჩვენამდე მოაღწია კლდეზე ამოკვეთილი რე-
ლიეფებისა და ქვისაგან გამოკვეთილი ქანდაკებების ცალკე-
ულმა ნიმუშებმაც.

ცალკე უნდა აღინიშნოს ის განსაკუთრებული ხელოვნება,
რომელსაც ვხვდებით ურარტუს მიწა წყალზე კლდეში ნაგე-
ბობათა გამოკვეთის დარგში. ვანის (ურარტუს ძველი დედა-
ქალაქის ადგილი) კლდე ამ მხრივ დღესაც გაკვირვებას იწ-
ვევს: აქ კლდეში გამოკვეთილია კიბეები, მოედნები, ოთახები,
ფართო დარბაზები, გამოქვაბულები. ისეთი კლდეში გამოკვე-
თილი ნაგებობანი საერთოდ მრავლადაა თითქმის მთელი ურა-
რტუს ტერიტორიაზე. ეს ხელოვნური გამოქვაბულები, კლდე-
ში გამოკვეთილი ნაგებობანი, სხადასხვა დანიშნულების
უნდა ყოფილიყო. ზოგი მათგანი, ალბათ, რელიგიურ-საკულ-
ტო დანიშნულებისა იყო, ზოგიც შეიძლება მეფეთა განსასვენ-
ებელ ადგილს წარმოადგენდა, სადაც იდგმებოდა გარდაც-
ვლილ მეფეთა სარკოფაგები...

ურარტუში ჩვენ ვხვდებით აგრეთვე მაღალ განვითარებულ
კერამიკას. იგი ყურადღებას პირველ ყოვლისა თავისი მრავალ-
ფეროვნებით იქცევს. განვითარებული იყო ურარტუში,
რასაკვირველია, მატერიალური წარმოების ბევრი სხვა დარ-
გიც. აქ ჩვენ მხოლოდ ზოგიერთის, ყველაზე მნიშვნელოვანის
შესახებ გვქონდა საუბარი.

* * *

ურარტულმა ხანიდან მოღწეული მატერიალური კულტუ-
რის ბევრ ძეგლს ხალხი ლეგენდარულ დედოფალ შამირამს
მიაწერს. ზემოთ ჩვერ აღვნიშნეთ, რომ ურარტუს მეფეთა
მიერ გათხრილი არხებიდან ყველაზე მნიშვნელოვანი იყო მე-
ნუა მეფის მიერ გაყვანილი არხი, რომელიც დედაქალაქ ტუ-
შფას სასწელი და სარწყავი წლით ამარაგებდა. ამ არხის
სიგრძე 70 — 80 კილომეტრს უდრის და დღესაც გამოყენებუ-
ლია მოსახლეობის მიერ. ადგილობრივი მოსახლეობა ამჟამად

მას „შამირამის არხს“ ეძახის. ხალხური ლეგენდები დედოფალ შამირამს მიაწერენ, აგრეთვე, ურარტული ხანის ბევრი ციხე-ქალაქის აგებას, მათ შორის ურარტუს დედაქალაქ ტუშფას (დღევ. ვანის) ციხე-ქალაქის აღმშენებლადაც მას სთვლიან.

ლეგენდის მიხედვით, შამირამმა ასურეთიდან მოიყვანა აქ ოცი ათასი შავი მუშა და ექვსი ათასი საუკეთესო ხელოსანი და ქალაქის მშენებლობას შეუდგა. რამდენიმე წლის მუშაობის შემდეგ მან დაასრულა დიდებული გალავნის შენება, რომელიც ქალაქს გარს უნდა შემორტყმოდა. ამ გალავანს მან აქა-იქ სპილენძის კიშკრები გაუკეთა. გალავნის შიგნით შამირამმა ააშენებინა ბევრი ლამაზი ორ-სამ სართულიანი აივნისანი შენობა, ააშენა აბანოები და გაიყვანა ფართო ქუჩები. მდინარის წყალი მან არხების საშუალებით მიღწევა ბაღებისა და ქალაქის გარშემო მდებარე მინდვრების მოსარწყავად. ქალაქის განაპირა უბნებში მან მრავალი ბაღი და ვენახი გააშენა და დიდძალი ხალხი დაასახლა მის მიერ აკებულ ქალაქში. მაგრამ ყველაზე მნიშვნელოვანი რაც შამირამმა აქ მოიმოქმედა, ლეგენდის მიხედვით, იყო ის, რომ მან ქალაქის ნაწილს მთის ნიწვერვალს, რომელზედაც ფოთხვითაც კი არავის შეეძლო ასვლა, მან კედელი შემოაგო და მასზე საიდუმლოებით მოცული სამეფო სასახლე ააგო. როგორ ან რისთვის იყო იგი აშენებული — არავინ იცის. ყოველივე იმისაგან, რაც ოდესმე რომელიმე მეფეს შეუქმნია, შამირამის ეს ქმნილება ითვლებოდაო ყველაზე დიდებულ რამედ.

ლეგენდა ასევე შამირამის სახელს უკავშირებს ვანის კლდეში დარბაზების გამოკვეთას და ამავე კლდეზე „უცნაური წარწერების“ (ე. ი. ურარტუს მეფეთა ლურსმული წარწერების) ამოკრას.

საინტერესოა, რომ ჩვენამდე სპარსული გზით მოაღწია ერთმა ლეგენდამ, რომელიც მევენახეობის წარმოშობასაც შამირამის სახელს უკავშირებს.¹ ეს ლეგენდა XI-XII ს-ის ცნობილი სპარსელი პოეტის ომარ ხაიამის ერთ თხზულებაშია და-

1) აღნიშნულ ლეგენდაზე ჩვენი ყურადღება მიაქცია პროფ. გ. ხიტაიამ.

ცული. იგი დიდი ხანი არ არის რაც აღმოჩნდა. მართალია ლეგენდას მასში მოთხრობილი ამბების ასპარეზი სპარსეთში გადააქვს, მაგრამ ჩვენთვის საინტერესოა, რომ ლეგენდა ვაზის კულტურის, მევენახეობის გაჩენას ქალაქ შემირანსა და მეფე შემირანს უკავშირებს. რა თქმა უნდა, აქ ჩვენ წინაშეა იმავე შამირამის სახელი, რომელიც, როგორც დავინახეთ, ორგანიულად უკავშირდება ურარტულ სამყაროს, რომელსაც მიეწერება ზემომოყვანილი ლეგენდებით ურარტუს დედაქალაქის აგება, დიდი არხების გაყვანა და სხვ. ამიტომაც ეს ლეგენდა შეიძლება თავდაპირველი სახით მევენახეობის სამშობლოდ სწორედ ძველი ურარტუს მიწა-წყალს მიიჩნევა. ასეთი მოსაზრება მით უფრო დასაშვებია, რომ ბიბლიური ტრადიციის მიხედვითაც მევენახეობის სამშობლოს არაბატის ქვეყანაში (ასე ეძახდნენ ძველი ებრაელები ურარტუს) ეძებენ და ჩვენ ასურული და ურარტული წყაროებიდანაც კარგად ვიცით, თუ რა ძლიერ იყო განვითარებული ურარტუში მევენახეობა.

აღნიშნული ლეგენდა მოგვითხრობს, რომ იყო ძველად ერთი ძლიერი და მდიდარი მეფე, რომელსაც სახელად შემირანი ერქვა. მან ააგო ქალაქი შემირანი. მეფე შემირანს ჰყავდა ვაჟი ბადამი, რომელიც მეტად მამაცი, უშიშარი და ღონიერი იყო. იმ დროს თურმე მასზე უკეთესი მშვილდოსანი არ არსებობდა.

ერთხელ დიდებულებით გარშემორტყმული მეფე შემირანი იჯდა სათვალთვალო კოშკზე. აქვე იყო მისი ვაჟი ბადამი. ამ დროს უცბად გამოჩნდა საიდანღაც არწივი, საშინლად წამოიკივლა და მეფის ტახტის მახლობლად მიწაზე დაეშვა. როდესაც მეფე შემირანმა თვალი მოავლო მას, დაანახა გველი, რომელიც არწივს კისერზე შემოჰხვეოდა და ის-ის იყო უნდა დაეკბინა იგი. მაშინ მეფე შემირანმა თქვა: „მამაცო ადამიანებო! ვინ იქნება თქვენ შორის ისეთი, ვინც ისრის ერთი გასროლით არწივს გველისაგან გაათავისუფლებს?“. ბადამმა უპასუხა: „სხვა რა არის შენი მსახურების მოვალეობა?“ შემდეგ მან სტყორცნა ისარი და გველას თავი მიწაზე დაანარცხა ისე, რომ არწივს არავითარი ზიანი არ მიაყენა. განთა-

ვისუფლებული არწივი აფრინდა, უტრიალა ერთხანს ამ ადგილს და შემდეგ გაუჩინარდა.

სწორედ ერთი წლის შემდეგ, როდესაც მეფე შემირანი შემთხვევით ასევე თავის სათვალთვალ კოშკზე იჯდა, მოფრინდა არწივი და დაიწყო ნავარდი სივრცეში მეფის შორიახლოს. შემდეგ იგი დაეშვა მიწაზე და ნისკარტიდან რაღაცა გადმოაგდო სწორედ იმ ადგილას, სადაც ერთი წლის წინათ ბადამის ისარმა მოჰკლა გველი. ამის შემდეგ არწივმა რამდენიმეჯერ დაიკივლა და გაფრინდა. მეფემ, რომელიც ამ ამბავს უყურებდა, უთხრა მის ირგვლივ მდგომთ — „მე ვფიქრობ, რომ ეს იგივე არწივი იყო, რომელიც ჩვენ გველისაგან გავათავისუფლეთ. ალბათ, წელს იგი ამ ადგილას კვლავ იმიტომ მოვიდა, რომ მაღლობა გამოეთქვა და ჩვენთვის საჩუქარი მოეტანა, რომელიც მან თავისი ნისკარტიდან მიწაზე გადმოგვიგდო. წადით და მოიტანეთ აქ, რასაც იპოვით!“.

ორი თუ სამი კაცი გაემართა იქითკენ და ვერაფერი ნახეს გარდა რამდენიმე მარცვლისა, რომელიც იქეგდო. მათ ეს აიღეს და მეფე შემირანს მიაჩვენეს. მეფემ დაკვირვებით გასინჯა ეს მარცვლები, მოუხმო სწავლულ კაცებს, რომელნიც კი იყვნენ მის ქვეშევრდომთა შორის და უთხრა — „არწივმა ეს მარცვლები ჩვენ საჩუქრად მოგვიტანა. რა აზრისა ხართ თქვენ, რა უნდა ვუყოთ ჩვენ ამ მარცვლებს?“ სწავლული კაცები ერთი აზრისანი იყვნენ, რომ საჭიროა ეს მარცვლები დაითესოს, რათა გაიგონ თუ მომავალ წელს რა ამოვა მათგან. მაშინ გადასცა მეფემ ეს სათესლე მარცვლები თავის მებაღეს და უთხრა: — „დათესე ისინი ბაღის ერთ კუთხეში და კარგად შემოზღუდე ეს ადგილი ისე, რომ არც ოთხფეხმა შეაღწიოს შიგ და არც რომელიმე ფრინველმა შესძლოს მისი დაზიანება! დროდადრო მომახსენე ხოლმე ნათესის მდგომარეობა!“ მებაღეც ასე მოიქცა. გაზაფხულზე მიწიდან ამოაღწია პატარა შტოებმა იმ ადგილას, სადაც ეს მარცვლები დათესეს. მებაღემ მაშინვე მოახსენა მეფეს ამის შესახებ. მეფემ აჩვენა ეს ახლად აღმოცენებული მცენარე თავის დიდებულებსა და სწავლულ კაცებს, მაგრამ ყველამ განაცხადა, რომ მათ ამის მაგავსი მცენარე არსად არ უნახავთ.

გავიდა კიდევ კარგა ხანი და ამოსული შტოები გიზარდა, ფოთლები გაუმკვრივდა და მტევნები გამოისხა ამ მცენარემ. მაშინ კვლავ მივიდა მებაღე მეფესთან და მოახსენა მას: — „არც ერთი მცენარე არა ხარობს ბაღში ისე, როგორც ეს მცენარე“. მეფე წავიდა ბაღში სწავლულ კაცებთან ერთად მის სანახავად. მან დაინახა, რომ ეს მცენარე ხედ გადაქცეულა და თქვა: — „საჭიროა მოვითმინოთ, ვიდრე ეს ხე სხვა ხეების ტოლი გახდება, რომ გავიგოთ, თუ რას წარმოადგენს მისი ნაყოფი“.

როდესაც შემოდგომამ მოაღწია, მეფე და სწავლული კაცები ბაღში მივიდნენ; მათ დაინახეს, რომ ერთი მარცვალი ამ მცენარიდან ძირს ჩამოვარდნილიყო და წვენი გამოისვლოდა. ამის მიხედვით დაასკვნეს, რომ ალბათ, სწორედ ეს არისო ამ ხის ნაყოფი, ის უკვე დამწიფებულა და დროა მოიკრიფოსო. ამასთანავე დაასკვნეს, რომ ამ ნაყოფის სარგებლობა მის წვენში უნდა მდგომარეობდესო. მართლაც, მთელ მოკრეფილ ნაყოფს გამოადინეს წვენი და ის ერთ ქურქელში ჩაასხეს, რომ ენახათ, თუ რას წარმოადგენდა მისი წვენი. თვითონ ნაყოფის პირთან მიკარებას კი ვერაფერს ბედავდა, რადგანაც ყველას ეშინოდა, რომ იგი შხამიანი არ ყოფილიყო და ადამიანი არ მოეკლა. ქურქელი ბაღში დატოვეს და წავიდნენ.

გავიდა ხანი და მებაღემ დაინახა, რომ წვენმა ქურქელში დუღილი დაიწყო. მაშინათვე მან ეს მეფეს მოახსენა. მეფემ უბრძანა — „როდესაც კი სითხე დუღილს შეწყვეტს და დაშოშმინდება, მაშინვე მომახსენე მე!“.

ერთ დღეს მებაღემ დაინახა, რომ სითხეს ქურქელში დუღილი შეუწყვეტია და გამკვირვალე გამხდარა. მაშინათვე მოახსენა მან ეს მეფეს, რომელიც თავის სწავლულ კაცებთან ერთად გამოემართა მის სანახავად. ამ უკანასკნელებმა, შეხედეს თუ არა, ყველა იმ აზრს იზიარებდა რომ ამ ხის ნაყოფის მნიშვნელობა სწორედ მის წვენშია, მაგრამ შოახსენეს მეფეს, რომ მათ არ შეუძლიათ თქმა, თუ როგორია ეს სითხე — შხამიანია თუ არა იგი. ბოლოს და ბოლოს გადასწყვიტეს, რომ გამოიყვანონ საპყრობილედან ერთ-ერთი ტუსალი — კა-

კისმკვლელი — და მას დააღვივებონ ეს სათხე, რათა გაიგონ, თუ რა მოჰყვება ამას შედეგად.

მართლაც ასე მოიქცნენ. ერთ-ერთ კაცისმკვლელს დააღვივებინეს ეს სასმელი. როდესაც მან იგი დალია, ცოტაოდენ მოიქუხნა. მას ჰკითხეს — „გსურს კიდევ დალიო?“ მან მიუგო — „ღიახ!“ მაშინ მას მისცეს მეორე სასმისი, რომლის გამოცლის შემდეგ მან იწყო გამზიარულება, შეუდგა სიმღერასა და ხუმრობას. მეფის დიდებულება მის თვალში სასაცილო შეიქნა და მან სთქვა — „მომეცით მე კიდევ ერთი სასმისი და შემდეგ, რაც გინდათ ის მიყავით!“ მისცეს მას მესამე სასმისი, რომლის გამოცლის შემდეგაც მას თავი დაუშობდა, ჩაეძინა და მეორე დღემდე უგონოდ იწვა. როდესაც გონს მოვიდა, იგი მეფის წინ მიიყვანეს და ჰკითხეს: „რა იყო ის, რაც შენ გუშინ დალიე და რას გრძნობდი მაშინ, როდესაც მას სვამდი?“ მან მიუგო: — „მე არ ვიცი, თუ რა დავლიე, მაგრამ ის კი შემიძლია ვთქვა, რომ იგი სასიამოვნო რამ იყო. აჰ, რომ შეიძლებოდა დღესაც მე საში ასეთი თასი მივიღო დასალევად! როდესაც პირველი თასი დავლიე, იგი მწარე იყო, მაგრამ როგორც კი სასმელმა მეტყელს მიაღწია, ჩემმა სხეულმა მეორე თასი მოითხოვა. როდესაც მე ესეც დავლიე, კმაყოფილებამ და სიხარულმა დაისადგურა ჩემს გულში. განაჩენის აჩრდილი მოსცილდა ჩემს თვალებს და ცხოვრება მსუბუქად წარმომიდგა. მე წარმოვიდგინე, რომ ჩემსა და მეფეს შორის არავითარი განსხვავება არ არის და ყველა ადამიანური მწუხარება მოსცილდა ჩემს გულს. ამის შემდეგ შეკავი მესამე თასი და სასიამოვნო ძილი დაჩქუფლა მე“.

შემირან მეფის სწავლულმა კაცებმა ამის შემდეგ აღიარეს ღვინის უპირატესობა ყველა სხვა საქმელ-სასმელთან შედარებით და მეფემაც მუდმივი წეს-ჩვეულების სახით შემოიღო ღვინის სმისა და ნაღიმების მოწყობა. აქედან, ამბობს ლეგენდა, ვაზის კულტურა შემდეგ სხვაგანაც გავრცელდა.

ბ. ჩელიგია

ურარტელთა უზენაესი ღვთაება იყო ხალდი. ხალდის კულტის უმთავრეს ცენტრად ითვლებოდა ქალაქი მუსასირი, რომელიც ვანის ტბის სამხრეთ-აღმოსავლეთით, დღევანდელი

როვანდუზის რაიონში მდებარეობდა. მუსასირში იყო ხალდის უმთავრესი ტაძარი, სადაც თაყვანისსაცემად ურარტუს ყოველი მხრიდან მოედინებოდა ხალხი. აქ ხშირად მოდიოდნენ ურარტუს მეფეებიც. ისინი აქ მსხვერპლს სწირავდნენ ღვთაებას, სწირავდნენ ათასგვარ განძეულობას, აშენებდნენ საკულტო ნაგებობებს, ხალდის ტაძარში დგამდნენ ხოლმე თავის ქანდაკებებს და სხვ. ხალდის ამ ტაძარში მდგარა ხალდის ქანდაკება—ღვთაების განსახიერება. როდესაც ასურეთის მეფე სარგონ II 714 წელს მუსასირი აიღო და დაარბია, მან ასურეთში წაიღო ხალდის ეს ქანდაკება, რაც ურარტუს უზენაესი ღვთაების დატყვევებას ნიშნავდა. ეს, როგორც ჩანს, დიდ უბედურებად ითვლებოდა, რაკი სარგონი ურარტუს მეფის რუსას თვითმკვლელობის ერთ-ერთ მიზეზად სწორედ მუსასირის აოხრებასა და „ხალდის წაყვანას“ (ე. ი. ასურელთა მიერ ხალდის ქანდაკების წაღებას) ასახელებს. არის ცნობები, რომ ხალდის კულტი ურარტელებს გარდა გავრცელებული ყოფილა ზოგ მეზობელ ტომში (ძველადმოსავლურ საზღვარში საერთოდ ჩვეულებრივი ამბავია საკუთართან ერთად მეზობელი ხალხების ღმერთების თაყვანისცემა).

ღვთაება ხალდი ცის ღმერთი იყო.

ურარტუს ღვთაებათა პანთეონში მეორე ადგილი ეკავა ღვთაება თეიშებას. იგი ამინდის, ქექა-ქუხილის, ქარიშხლის ღვთაება იყო. ურარტელების მონათესავე ხურიტებში ეს ღვთაება (რომელსაც ისინი „თეშუბ“-ს უწოდებდნენ) უმაღლესი ღვთაება იყო, საერთო ხურიტული პანთეონის სათავეში იდგა. ურარტელთა ღვთაება თეიშებას კულტის უმთავრესი ცენტრი იყო ქალაქი კუმენუ, რომელიც მუსასირივით ვანის ტბის სამხრეთით მდებარეობდა. მესოპოტამიის სემიტებთან (ბაბილონელებთან, ასურელებთან) ამ ღვთაების შესატყვისი იყო ღვთაება ადადი—ქექა-ქუხილის, ამინდის განმგებელი ღვთაება.

ურარტუს ღვთაებათა შორის მესამე ადგილზე იდგა მზის ღვთაება შივინი. ურარტელთა მონათესავე ხურიტებთან მზის ღვთაება მსგავს სახელს ატარებდა, „შიმიგი“ ერქვა. მესოპოტამიის პანთეონში (ბაბილონელებთან, ასურელებთან)

ამ ღვთაებას შეესატყვისებოდა მზის ღვთაება შაშაში. ურარტელთა მზის ღვთაება შივინის კულტის უმთავრესი ცენტრი ძველიდანვე იყო ქალაქი ტუშვა, რომელიც შემდეგში ურარტუს დედაქალაქი შეიქნა.

ეს სამი ღვთაება შეადგენდა ურარტელთა ღმერთების უზენაეს ტრიადას (სამებას). თავისი წარწერების შეურაცხმყოფელთა დასასჯელად ურარტუს მეფეები მოუწოდებდნენ ხოლმე მხოლოდ ამ ღვთაებებს, ონში წასვლის წინაც შველისათვის ისინი კონკრეტულად მხოლოდ ამ სამებას ასახელებენ.

სამივე ეს ღმერთი ცის ღმერთებად, ციურ ღვთაებებად ითვლებოდა. მეფე მენუა თავის ერთ-ერთ წარწერაში სწყევლის ყველა მას, ვინც მის წარწერას რაიმეს დაუშავებს და დამნაშავეის დასასჯელად მოუწოდებს ხალდს, თეიშებას, შივინის (და) „მიწის ღმერთებს“. როგორც ვხედავთ, პირველ სამს (რომელიც ციურ ღვთაებათა ჯგუფს ჰქმნიდა) უპირისპირებდნენ „მიწის ღმერთებს“, ე. ი. მიწიურ მოვლენათა განმასახიერებელ ღმერთებს.

ღვთაებათა ამ უზენაესი ტრიადის გვერდით ურარტელები თაყვანს სცემდნენ კიდევ ბევრ სხვა ღვთაებას. ურარტულ წარწერებში ათეულობით სხვადასხვა ღვთაება იხსენიება. ასე მაგალითად, თაყვანცემულნი იყვნენ ღმერთები: ხუტუინი, ტურანი, უა, ნალაინი, შებითუ, არსიმელა, ანაფშა, დედუაინი, შელარდი (მთვარის ღმერთი), ათბინი, კუერა, ურა, არციბედინი, არტუარასაუ, შუბა, ელია, თალაფურა, კილიბანი, აუი, აია, სარდი, ცინუიარდი, იფხარი, ბარცია, სილია, არა, ადია, უია, აინაუ, არდი, ინუანაუ და სხვ. ღვთაებათა სახით თაყვანცემული იყო, აგრეთვე „მიწა“, „მთა“, „ზღვა“, და სხვ.

ურარტუში ფართოდ გავრცელებული იყო ღვთაებებისათვის მსხვერპლის შეწირვა. შესაწირავს უმთავრესად პირუტყვი (ხარი ან ბატკანი) წარმოადგენდა, თუმცა როგორც წერილობითი წყაროები, ისე არქეოლოგიური გათხრების მასალები, შესაძლებელს ხდის ვიფიქროთ, რომ ურარტუში უნდა

ყოფილიყო, აგრეთვე, ადამიანის (ტყვეების) მსხვერპლად შეწირვის ჩვეულება.

ურარტუს ტერიტორია მოფენილი იყო ღვთაებათა (განსაკუთრებით უზენაესი ღვთაება ხალდის) ტაძრებით, საკულტო ნაგებობებით. საკულტო ადგილების ერთ-ერთ ძალზე გავრცელებულ სახეს წარმოადგენდა კლდეში გამოკვეთილი ნიშები.

ურარტული ხანის ზოგი ასეთი ნიშის შესახებ ხალხში შემდეგ მრავალი ლეგენდა შეიქმნა. ეს ითქმის, მაგალითად, ქალაქ ვანის მახლობლად კლდეში გამოკვეთილი დიდი ნიშის შესახებ, რომლის სიმაღლეც 5 მეტრს აღემატება. ნიშს კარის ფორმა აქვს და მის ერთ კედელზე ურარტუს მეფეების იშუუინისა და მენუას საკულტო შინაარსის ვრცელი წარწერაა ამოკვეთილი. ვანის მცხოვრებლები ამ ნიშს ჩვეულებრივ „მხერკაპუსის“ ეძახიან, რაც „მხერის კარს“ ნიშნავს. მის შესახებ ადგილობრივი მცხოვრებლები ევროპელ მოგზაურებს სხვადასხვა ლეგენდებს მოუთხრობდნენ.

ერთი ლეგენდა ამ „კარს“ (ნიშს) ჩობან-კაპუსის („მწყემსის კარს“) ეძახის და მოგვითხრობს, თუ რატომ მიიღო მან ეს სახელი. ამ ლეგენდის მიხედვით ერთ მწყემსს, რომელსაც დაუძინია ამ კლდესთან, სიზმარში შეუტყვია მაგიური სიტყვა, რომლითაც მას შეეძლო კლდეში შესვლა, სადაც თურმე დიდძალი განძეულობა ყოფილა შენახული. გახარებულ მწყემსს გამოეღვიძა და როდესაც წარმოსთქვა სიზმარში გაგებული მაგიური სიტყვა, უმალ მის წინაშე კლდეში კარი გაჩნდა და გამოჩნდა უზარმაზარი დარბაზი, აღსავსე ათასგვარი განძეულობით. როდესაც იგი ამ დარბაზში შევიდა, კლდე მის უკან მაშინვე დაიხურა. მწყემსმა მოაგროვა დიდძალი განძეული, რის წამოღებაც კი შეეძლო ტომრით, რომელიც თან ჰქონდა, წარმოსთქვა მაგიური სიტყვა და გამოვიდა კლდიდან. მაგრამ ამ დროს მას მოაგონდა, რომ კლდეში კომბალი დარჩა. მაშინ მან მესამედ წარმოსთქვა მაგიური სიტყვა; კლდეში მყოფი კარი კვლავ გაიღო მის წინ და ის შევიდა კლდეში. ამ ჯერაც, როგორც კი შევიდა იგი კლდეში, მის უკან კლდე კვლავ დაიხურა. მან მოძებნა თავისი კომბალი, მაგრამ ამასობაში

დაავიწყდა ის მაგიური სიტყვა, რომლითაც იღებოდა კლდე და გამოსვლა ველარ შესძლო. ერთგულმა ძაღლმა, რომელიც გარეთ დარჩა, დიდხანს უცადა პატრონს, შემდეგ კი წაიღო მწყემსის მიერ კლდიდან გამოტანილი ოქროულით სავსე ტომარა პატრონის სახლში და კლდესთან მწყემსის ცოლი მიიყვანა. ქალს ესმოდა კლდიდან თავისი ქმრის გულგამგშირავი ყვირილი, მაგრამ არაფრით არ შეეძლო ეშველა მისთვის. ლეგენდა ამბობს, რომ ზოგჯერ ახლაც ისმისო კლდეში შემწყვდეული მწყემსის ხმა.

ამ ლეგენდის მიხედვით, როგორც ვთქვით, ამ ნიშს „მხერკაპუსის“ გვერდით მეორე სახელიც, ჩობან-კაპუსი („მწყემსის კარი“) რქმევია. რაც შეეხება სახელწოდებას—„მხერის კარი“ (მხერ-კაპუსი)—იგი ურარტული დროის ამ საკულტო ძეგლს შერქმევია ლეგენდარული დევ-კაცის მხერის სახელის მიხედვით. ლეგენდა მოგვითხრობს, რომ ერთხელ, როდესაც მხერი თავისი მშობლების სასაფლაოზე მისულა, მას მამის სამაროდან ხმა მოსვლია—„გეყოფა, მხერ, სიარული ამ ქვეყანაზე... შენი ადგილია აკროპოჯს ქვა; როდესაც ქვეყნიერება დაინგრევა და კვლავ აღსდგება, თუ მაწა შესძლებს შენი ცხენის ზიდვას, ქვეყნიერება შენი იქნება“. მხერი გაეშართა ქალაქ ვანისაკენ. გზაზე მან ისარი სტუორცნა ყვავს, მაგრამ ვერ მოკლა, მხოლოდ დასჭრა. დაჭრილი ყვავის დევნისას მხერმა უცბად იგრძნო, რომ ხდება საოცარი რამ: მიწას ველარ უჭირავს გოლიათი მხერი. შემდეგ მხერი მივიდა ერთი მთის ძირას ვანის ახლოს და იქ შავი კლდე შენიშნა. მაშინ თქვა მხერმა:—„მოდე, დავკრავ მახვილს ამ კლდეს, თუ გაიპობა, ეს იმის ნიშანი იქნება, რომ მე უცოდველი ვარ, ხოლო თუ არ გაიპობა, ეს იმას ნიშნავს რომ ცოდვილი ვყოფილვარ“. როგორც კი დაჰკრა მან მახვილი კლდეს, კლდე მაშინათვე გაიპო ორად. მხერი თავისი ცხენით შევიდა კლდეში და მის უკან კლდე კვლავ შეიკრა. აქედან დაერქვაო ამ ადგილს „მხერის კარი“.

* *
*

თავის ღმერთებს ურარტელები გამოსახავდნენ ადამიანების სახით, თუმცა აქა-იქ ჩანს ნაშთები ძველი ტოტემური მდგო-

მარეობის—ცხოველთა ან ფრინველთა სახით გამოსახვისა (რქები, ფრთები იჩენს ხოლმე თავს აქა-იქ ღვთაებათა გამო-სახვისას).

ურარტული სახვითი ხელოვნების ძეგლებში დამოწმებულია ზოგი ისეთი კულტი, რომელიც არაა დამოწმებული წერილობითი წყაროების მიხედვით. ფართოდ გავრცელებული მოჩანს მაგალითად, წმინდა ხის კულტი. ურარტულ ბექდებზე გამოსახულია მრავალი სხვადასხვა რელიგიურ-მითოლოგიური სცენა. ფანტასტიური არსებები და სხვ. ურარტუში, რა თქმა უნდა, იქნებოდა მითები. მაგრამ ურარტული მითოლოგიისა ჩვენ არაფერი ვიცით, რაკი საამისო ძეგლებს ჩვენამდე არ მოუღწევიათ. როგორც ყველა ძველადმოსავლურ ქვეყანაში, ურარტუს რელიგიაშიც დიდი ზღვილი უნდა სჭეროდა მაგიას, მისნობას.

მიუხედავად იმისა, რომ ენობრივად, ეთნიკურად, ურარტუს იმპერიის მნიშვნელოვანი ნაწილი ერთმანეთთან ახლო მონათესავე ტომებს ეკავათ, იმპერიის ცალკეული რაიონების მოსახლეობა მაინც მნიშვნელოვნად განსხვავდებოდა ერთმანეთისაგან რელიგიური წარმოდგენების თუ კულტურის მხრით. ასე მაგალითად: ზემოთ ჩვენ დავინახეთ, რომ იმპერიის რელიგიურ ცენტრში, უზენაესი ღვთაება ხალდის კულტის უმთავრეს ცენტრ ქალაქ მუსასირში, უზენაესი ქალღმერთის სახით თაყვანსა სცემდნენ შუცხო, ირანული ტომის ღვთაება ბაგმაშ-თუს, რომელსაც ურარტუს ცენტრალური რაიონების მოსახლეობის პანთეონში ვერ ვხვდებით. ამას გარდა, ირკვევა, რომ იმპერიის ზოგი ნაწილის მოსახლეობაში მიცვალებულის კრემაციის (დაწვის) ჩვეულება იყო გავრცელებული, მაშინ როდესაც იმპერიის სხვა რაიონებში მიცვალებულის მიწაში დამარხვის ჩვეულებას ვხედავთ.

გ. დამწერლობა და მწერლობა

ურარტელებმა მეზობელი ასურეთიდან გადმოიღეს ლურსმული დამწერლობა. დასაწყისში ისინი ამ დამწერლობით სწერდნენ ასურულ ენაზე (ურარტუს ერთ-ერთი პირველი მე-

ფის სარდური ლუთიფრის-ძის წარწერები ასურულ ენაზე შედგენილი), მაგრამ უკვე მალე, ამავე სარდურის ვაჟის იშფუნის მეფობაში (IX საუკუნის დასასრული ჩ. წ-მდე) იწყება წერა ადგილობრივ, ურარტულ ენაზე. მაგრამ ამის შემდეგაც ურარტუს მეფეები ზოგჯერ თავის წარწერებს ორ ენაზე—ასურულსა და ურარტულზე ადგენდნენ.

ასურულ ლურსმულ დამწერლობაში, რომელიც ურარტელებმა შეითვისეს, უმარტივეს ელემენტს ლურსძის მოხაზულობის ნიშანი წარმოადგენს. ლურსმების სხვადასხვა კომბინაციით შედგენილია აქ 400-მდე სხვადასხვა ნიშანი, რომლებიც აღნიშნავენ ან ცნებებს (მაგალითად: „ღმერთი“, „ქვეყანა“, „ქალაქი“, „მდინარე“, „წყალი“...), ან მარცვლებს თუ ცალკეულ ხმოვნებს. ამასთანავე, ამა თუ იმ ნიშანს შეიძლება ჰქონდეს როგორც იდეოგრაფული (ე. ი. ცნების აღმნიშვნელი), ისე ფონეტიკური (მარცვლის ან ხმოვანი ბგერის) აღმნიშვნელი რამდენიმე ღირებულება. არის ამ დამწერლობაში კიდევ ე. წ. დეტერმინატივები, ნიშნები, რომლებიც ისმის გარკვეული კატეგორიის სახელების წინ (მაგალითად, ქვეყნების სახელების წინ დაისმის ხოლმე ქვეყნების სახელთა დეტერმინატივი, ღმერთების სახელთა წინ ღვთაებათა სახელების დეტერმინატივი და სხვ.). ურარტელებმა, შეითვისეს რა ასურელებისაგან ეს ლურსმული დამწერლობა, საკმაოდ გაამარტივეს იგი: მაშინ, როდესაც ასურულ ლურსმულ დამწერლობაში ამა თუ იმ ნიშანს შეიძლება ჰქონდეს ათზე მეტი სხვადასხვა მნიშვნელობა (სხვადასხვა მარცვლის აღნიშვნა ან სხვადასხვა ცნების აღნიშვნა), ურარტულ დამწერლობაში ამა თუ იმ ლურსმულ ნიშანს აქვს ჩვეულებრივ ერთი ან ორი მნიშვნელობა. ამასთანავე ურარტულში გადმოსული ნიშნების რიცხვიც ბევრად უფრო მცირეა, ვიდრე მათი რიცხვი ასურულში. ურარტელებმა მხოლოდ ნიშნების გარკვეული ოდენობა ისესხეს და არა ყველა ნიშანი. ნიშნების მოხაზულობაშიც ურარტელებმა რიგი ცვლილებები შეიტანეს.

ურარტელები უმთავრესად ქვაზე სწერდნენ: ჩვენამდე მოღწეული ურარტული წარწერების უდიდესი ნაწილი კლდეებზე ან ქვებზეა ამოკვეთილი. ბოლო ხანებში წარმოებულნი გათხრების

შედგად მოპოვებული მასალა საშუალებას იძლევა ვიფიქროთ, რომ ფართოდ გავრცელებული ყოფილა წარწერების გაკეთება აგრეთვე სხვადასხვა ნივთებზე, საქმიანი ურთიერთობის მიზნებისათვის კი გამოყენებული ყოფილა თიხის ფირფიტებზე წარწერების კეთება.

ურარტელებიდან მოღწეული წარწერების ოდენობა ოთხასამდე აღწევს. მათი უდიდესი ნაწილი ურარტუს ამა თუ იმ მეფის სახელით შედგენილ ტექსტს წარმოადგენს. ურარტუს მეფეთა წარწერები ძირითადად სამი სახისაა: საომარი, საღმშენებლო და საკულტო. ურარტუს მეფეთა საომარი და საღმშენებლო წარწერები ღვთაებისათვის ანგარიშის ჩაბარების სახეს ატარებდნენ: მეფე აცნობდა ღვთაებას მისი მეოხებით ან მისთვის ჩადენილ საქმეებს (უცხო ქვეყნების დაპყრობა, რაიმეს აგება და სხვ.).

ამასთანავე, ურარტუს ტერიტორიაზე მრავლად ვხვდებით წარწერიან სტელებს, სადაც არც ომზეა ლაპარაკი და არც აღშენებლობაზე, არამედ უბრალოდ ნათქვამია, რომ ამა და ამ მეფემ დაუდგა ეს სტელა ამა და ამ ღვთაებას ამ მეფის „სიცოცხლისა, სიხარულისა (და) დიდებისათვის“. წარწერიანი სტელა ურარტუში, როგორც ჩანს, გამოყენებული იყო ღვთაებისადმი ერთგვარი ლოცვისათვის, მისგან წყალობის გამოსათხოვად. არის ისეთი წარწერიანი სტელებიც, სადაც ლაპარაკია მარტოოდენ ამა თუ იმ ღვთაებისათვის სტელის (წარწერის) დადგმაზე, ხოლო მიზანი (ღვთაებისათვის წყალობის თხოვნა) უკვე აღარაა აღნიშნული (ეტყობა თავისთავად იგულისხმებოდა). როგორც ჩანს, წარწერიან სტელას ურარტუში გარკვეული საკულტო დანიშნულება ჰქონდა: წარწერები კეთდებოდა ღვთაებისათვის მოწყალებისა და მფარველობის თხოვნის მიზნით; თუ წარწერა მოუთხრობდა მეფის მიერ წარმოებულ აღშენებლობებზე და დაპყრობებზე, იგულისხმებოდა, რომ ყოველივე ეს მეფემ ღვთაებისათვის მოიმოქმედა, ამიტომ აცნობს იგი ღვთაებას თავის დამსახურებას მის წინაშე; ან უბრალოდ სტელის დადგმა იმის აღნიშვნით, თუ რომელმა მეფემ დაუდგა რომელ ღვთაებას, ეტყობა, საკმარისი იყო ღვთაების წყალობის, მფარველობის უზრუნველ-

საყოფად. დამწერლობას ურარტუში ძირითადად (უფრო მეტად ადრეულ ხანებში), ეტყობა, საკულტო-რელიგიური დანიშნულება ჰქონდა.

ურარტუს მეფეთა (განსაკუთრებით საისტორიო: საომარი და სააღმშენებლო) წარწერები თავისი სტილით ძალზე ჰგვანან ასურეთის მეფეთა წარწერებს. ურარტუს მეფეებმა დამწერლობასთან ერთად, როგორც ჩანს, ასურეთიდან გადმოიღეს საისტორიო მწერლობის სტილიც. ერთგვარია, პირველყოვლისა, ურარტული და ასურული საომარი და სააღმშენებლო წარწერების აგებულება, სახელდობრ: ასურულ წარწერებში: 1) თხრობა ღვთაებათადმი რელაციებით იწყება; 2) მერე მოდის წარწერის ავტორის—მეფის ხობტა (მისი ტიტულატურა, გენეალოგია); 3) შემდეგ გადმოცემულია ამბავი: ომი, ნადირობა ან აღმშენებლობა; 4) წარწერას ამთავრებს წარწერის პატივისმცემლის დალოცვისა და შეურაცხყოფელის წყევლის ფორმულა. ურარტულ წარწერებშიც: 1) თხრობა ღვთაებისადმი რელაციით, ღვთაების მოხსენიებით იწყება; 2) მერე გადმოცემულია ამბავი: ომი ან აღმშენებლობა; 3) ამას ზოგჯერ მოსდევს წარწერის ავტორის—მეფის ხობტა (ტიტულატურა—გენეალოგიით მისი დასახელება); 4) წარწერას ამთავრებს წარწერის შეურაცხყოფელის წყევლის ფორმულა.

ამრიგად, ურარტული და ასურული საისტორიო წარწერების აგებულება ძირითადად ერთნაირია, თუმცა ურარტული წარწერები ზოგ თავისებურებას მაინც ავლენენ ასურულთან შედარებით.

სხვა მხრივაც ჩანს მათ შორის სიახლოვე: როგორც ასურულში (მასზე უფრო მეტადაც), ურარტულ წარწერებშიც ტრაფარეტი ბატონობს. არის ტრაფარეტული ფრაზების მთელი კომპლექსი, რომელიც საუკუნეთა მახდობზე, სხვადასხვა მეფის წარწერებში, უცვლელად მეორდება. როდესაც ვლაპარაკობთ ურარტულ წარწერათა სტილის შესახებ, უნდა გვახსოვდეს, რომ აქ ჩვენ საქმე გვაქვს უკვე ურარტული მწერლობის განთიადზე (იშფუინი—მენუას ხანაში) შემუშავებულ ტრაფარეტთან, რომელიც ძირითადად ძალაში რჩებოდა

ურარტუს ისტორიის სულ უკანასკნელ ხანებამდე. მართალია, მოგვიანო ხანებში თითქოს თავს იჩენს ამ ტრაფარეტულადან თავის დაღწევის ცალკეული ცდები, მაგრამ ძველი ტრაფარეტი მაინც ბოლომდე განაგრძობს არსებობას.

კონკრეტულადაც ურარტულ წარწერათა ტრაფარეტული ფრაზეოლოგია ძალზე ახლო დგას ასურული წარწერების ფრაზეოლოგიასთან. ურარტულ წარწერათა ტრაფარეტული ფორმულები ხშირად სათანადო ასურული გამოთქმების მექანიკურ გადმოღებას, პირდაპირ თარგმანს წარმოადგენენ. ასე მაგალითად: მექანიკურადაა შეთვისებული ასურულიდან მეფეთა ტიტულატურა, წარწერათა დამაბოლოებელი წყევლის ფორმულა და სხვ. საომარი მოქმედებისა თუ სააღმშენებლო საქმიანობის გადმომცემი ტრაფარეტული გამოთქმებიც ხშირად ასურული ფრაზების თარგმანს წარმოადგენენ.

ასურული საისტორიო წარწერების მხრით ასეთი ძლიერი გავლენის განხორციელება ურარტული წარწერების სტილის შემუშავებაზე შესაძლებელი გახდა იმიტომ, რომ ძალიან დიდი იყო ნათესაობა ამ ორ სახელმწიფოს შორის (ორივეგან ჩვენ სამხედრო-პარაზიტულ, მონათმფლობელურ სახელმწიფოსთან ვვაქვს საქვე)—ერთნაირი იყო ორივეგან ღვთაების ადგილი ხალხის საზოგადოებრივ და სულიერ ცხოვრებაში, ძირითადად ერთნაირი ხელისუფალნი იყვნენ ასურეთისა და ურარტუს მეფეები (მხედართმთავარი, თვითმპყრობელი, დესპოტი), ერთნაირი იყო ასურეთისა და ურარტუს მეფეთა საომარი ექსპედიციების ხასიათი, მიზანი და სხვ.

ყურადღებას იქცევს ის გარემოებაც, რომ ურარტული წარწერების სტილში შეინიშნება ზოგი სიახლოვე ხეთურ საისტორიო წარწერათა სტილთანაც. შეიძლება მივუთითოთ მთელ რიგ ურარტულ ტრაფარეტულ ფორმულებზე, რომლებითაც ურარტული წარწერები უფრო მეტ სიახლოვეს იჩენენ ხეთურთან, ვიდრე ასურულთან. რა თქმა უნდა, აშკარად ჩანს, რომ ურარტულ საისტორიო წარწერათა სტილის შემუშავებაში გადამწყვეტი როლი ასურულ გავლენას ეკუთვნის, მაგრამ გამორიცხული არ არის აქ უშუალოდ ხეთურ ან უფრო მეტად ხურიტულ სამყაროდან მომდინარე გავლენის არსებობაც.

შესაძლებელია, რომ ურარტულ ქურუმთა გარკვეულ წრეებში ჯერ კიდევ ცოცხლობდა ძველი ხურიტული ან ხეთური მწერლობის ტრადიციები. როგორც ფიქრობენ, თვით ასურული საისტორიო წარწერების სტილიც ხეთური გავლენითაა შემუშავებული. თვით მესოპოტამიაში (ძველ ბაბილონეთში) ამ მხრივ ასურულ საისტორიო თხრობას წინაპარი არ ეძებნება. მაგრამ ხეთურ და ასურულ საისტორიო თხრობას შორის მაინც მნიშვნელოვანი განსხვავება ჩანს. ასურული საისტორიო თხრობა მუდამ ატარებს მითიურ-ეპიკურ სახეს, რასაც ხეთებთან ვერ ვხვდებით. ამიტომაც ფიქრობენ, რომ ამ სფეროში ხეთებსა და ასურელებს შორის სავარაუდებელია შუამავლის არსებობა და ასეთ შუამავლებად ხურიტები მიაჩნიათ. შესაძლებელია, ხეთებიდან ხურიტების გზით მომდინარე გავლენა პირდაპირ თავს იჩინოს აგრეთვე ურარტულ მწერლობაშიც.

III. ნაირი-უჩაჩვუს მხარე უჩაჩვუს სამეფოს დასამის შემდეგ

1. ძარტველი ტომები უჩაჩვუს სამეფოს არსებობის ხანაში

ქართველი ტომები უძველეს დროიდან ცხოვრობდნენ დღევანდელ საქართველოს ტერიტორიაზე. ქართველთა მონათესავე ხალხები ძველადმოსავლურ ხანაში საზღვრეთითაც იყვნენ ფართოდ გავრცელებული—ძველი აღმოსავლეთის ბევრი დიდი სახელმწიფოს შემქმნელი ხალხები (სუმერები, ხეთების გარკვეული ნაწილი, ხურიტები, ურარტელები, ელამელები და სხვ.) ეთნიკურად (ენით, კულტურითა და ფიზიკური აღნაგობით) დღევანდელი ქართველი და ჩრდილო-კავკასიური ტომების მონათესავენი უნდა ყოფილიყვნენ. მეცნიერთა მიერ შენიშნულია ბევრი ისეთი ფაქტი ქართულ ენასა და ქართველი ტომების მატერიალურ თუ სულიერ კულტურაში, რომელიც ქართველი ხალხის ამ ძველადმოსავლურ ხალხებთან მონათესაობაზე მეტყველებს. მაგრამ ამ დარგში ჯერ კიდევ ძალიან ბევრია გასაკეთებელი მეცნიერების სხვადასხვა დარგის მუშაკების—ენათმეცნიერების, არქეოლოგების, ეთნოგრაფების, ისტორიკოსების მიერ, რომ უფრო მკაფიოდ გამოვლინდეს ქართველი ხალხის მონათესაობა ძველი აღმოსავლეთის ამ ხალხებთან.

უკვე ძველადმოსავლურ ხანაში, დიდი ხეთურ-სუბარული სახელმწიფოების არსებობის ხანაში, ამიერ-კავკასიაში მცხოვრებ ქართველ ტომებს უნდა ჰქონოდათ თავისი ენობრივ-ტომობრივი ინდივიდუალობა, რაც მათ განასხვავებდა ძველი აღმოსავლეთის მონათესავე ხალხებისაგანაც კი.

საქართველოს ტერიტორიაზე წარმოებული არქეოლოგიური გათხრები გვიჩვენებს, რომ II--I ათასწლეულში ჩ. წ.-მდე ქართველმა ტომებმა საკუთარი მაღალგანვითარებული კულტურა შექმნეს ამიერ-კავკასიის ტერიტორიაზე. კულტურულად განსაკუთრებით დაწინაურდნენ ქართველი ტომები II ათასწლეულის დასასრულისათვის, როდესაც საქართველოს ტერიტორიაზე შეიქმნა თავისებური, მაღალგანვითარებული ბრინჯაოს კულტურა. ამ დროს აქ ორი დიდი კულტურული წრე ჩამოყალიბდა: დასავლურ-ქართული და აღმოსავლურ-ქართული. საქართველოს გარდა ამ მაღალგანვითარებული კულტურის გავლენის სფეროში ექცევა სხვა ტომებით დასახლებული ზოგი მეზობელი ადგილი. საყურადღებოა, მაგალითად, რომ სამხრეთ ამიერ-კავკასიის იმ რაიონების მოსახლეობა, რომელიც ურარტუს იმპერიის ფარგლებში შედიოდა, თავისი კულტურით უფრო ჩრდილოეთის ჩართულ რაიონებთან ამკლავნებს სიახლოვეს, ვიდრე სამხრეთის ხური-ურარტულ რაიონებთან, მიუხედავად იმისა, რომ ენობრივად, ეთნიკურად, ამ ადგილების მოსახლეობა, როგორც ზემოთ აღვნიშნეთ, ახლო უნდა მდგარიყო სწორედ სამხრეთის ხური-ურარტულ მოსახლეობასთან. ეტყობა, რომ ვიდრე ეს ადგილები ურარტუს სახელმწიფოს ფარგლებში მოექცეოდა, ამ ადგილების მოსახლეობა ჩრდილოეთით არსებულ მსხვილ ქართულ გაერთიანებათა კულტურული და პოლიტიკური გავლენის სფეროში იმყოფებოდა.

ქართველი ტომების ეს მსხვილი გაერთიანებები, რომლებიც II ათასწლეულის დასასრულსა და I ათასწლეულის პირველ ნახევარში არსებობდნენ საქართველოს ტერიტორიაზე, ეტყობა, მნიშვნელოვან ძალას წარმოადგენდნენ. მათი წინააღმდეგობის გატეხვა ვერ მოახერხეს ურარტუს ძლევამოსილი სახელმწიფოს მეფეებმა. მართალია, IX—VII საუკუნეებში ურარტუს მეფეებმა შესძლეს ქართველი ტომების პოლიტიკური გავლენის სფეროდან გამოეგლიჯათ სამხრეთ ამიერ-კავკასიის მთელი რიგი რაიონები (სევანის ტბის რაიონი, არარატის ველი, ლენინაკანისა და ყარსის რაიონები და სხვ.), მაგრამ ამაზე უფრო,

ჩრდილოეთით მათ წამოსვლა ვერ შეძლეს, რა თქმა უნდა, სწორედ ქართული გაერთიანებების მიერ მათთვის გაწეული გადამწყვეტი წინააღმდეგობის გამო.

2. სპიითურ-ხარმატული მოღვმის ტომები ამიერ-კავკასიაში

ამრიგად, ამიერ-კავკასიაში მცხოვრებ ქართველ ტომებს II—I ათასწლეულში სამხრეთიდან ეკვროდა ეთნიკურად მათი მონათესავე ხური-ურარტული მოსახლეობა. ჩრდილოეთითა და აღმოსავლეთით ამავე ხანებში ქართველი ტომების მეზობლად ცხოვრობდნენ ჩრდილო-კავკასიური მოღვმის ტომები.

სამხრეთ რუსეთისა და ჩრდილოეთ კავკასიის ველებზე მცხოვრებ ტომებს ძველი ბერძენი და რომაელი მწერლები „სკვითებს“, „კიმერიელებს“ ან „სარმატებს“ ეძახდნენ. ეს სახელები და, პირველ ყოვლისა, მათ შორის ყველაზე უფრო გავრცელებული სახელი „სკვითი“ არაა ტომობრივად ერთი რომელიმე ხალხის სახელწოდება. ესაა კრებითი სახელები, რომელთა ქვეშ იგულისხმება სულ სხვადასხვა მოღვმის ტომები. როგორც ირკვევა, განსაკუთრებით განსვენებული აკად. ივ. ჯავახიშვილის ბრწყინვალე გამოკვლევებით, ეს სახელები, პირველ ყოვლისა „სარმატების“ სახელწოდება, ძირითადად ჩრდილო-კავკასიური, ადიღურ-ჩაჩნურ-ლეკური მოღვმის ტომებს გულისხმობს. ამ ტომების უმთავრესი საცხოვრებელი ადგილი ძველ დროშივე კავკასიონის ჩრდილოეთით მდებარე ქვეყანა იყო, სადაც ისინი ძალზე დიდ ტერიტორიაზე იყვნენ გავრცელებული. ზოგიერთი მეცნიერი ფიქრობს, რომ ეს ჩრდილო-კავკასიური ტომები აქ კავკასიის სამხრეთით მდებარე ადგილებიდან უნდა გადასახლებულიყვნენ. მაგრამ, არქეოლოგიური მასალა, რომელიც ჩრდილოეთ კავკასიის ტერიტორიაზე ადგილობრივ, შორეული სამხრეთის რაიონებისაგან განსხვავებულ, განვითარების უწყვეტ ჯაქვს ავლენს, ეწინააღმდეგება ამ მოსაზრებას. ეს მასალა შეუძლებელს ხდის, შედარებით გვიანდელი ხანისათვის მაინც, მაგალითად II—I ათასწლეულისათვის ჩ. წ-მდე, სამხრეთი-

დან—დიდ ძველადმოსავლურ სახელმწიფოთა რაიონიდან—
კავკასიონის იქითა მხარეს ხალხთა დიდი მასების გადასახლე-
ბა დაეუშვათ.

მაგრამ უკვე უძველეს ხანებში ჩრდილო-კავკასიური ტომე-
ბი კავკასიონის ჩრდილოეთ მხარის გარდა გავრცელებული
ჩანან ამიერ-კავკასიის მთელ რიგ რაიონებში და კიდევ უფრო
სამხრეთითაც.

ეს ტომები კავკასიონის აქეთა მხარეზე მეტწილად სწო-
რედ ჩრდილო კავკასიიდან გადმოსროლილი ჩანან სხვადასხვა
დროს. კავკასიონის იქითა მხარე სისტემატურად ისროდა
სამხრეთით ხალხთა ასეთ ტალღებს. ზოგჯერ ამას დიდი
შეშოშოვების, ზოგჯერ კიდევ პატარ-პატარა ჯგუფების გად-
მოსვლის სახე ჰქონდა. ჩ. წ-მდე VIII საუკუნიდან და-
წყებული, კავკასიონის იქითა მხარიდან ხალხთა მრავალი
ასეთი ტალღის გადმოსროლა კარგადაა დამოწმებული წე-
რილობითი წყაროებითაც. მაგრამ ასეთსავე გადმოსვლებს
ადგილი ჰქონდა, უეჭველია, უფრო ადრეც. კერძოდ,
ჩრდილო კავკასიიდან სამხრეთისაკენ ხალხთა მნიშვნელოვანი
ნაკადის გადმოსროლა უნდა მომხდარიყო უკვე II ათასწლეუ-
ლის შეახანებში ჩ. წ-მდე. ამ ამბავს უკავშირდება ამიერ-
კავკასიის სამხრეთით მდებარე ადგილებში ჩრდილო-კავკასი-
ური მოდგმის ტომების გაჩენა, რომელთაც ჩვენ ვხვდებით აქ
II ათასწლეულის მე-2 ნახევარსა და I ათასწლეულის 1-ლ
ნახევარში. ხეთების მეფეებს, მაგალითად, XIV—XIII საუკუ-
ნებში დიდი ბრძოლები ჰქონდათ მათი სამეფოს ჩრდილოე-
თით, შავი ზღვის სამხრეთით, დამკვიდრებულ ქაშქების ხალხ-
თან, რომელიც სწორედ ჩრდილო-კავკასიური წარმოშობისა
უნდა ყოფილიყო. ეს ხალხი ასურულ წყაროებში ხან „ქაშქა“-სა
და ხან „აბეშლა“-ს სახელით იხსენიება. ორივე ეს სახელი მათ
ჩრდილო-კავკასიურ ტომებთან აახლოვებს: ჩერქეზებს მეზობლე-
ბი გვიანდელ ხანაში „ქაშაგ“-ებს ეძახდნენ, ხოლო დღევანდე-
ლი აფხაზეთის ტერიტორიაზე ანტიკურ ხანაში ჩვენ ვხვდებით,
როგორც ჩანს აგრეთვე ჩრდილო-კავკასიური მოდგმის,
ტომს—აფშილებს. ან კიდევ: „წოვ“-ების ჩაჩნური ტომის სა-
ხელს ჩვენ I ათასწლეულის პირველ ნახევარში, ასურეთისა და

ურარტუს ხანაში, ვხვდებით ამიერ-კავკასიის სამხრეთით, ჩრდილო მესოპოტამიის ერთ-ერთი ქვეყნის სახელად (ურარტული წარწერების „ცოფ.ანი“, სომხური წყაროების „წოფქ“) და სხვ.

ჩრდილო კავკასიიდან გადმოხული ეს ტომები ალაგ-ალაგ სახლდებოდნენ ამიერ-კავკასიის, კერძოდ საქართველოს, ტერიტორიაზეც. არა ერთ მკვლევარს, მათ შორის აკად. ივ. ჯავახიშვილსა და აკად. ს. ჯანაშიას, აღნიშნული აქვს, რომ საქართველოს ბევრი სხვადასხვა ადგილისა თუ მდინარის სახელწოდება ჩრდილო კავკასიური ენებით შეიძლება აიხსნას. ეს სახელები, ეტყობა, ჩრდილო-კავკასიური წარმოშობის ხალხმა დატოვა აქ, რომელიც ალაგ-ალაგ საქართველოს ტერიტორიაზეც ცხოვრობდა. შემდეგში ყველა ისინი ამა თუ იმ ქართველ ტომში გაითქვიფნენ და გაქართველდნენ.

ჩრდილო-კავკასიური ტიპის ადგილთა სახელები ბლომადაა საქართველოს გარდა ამიერ-კავკასიის სხვა რაიონებშიც. განსაკუთრებით კომპაქტური მასის სახით ამიერ-კავკასიაში ჩრდილო-კავკასიური ტომები დამკვიდრებულან აღმოსავლეთ ამიერ-კავკასიაში, დღევანდელი საბჭოთა აზერბაიჯანის ტერიტორიაზე, როშელსაც ძველი ბერძნები და რომაელები თავის ნაწერებში ალბანეთს უწოდებდნენ. ბევრი მკვლევარი ფიქრობს, რომ ძველი ალბანელები ჩრდილო-კავკასიური მოდგმის ხალხი უნდა ყოფილიყო. როგორც ალბანეთის, ისე ამიერ-კავკასიის ბევრ სხვა ადგილას, ჩვენ გვიანდელ ხანაში ვხვდებით ცალკეული ოლქების არა ერთ სახელწოდებას, რომელიც ამა თუ იმ ჩრდილო-კავკასიურ ტომის სახელს უკავშირდება (მაგალითად, სახელები შირაქი, ნახიჩევანი, შაკაშენი და სხვა). ფიქრობენ, რომ აქ სწორედ ჩრდილო-კავკასიურ ტომებს უნდა ეცხოვრათ.

ამიერ-კავკასიასა და კიდევ უფრო სამხრეთით ჩრდილო-კავკასიური ელემენტების მნიშვნელოვანი ნაწილის გაჩენა უკავშირდება VIII—VII საუკუნეებში კავკასიონის იქითა მხრიდან ხალხთა დიდი მასების გადმოსვლას, რომელთაც ძველი დროის ავტორები კიმერიელებსა და სკვითებს უწოდებენ. ეს ხალხები ამიერ-კავკასიაზე გამოვლით შეესივნენ წინა აზიას,

მათ მკვირე აზიის დასავლეთ საზღვრებს მიაღწიეს, სირია-პალესტინაშიც კი შეიჭრნენ და ეგვიპტის საზღვარს მიაღწენ. სკვით-კიმერიელებს, უეჭვლია, შეუერთდნენ ამიერ-კავკასიის ტომებიც, რამაც ეს შემოსევა კიდევ უფრო გააძლიერა. ჩრდილოეთიდან შემოსეული ეს ხალხები მალე დასახლდნენ სამხრეთის სხვადასხვა ადგილას, მათ შორის ამიერ-კავკასიასა და მის სამხრეთით მდებარე ზოგ პუნქტში.

VIII საუკუნიდან მოყოლებული სკვითები დიდ როლს თამაშობდნენ წინა აზიის პოლიტიკურ ცხოვრებაში. ეს უმთავრესად იმიტომ მოხდა, რომ სკვითების რაზმების გამოყენებას ურთიერთის წინააღმდეგ ხელი მიჰყვეს ძველადმოსავლურმა სახელმწიფოებმა. ჩვენ გვაქვს ცნობები, რომ ასეთ ცდებს ადგილი ჰქონია ასურეთის, მიდიის, ურარტუს, მანას მეფეთა მხრით. მანას მეფეებმა, კერძოდ, რომლებმაც მრავლად დაასახლეს სკვითები თავის სამეფოს ტერიტორიაზე, სკვითების რაზმები თავის სამსახურში ჩაიყენეს და ამით დიდ წარმატებას მიაღწიეს—VII საუკუნეში მანა ნაირი-ურარტუს მხარეში უძლიერესი ერთეული გახდა, რომელიც ამ დროს თავისი ძლიერების მწვერვალზე მყოფ ასურეთსაც კი ავიწროებდა. ასევე, სკვით-კიმერიელთა დაქირავებულ რაზმებს ჩვენ ვხვდებით VII საუკუნეში ურარტუშიც.

ამრიგად, სკვითები მარტო დამპყრობელებად როდი მოეგლინენ წინა აზიას, ისინი დიდ როლს თამაშობდნენ უმთავრესად როგორც ამა თუ იმ მსხვილი გაერთიანების ხელისუფლების დაქირავებული რაზმები. სკვითების ასეთი რაზმები, ეტყობა, ქართველ ტომთა გაერთიანებებშიც გაჩენილა. სკვითების შეიარაღებისათვის დამახასიათებელ ნივთებს ჩვენ ამ დროს ბევრ სამარხში ვხვდებით საქართველოს ტერიტორიაზეც, მათ შორის აღმოსავლეთ საქართველოს გულშიც, მცხეთის რაიონში. აქ გათხრილ ამ დროის ზოგ სამარხში მიცვალებულისათვის ჩატანებული თითქმის ყველა ნივთი „სკვითურია“. ამრიგად ძველადმოსავლური სახელმწიფოების დაცემის ეპოქაში საქართველოს ტერიტორიაზე არსებულ ქართულ გაერთიანებებში ჩვენ სკვითების რაზმებსაც ვხვდავთ, რომლებიც ამ გაერთი-

ანებათა სამსახურში იყვნენ ჩაყენებულნი. ქართულ გაერთიანებებთან ერთად ამ სკვითებმაც აქტიური მონაწილეობა მიიღეს ურარტუს სამეფოს განადგურების საქმეში.

8. სამხრეთ ამიერ-კავკასიის ურარტული ცენტრების განადგურება და დიდი აღმოსავლურ-ქართული გაერთიანებების ჩამოქაღალიზება

როგორც ვთქვით, უკვე ურარტუს სამეფოს არსებობის ხანაში სამხრეთ ამიერ-კავკასიაში დამკვიდრებულ ურარტელებს ბრძოლები უნდა ჰქონოდათ ჩრდილოეთის დიდ ქართულ გაერთიანებებთან და ამ უკანასკნელთა მიერ გაწეული წინააღმდეგობის გამო ვერ შესძლეს სევანის ტბის, ლენინაკანისა და ყარსის რაიონების ჩრდილოეთით გადმოსვლა, სადაც ეტყობა გადიოდა ამ დროს აღმოსავლურ-ქართულ გაერთიანებათა მიერ დაკავებული ტერიტორიის სამხრეთი საზღვარი. მას შემდეგ, რაც VI საუკუნის დასაწყისში მიდიელებმა დაარბიეს ურარტუს ცენტრალური რაიონები, აღმოსავლურ-ქართულ გაერთიანებებს ხელ-ფეხი გაეხსნათ სამხრეთის მიმართულებით შეტევისათვის. ამის შემდეგ ისინი აღვილად ეუფლებიან ურარტუს ჩრდილოეთ პროვინციებს.

უკანასკნელ ხანებში წარმოებული არქეოლოგიური გათხრებით კარგად ჩანს, რომ მაშინ, როდესაც მიდიელებმა დაარბიეს ურარტუს სამხრეთი რაიონები, ურარტუს ჩრდილოეთ რაიონებში, სამხრეთ ამიერ-კავკასიაში, ურარტული ცენტრები სწორედ ჩრდილოეთიდან ამოძრავებულ ხალხებს უნდა გაენადგურებინათ. ურარტელთა ციხე-ქალაქ თეიშებაინის (რომელიც ერენის მახლობლად, დღევანდელ კარმირ-ბლურის გორაკზე იმყოფებოდა) გათხრებით კარგად ჩანს, თუ რა სასტიკად დაუზრებიათ ჩრდილოეთიდან მოსულ მტრებს ურარტელთა ეს ერთ-ერთი უმნიშვნელოვანესი ცენტრი სამხრეთ ამიერ-კავკასიაში.

გათხრებისას აღმოჩენილი მცენარეულის ნაშთებით ირკვევა, რომ მტრები ამ ქალაქს აგვისტოს პირველ რიცხვებში დასხმიან თავს. არის ნიშნები, რომ მტრები ღამით მოულოდ-



კარმირ-ბლურის გათხრები. 1949 წელს გათხრილი ლეინის
დიდი მარანი

ნელად დასხმიან თავს ციხე-ქალაქს. იერიშის წინ მათ ცეცხლ-
წამკიდი ისრები დაუშენიათ, რითაც ცეცხლი წაჰკიდებია ცი-
ხე-სიმაგრის ეზოში მყოფ საცხოვრებლებს. მათი სახურავები,
რომელიც ხის მასალიდან იყო გაკეთებული, მალე დამწვარა,
ჩაქცეულა და თავის ქვეშ მოუყოლებია ყველაფერი, რაც კი
ამ სახლებში იყო. ცეცხლი წაჰკიდებია, აგრეთვე ურარტე-
ლი მმართველის სასახლეს, გაჩენილა ისეთი საშინელი ხანძარი,
რომ კერამიკულ ნაწარმსაც კი დნობა დაუწყია. ხანძრის დროს
სასახლის სახურავზე თავისი სადგომებიდან გამოსულ პი-
რუტყვს დაუწყია სირბილი, მაგრამ სახურავის ჩაქცევასთან
ერთად ეს პირუტყვიც ჩაცვივნულა ძირს და ცეცხლში დაღუ-
პულა. მრავალ ადგილას პოულობენ ცხენებისა და სხვა პირუ-
ტყვის ცეცხლში დამწვარ ჩონჩხებს. აქვე ხშირად ხვდებიან
მოკლული ადამიანების ჩონჩხების ნაშთებსაც. მთელი სასახლე
საშინელმა ხანძარმა შთანთქა. სახურავებთან ერთად აქ ბევ-
რი კედელიც ჩამოინგრა და ყველაფერი, რაც ოთახებში იყო,
მოიყოლა. ამიტომაც, რომ დღეს ამ გათხრების დროს თით-
ქმის ყველაფერს პოულობენ იმ მდგომარეობაში, როგორშიც
ისინი ციხე-სიმაგრეზე მტრების თავდასხმის დროს ყოფილან.
ხანძარს აქ ისეთი ძალით უმძვინვარია, რომ დღეს გათხრებზე
მომუშავე ბუნები ყოველდღე ტომრობით ეზიდებიან ხოლმე
სახლში ამ 2500 წლის წინათ აქ ძლიერი ცეცხლისაკან ნახში-
რად ქცეულ ურარტული სასახლის ხის ნაწილებს.

გათხრების დროს დიდი რაოდენობით იქნა ნაპოვნი „სკვი-
თური ტიპის“ ისრისპირები, ამასთანავე ჩანს, რომ ისინი
მტრებს ეკუთვნოდა, რაც იმას მოწმობს, რომ ამ ურარტული
ციხე-სიმაგრის განადგურებაში სკვითებსაც მიუღიათ მონაწი-
ლეობა.

ამრიგად, VI საუკუნის დასაწყისში ამიერ-კავკასიაში ურარ-
ტული ციხე-სიმაგრეები უნდა გაენადგურებინათ ჩრდილოე-
თის ქართულ გაერთიანებებს მათ სამსახურში მყოფ სკვითე-
ბის რაზმებთან ერთად. ამის შედეგად ჩვენ ვხედავთ, რომ
აღმოსავლურ-ქართულ გაერთიანებათა ფარგლებში მოექცა
ძველი ურარტუს იმპერიის ბევრი რაიონი და თვით ქართვე-
ლი ტომებიც საპხრეთით შორს მანძილზე გაიჭრნენ.

ურარტუს სახელმწიფოს ნანგრევებზე ჩამოყალიბდა აღმოსავლურ-ქართული ელემენტის ჰეგმონობით დიდი პოლიტიკური გაერთიანება, რომელსაც ადრინდელი ხანის ბერძნული წყაროები „სასპერების“ გაერთიანებას უწოდებენ. V საუკუნის ბერძენი მწერლის ჰეროდოტეს ცნობით, სასპერების ხალხს ეკირა მთელი ტერიტორია მიდიიდან კოლხეთამდე. სამხრეთ საქართველოს ტერიტორიაზე ჩვენ ვხვდებით შემდეგი სპერის სახელწოდების მქონე ოლქს, რის გაძოც ხერხდება „სასპერა“ — სახელში სა—ქართულ წინსართად მივიჩნით, რაც ლაპარაკობს ამ მსხვილი გაერთიანების ქართული ხასიათის სასარგებლოდ...

აღმოსავლურ-ქართული ელემენტის სამხრეთით შორს გაქრის მოვლენა ჩანს ძველი ბერძენი და რომაელი მწერლების სხვა ცნობების მიხედვითაც; უკვე V საუკუნის მწერლები ჩ. წმდე ვანის ტბის სამხრეთ-დასავლეთით, მდ. ტიგროსის ზემოწელზე, იხსენიებენ კარდუხების ხალხს, რომელთა სახელწოდებად, თუ მას ბური-ურარტული სატომო სახელების მაწარმოებელ „ხი“ — დაბოლოებას ჩამოვაცილებთ, „კარდუ“ დაგვრჩება. ეს ხალხი აღმოსავლურ-ქართული წარმოშობის უნდა ყოფილიყო. მათი სახელი „კარდუ“ (ვამოთქმაში უნდა გვექონოდა „ქართუ“) იდენტურია აღმოსავლურ-ქართული გაერთიანების ჰეგმონი ტომის ადგილობრივი სახელისა („ქართუ“ აქედანაა „ქართუ-ელი“ — „ქართველი“). კარდუ — ხალხის ქართველურობას ამქდაგნებს ამ ხალხის სახელის ამავე დროს წყაროებში „კორდუ“ („გორდუ“-ს) ფორმით ხმარებაც. ეტყობა, ამ დროს აღმოსავლურ-ქართული ტომის კარდუს გვერდით მეგრულ-ქანურ მოსახლეობას უცხოვრია, რომლის ენიდან უნდა მიეღოთ ბერძნებსა და სომეხებს ამ ხალხის სახელი „კორდუ“ (გორდუ-ქორთუს) ფორმით. რაკი კარდუ და კორდუ სახელები ქართულ და მეგრულ-ქანურ ენებისათვის დამახასიათებელ ბგერით შესატყვისობას ავლენს (ქართული „ა“-ს ნაცვლად მეგრულში საერთო-ქართული წარმოშობის სიტყვებში, როგორც წესი, „ო“ უნდა გვექონდეს. ასე მაგალითად, გვაქვს ქართული „კაცი“-ს შესატყვისად მეგრული „კოჩი“ და სხვ). ეს გარემოება კი იმაზეც ლაპარაკობს, რომ ურარტუს სამეფოს

დაცემის შემდეგ აღმოსავლურ-ქართულ ტომებთან ერთად სამხრეთით უნდა გაქრილიყვნენ დასავლურ-ქართული ტომებიც.

ძველ ბერძნულ ტრადიციაში დაცულია კიდევ არა ერთი ცნობა აღმოსავლურ-ქართული ელემენტისა თუ მისი პოლიტიკური ძალაუფლების სამხრეთით შორ მანძილზე გავრცელების შესახებ. ასე მაგალითად, ჩ. წ-მდე II საუკუნის მწერალ აპოლოდორს დაცული აქვს უფრო ადრინდელი ტრადიცია იმის შესახებ, რომ იბერია (ასე ეძახდნენ უცხოელები ჩრდილოეთის აღმოსავლურ-ქართულ გაერთიანებას) მდ. არაქსამდე განივრცობოდა.

აღმოსავლეთ ამიერ-კავკასიაში ქართული ელემენტის ჰეგემონობით ჩამოყალიბებულ ამ დიდ გაერთიანებებში, რა თქმა უნდა, შედიოდა ძველი ურარტუს სამეფოს ტერიტორიაზე მცხოვრები ბევრი ხური-ურარტელი ტომი, აგრეთვე ამიერ-კავკასიასა და მის სამხრეთით დამკვიდრებული ჩრდილო-კავკასიური („სკვითურ-სარმატული“) მოდგმის ტომები. ამ გზით მომზადდა ყველა მათი გათქვეფა ქართველ ტომებში და ქართველი ხალხის შემადგენლობაში შესვლა.

4. მუშქების ხალხი და უმჯველესი აღმოსავლურ-ქართული გამართიანება

ქართველი ხალხის შემადგენლობაში უნდა მოხვედრილიყო კიდევ სამხრეთ-დასავლეთიდან, მცირე აზიიდან ამოძრავებული, როგორც ჩანს, ქართველურივე წარმოშობის, ტომების მნიშვნელოვანი ნაკადი. ესაა — მესხების ხალხი, რომელიც ასურეთისა და ურარტუს სამეფოთა ხანაში მცირე აზიის აღმოსავლეთ პერიფერიაზე ცხოვრობდა. ასურული და ურარტული წარწერები მათ მუშქებს ეძახოდნენ.

VIII საუკუნეში ჩ. წ-მდე მუშქების მეთაურობით მცირე აზიაში დიდი გაერთიანება არსებობდა, რომელსაც ბერძნული ტრადიცია ფრიგიის სამეფოს სახელით იცნობს. ურარტუს მეფეებს VII საუკუნეში თავისი სამეფოს დასავლეთ საზღვრებზე ბრძოლები ჰქონდათ მუშქების ხალხთან, რომელთა წინააღმდეგ ბრძოლაში ისინი ფართოდ იყენებდნენ კიმერიელთა დაქირავებულ რაზმებს.

ურარტუს სამეფოს დაცემამ მუშქებს გზა გაუხსნა აღმოსავლეთითა და ჩრდილო-აღმოსავლეთით. მათ წამოიწიეს ჩრდილო-აღმოსავლეთით და საქართველოს სამხრეთ-დასავლეთ რაიონში დასახლდნენ. მათი ნაწილი, ეტყობა, კიდევ უფრო ჩრდილოეთით გამოიქრა. ამის ნიშანია ის, რომ მცხეთის სასელი ამ ხალხის სახელიდან ნაწარმოები ჩანს (მცხე-თა, შდრ. სა-მცხე), ან კიდევ ძველი იბერიის უზენაესი ღვთაება არმაზი ხეთურ-მცირეაზიულ სახელს ატარებს (ხეთებში და მცირე აზიის სხვა ხალხებში „არმას“ მთვარის ღმერთის სახელი იყო).

როგორც ვხედავთ, უკვე ჩ. წ-მდე VIII საუკუნიდან დაწყებული, ამიერ-კავკასია ხალხთა გადაადგილების ასპარეზი გახდა. ურარტუსა და მანას ძლიერი სამეფოების დაცემამ VI საუკუნის დასაწყისში ხალხთა ეს მოძრაობა კიდევ უფრო ინტენსიური გახდა. აღმოსავლეთ ამიერ-კავკასიაში ქართველი ტომების ჰეგემონობით ჩამოყალიბდა დიდი გაერთიანებული, რომელშიაც ქართველ ტომებს გარდა შევიდნენ ნაირი-ურარტუს ძველი ჰეგემონი ხური-ურარტელი ტომები და აქ დასახლებული სკვითურ-სარმატული მოდგმის ტომები. ამავე ხანებში აღმოსავლურ-ქართული გაერთიანების წიაღში მოხვდა მცირეაზიურ-ხეთური სამყაროდან ამოძრავებული მუშქების ხალხი. ყველა ეს ტომები შემდეგში ამიერ-კავკასიაში ძველიდანვე მცხოვრებ ქართველ ტომებს შეერწყნენ და ქართველი ხალხის შემადგენლობაში შევიდნენ.

წ. სომეხი ტომების მსხვილ გაერთიანებათა ჩამოყალიბება და მათ მიერ ნაირი-ურარტუს ტერიტორიის თანდათანობითი დაკავება

ურარტუს დაცემის შემდეგ მუშქებ-მესხებთან ერთად სამხრეთ-დასავლეთიდან აღმოსავლეთისა და ჩრდილო-აღმოსავლეთის მიმართულებით ამოძრავდნენ და ძველი ნაირი-ურარტუს ტერიტორიაზე ნელ-ნელი შემოსვლა იწყეს სომეხმა ტომებმაც.

სომეხი ტომების გაერთიანება უკვე ურარტუს არსებობის ხანაში უნდა ჩამოყალიბებულყო ურარტუს დასავლეთით, მცირე აზიის აღმოსავლეთ პერიფერიაზე.

სომეხი ხალხი ეხით მონათესავე ჩანს მცირე აზიის იმ ხალხებისა, რომლებიც თავისი ერთ ინდოევროპელი ხალხების ოჯახთან ახლო დგანან. ზოგი მკვლევარი სომხურ ენას ძველი მცირე აზიის ისეთ ენებთან ერთად, როგორცაა ხეთურ-ნესიტური, ხეთურ-ჰიეროგლიფური, ლუვიური, ლიკიური და ლიდური, ინდოევროპული ენების თავისებურ შტოდ მიიჩნევს. სომხური ენისა და სომხების წარმართული პანთეონის მცირეაზიულ-ხეთურ სამყაროსთან სიახლოვის ბევრი ფაქტი გამოავლინა პროფ. გრ. ლაფანციანმა, რომელმაც ყურადღება მიაქცია იმ გარემოებას, რომ ამასთან შედარებით ურარტული ენისა და ურარტელთა რელიგიის გავლენა სომხურ სამყაროზე სრულიად უმნიშვნელო ჩანს. ეს იმის ნიშანია, რომ სომეხი ტომების კონსოლიდაცია უნდა მომხდარიყო მცირე აზიაში ჯერ კიდევ ურარტუს ტერიტორიაზე მათ შემოსვლამდე.

ის, რომ სომეხი ხალხის ჩამოყალიბების მთავარი კერა ურარტუს დასავლეთით მდებარე ტერიტორია იყო, კარგად ჩანს იმ სახელწოდებათა მიხედვით, რითაც სომეხი ხალხი აღინიშნება. სომხები თავის თავს „ჰაი“-ებს უწოდებენ, უცხოელები — „არმენებს“, მეზობელი ქართველები კი „სომხებს“ ყველა ეს სახელი ტერიტორიალურად სწორედ ურარტუს დასავლეთ პერიფერიას, მდ. ტიგროსისა და ეფრატის ზემოწელის რაიონში მდებარე ქვეყნების სახელებს უკავშირდება — ხეთურ წყაროებში დამოწმებულ ხაიასას ქვეყნის, ასურული და ურარტული წყაროების არმე და სხვა მსგავსი სახელების მქონე ქვეყნების, ასურული წყაროების სუხმის (გამოთქმაში იყო აღბათ „სოხმი“) ქვეყნის სახელებს.

მცირე აზიის აღმოსავლეთ პერიფერიაზე ჩამოყალიბებულ სომეხ ტომთა ამ გაერთიანებას ხელ-ფეხი გაუხსნა ასურეთისა და ურარტუს დაცემამ. სომეხი ტომების გაერთიანებამ თუ გაერთიანებებმა დაიწყო აღმოსავლეთისაკენ მოძალება და ძველი ასურეთისა და ურარტუს იმპერიათა მთელი რიგი

ტერიტორიების დაკავება. ანტიკური ხანის ავტორების ცნობებიდან კარგად ჩანს, რომ სომხური ელემენტის ეს შეზღვევა ძველი ნაირი-ურარტუს ტერიტორიაზე საუკუნეთა განმავლობაში მიმდინარე ხანგრძლივი პროცესი იყო. ამ პროცესმა თავის უმაღლეს წერტილს ჩ. წ-მდე I საუკუნეში ზილწია, როდესაც სომხეთის ხელისუფალთა პოლიტიკური ძალაუფლება გარკვეული დროით ძველი ნაირი-ურარტუს თითქმის მთელ ტერიტორიაზე გავრცელდა.

6. დასავლურ-ქართული ტომების უკველანი გამართიანებები

ზნიშვნელოვან ამბებს აქვს ადგილი ამ ხანებში დასავლეთ საქართველოშიც. ზემოთ დავინახეთ, რომ XII—VIII საუკუნეთა მანძილზე სამხრეთ-დასავლეთ საქართველოს ტერიტორიაზე არსებობდა ხურიტული ტომების ჰეგემონობით ჩამოყალიბებული მსხვილი გაერთიანება — დიაუხის სამეფო, რომლის სამხრეთი პერიფერია დღევანდელი არზრუმისა და მდ. ყარასუს სათავეების რაიონში მდებარეობდა, ჩრდილოეთით კი მისი ტერიტორია ზოგჯერ შავი ზღვის სამხრეთ-აღმოსავლეთ სანაპიროებამდე აღწევდა. ძველთაგანვე ამ გაერთიანებაში ხურიტებს გარდა შავი ზღვის სამხრეთ-დასავლეთ კუთხეში მცხოვრები ქართველი ტომებიც შედიოდნენ.

დასავლურ-ქართული (მეგრულ-ქანური) ტომები ძველთაგანვე დიდ ტერიტორიაზე იყვნენ გავრცელებულნი, დღევანდელ დასავლეთ საქართველოსა და, აგრეთვე, შავი ზღვის სამხრეთ სანაპიროებზე. ძველადმოსავლურ ხანაში მათ უშუალო შეხება ურარტელებთან, შეიძლება, არც ჰქონიათ. ურარტელებისაგან ისინი ხურიტული მოსახლეობით და, კერძოდ, დიდი ხურიტული გაერთიანებით — დიაუხის სამეფოთი იყვნენ გამოყოფილი, რომელშიც მათი ნაწილი შედიოდა კიდევ. არის იმისი ნიშნები, რომ უკვე ძველადმოსავლურ ხანაში უნდა დაწყებულიყო დიაუხის დიდი გაერთიანების ტერიტორიაზე ჰეგემონობის გადასვლა ხურიტული ელემენტიდან

დასავლურ-ქართული წარმოშობის ტომების ხელში, რომლებშიც შემდეგ ამ ადგილებში მცხოვრები ხურიტული მოსახლეობა გაითქვიფა.

მას შემდეგ, რაც VIII საუკუნის შუახანებში, არგიშთი I-ის დროს, ურარტელებმა გაანადგურეს დიაუხის დიდი სამეფო, მისი ტერიტორიის ნაწილი მოექცა უფრო ჩრდილოეთით არსებულ სამხრეთ-დასავლეთ საქართველოს ტომების მსხვილი გაერთიანების ფარგლებში, რომელსაც ურარტული წარწერები კულხას ეძახიან (გამოითქმოდა, ალბათ, „კოლხა“-დ. ურარტულ დამწერლობას არ შეეძლო „ო“ ბგერის გადმოცემა).

ამ დიდი გაერთიანების ცენტრი დიაუხის ჩრდილოეთით იყო, იქ სადაც შემდეგში სამხრეთ საქართველოს ერთ-ერთი ოლქი—კოლა იყო (სახელი „კოლხა“ ამავე „კოლა“-დანაა ნაწარმოები ხურიტული სატომო სახელების მაწარმოებელი დაბოლოების—„ხა“-ს დართვით). ამ გაერთიანების ფარგლებში მოექცა დიაუხის სამეფოს ერთი ნაწილი (მაგალითად, ხუშანის ქვეყანა, რომელიც არგიშთი I-ის დროს დიაუხის შემადგენლობაში შედიოდა, მისი მემკვიდრის, სარდური II-ის დროს, უკვე კოლხას ფარგლებშია მოქცეული).

სარდური II-ის დროს ურარტელებს დიდი ბრძოლები ჰქონდათ კოლხას სამეფოსთან. მაგრამ მალე ამის შემდეგ ურარტუ დასუსტდა; მას ხელი აღარ მიუწვდებოდა ისეთ შორეულ ქვეყნებზე, როგორც იყო კოლხა. ამ დროიდან იწყება კოლხას სამეფოს ძლიერების გაფურჩქვნა, რომლის დროსაც მის ფარგლებში მოექცა შავი ზღვის სამხრეთ და აღმოსავლეთ სანაპიროებზე მდებარე ტერიტორიის მნიშვნელოვანი ნაწილი. ეს ის დრო იყო, როდესაც დაიწყო ბერძნების მიერ ახალშენების მოწყობა შავი ზღვის სამხრეთ-აღმოსავლეთ და აღმოსავლეთ სანაპიროებზე. პირველი ბერძნული კოლონიები აქ, ეტყობა, იმ დროს გაჩნდა, როდესაც არსებობდა კოლხას ეს ძლიერი სამეფო, რის გამოც ამ გაერთიანების სახელი ბერძნებთან შავი ზღვის სამხრეთ-აღმოსავლეთითა და აღმოსავლეთით მდებარე ვრცელი ტერიტორიის ზოგად სახელად გადაიქცა (ბერძნების „კოლხიდა“, ქართ. „კოლხეთი“).

ბერძნულმა ტრადიციამ არგონავტებზე მითის სახით შემოინახა კოლხეთის ტერიტორიაზე უძველეს ხანებში არსებული დიდი სამეფოს ძლიერებისა და ბრწყინვალეების გამოძახილი. ეს, ალბათ, სწორედ ისტორიულად არსებული, უკვე ძველ-აღმოსავლურ ხანაში ამ ტერიტორიაზე აღმოცენებული კოლხას ძლიერი სამეფოს ძლიერებისა და ბრწყინვალეების ანარეკლია.

* * *

ამრიგად ურარტუს სამეფოს ნანგრევებზე ჩამოყალიბდა ქართველი და სომეხი ტომების მსხვილი გაერთიანებები, ძველი ნაირი-ურარტუს ტერიტორიაზე ჰეგემონობა ხური-ურარტელი ტომებიდან ქართველი და სომეხი ტომების ხელში გადავიდა. ქართველი ტომების მსხვილ გაერთიანებათა ფარგლებში მოექცა, შემდგომში ქართველ ტომებში გაითქვიფა და ქართველი ხალხის შემადგენლობაში შევიდა ზოგი ჩრდილო-კავკასიური (სკვითურ-სარმატული) ტომი და ხეთურ-მცირეაზიულ სამყაროდან წამოსული ზოგი ტომი. ამ გზითაც ქართველი ხალხი მემკვიდრე შეიქნა ძველი აღმოსავლეთის ხალხების მდიდარი კულტურული მემკვიდრეობისა, რაც მან თავისში მიიღო ამ კულტურის მატარებელი ხალხის ნაკადთან ერთად.

ქართველი ხალხის შემადგენლობაში შევიდა, აგრეთვე, როგორც ვთქვით, ურარტელი და ხურიტი ტომების მნიშვნელოვანი ნაკადი. ხური-ურარტული ენისა და ხალხის სახით ჩვენ, როგორც აღნიშნული გვქონდა, ქართულ-კავკასიურ სამყაროსთან ახლო მდგომ, მონათესავე სამყაროსთან გვაქვს საქმე. ხურიტული და მისი ერთ-ერთი დიალექტი—ურარტული, ძველი აღმოსავლეთის ენათა იმ ჯგუფს ეკუთვნის, რომელიც ყველაზე ახლოს ქართულ-კავკასიურ ენათა ჯგუფთან დგას. ურარტული და მისი მონათესავე ხურიტული ენა ბევრ რამეში ამეღავენებს სიახლოვეს ქართულ-კავკასიურ ენობრივ სამყაროსთან, პირველ ყოვლისა გრამატიკული წყობის მხრით.

საინტერესოა, აღინიშნოს, აგრეთვე, ლექსიკური შეხვედრებიც ქართულსა და ურარტულ ენებს შორის. ასე მაგალი-

თად, ურარტულში ვხვდებით ჩვენ იმავე ან ახლო მდგომი მნიშვნელობით ქართველური ენების ისეთ სიტყვებს, როგორიცაა: სერი („ლაჲე“ ქანურ-მეგრულში), უბანი, ცოცხალი (ძველი ქართულის „ცხოველი“), ყურძენი, ყოველი, ქური (ქანურ-მეგრული შესატყვისი ქართული „ქუსლი“-სა), სვლა, ცოლი (ქანურ-მეგრულის „ჩილი“), წელი და მრავალი სხვა-საინტერესოა, რომ ურარტული ენის მონაცემებით ხერხდება დღეს თავისი შედგენილობით გაუგებარი ზოგი ქართული გამოთქმის ახსნაც კი. ასე მაგალითად, დღევანდელი ქართველისათვის თავისი შედგენილობით სრულიად გაუგებარია ისეთი გამოთქმები, როგორიცაა „ყირამალა“, „ყირაზე გადასვლა“. ეს გამოთქმები გასაგები გახდება თუ დაუშვებთ, რომ „ყირა“ აქ „ნიწის“ მნიშვნელობით იხმარება („ყირამალა“ — „მიწა მალა“, „თავდაყირა“ — „თავით მიწისაკენ“, „ყირაზე გადასვლა“ — „მიწაზე გადასვლა (თავით)“ და სხვ.). ამასთან დაკავშირებით კი ყურადღებას აქცევენ იმას, რომ „კირა“ (გამოითქმოდა შეიძლება „ყირა“-დ) ურარტულად სწორედ „მიწას“ ნიშნავს და შემომოყვანილ ქართულ გამოთქმებში შეიძლება სწორედ ეს ურარტული სიტყვა გვაქვს. ასეთი მდგომარეობა უნდა გვქონდეს ჩვენ ქართული სიტყვის „შარშან“-ის შემთხვევაშიც. მნიშვნელობით ეს სიტყვა „წინა წელს“, „იქითა წელს“ ნიშნავს, მაგრამ შედგენილობით სავსებით გაუგებარია დღევანდელი ქართველისათვის. ეს სიტყვაც ურარტული ენის მონაცემებით შეიძლება აიხსნას. ურარტულად „შალი“ „წელს“ ნიშნავდა, „იშანი“ კი — „იქით“, „იმ“-ს. „შალიშანი“ ურარტულად იქნებოდა: „იქითა წელს, იმ წელს“ ე. ი. სავსებით ის, რასაც ნიშნავს ქართული „შარშან“. მნიშვნელობით ქართული „შარშან“ სავსებით ემთხვევა ურარტულ „შალიშანს“, ბგერითი შედგენილობის მხრივაც მათ შორის უცილობელი მსგავსებაა.

ამავე თვალსაზრისით ყურადღებას იქცევს ის გარემოებაც, რომ ჩვენ არა ერთი ქართული სიმღერის მისამღერში ვხვდებით დღევანდელი ქართველისათვის სრულიად გაუგებარ სიტყვებსა და გამოთქმებს, რომელთაგან არა ერთის ახსნა ხერხდება სწორედ ურარტული ენის მეშვეობით. ყურადღება მიაქციეს, მა-

გალითად, რომ ქართული სიმღერების ამ მისამღერებში იხსენიება წინა აზიის უძველესი მოსახლეობის არა ერთი ღმერთის სახელი, მათ შორის ხშირად გვხვდება მოსავლის ღვთაება არალეს (ალალეს) სახელიც. ყველაზე უფრო საინტერესოა ის, რომ ამ ღმერთთან დაკავშირებით ქართულ სიმღერებში თავს იჩენს სიტყვები, რომლებიც დღემდე ქართველისათვის გაუგებარია, მაგრამ უჩარტულ ენაში კარგად ცნობილ სიტყვებს წარმოადგენენ—მაგალითად, გვხვდება გამოთქმები „იერი ალალე“, „თარი არალე“ („თარი ალალე“), „არი ალალე. ივრა“ („ევრი“) უჩარტულად „მეფეთეს“, „ბატონს“ ნიშნავს, ასე რომ ქართული მისამღერის „იერი ალალე“ ნიშნავს „მეფეთეო ალალე“; „თარი“ („თარაი“) უჩარტულად „დიდს“, „დიდს“ ნიშნავს, ასე რომ „თარი არალე“ ნიშნავს „დიდო ალალე“; რაც შეეხება „არი ალალეს“, აქაც „არი“ უჩარტული სიტყვა ჩანს: „არი“ კანონსომიერი ფორმაა მე-2 კარის მხოლოდითი რიცხვისა ბრძანებითი კილოსი უჩარტულ ზმნის ძირიდან „არუ-“, რაც „ნიკეჟა“ ნიშნავს. ასე რომ „არი“ უჩარტულად ნიშნავს „მომეც!“ („მომეცე!“). ამრიგად მთლიანად „არი ალალე“ ნიშნავს: „მომეც (ღმერთო) ალალე!“ როგორც ვხედავთ, დღემდე ქართველები მღერიან სიმღერებს, სადაც საკმაოდ დიდი ოდენობით ისმის უჩარტული სიტყვები და გამოთქმები. ამრიგად, თავისი შედგენილობით დღევანდელი ქართველისათვის გაუგებარი ზოგი ქართული სიტყვა და გამოთქმა როგორც ჩანს, უჩარტული ენის მონაცემებით შეიძლება აიხსნას.

უკვე ის, რის გამოვლენაც ჯერ-ჯერობით ხერხდება, გვიჩვენებს, რომ ენობრივად უჩარტული და ქართული საშუალო საკმაოდ ახლო დგას ერთმანეთთან. ერთის მხრით ჩანს ფაქტები, რომლებიც მონათესაობაზე ლაპარაკობენ, მეორეს მხრივ კი ჩანს ისეთი ფაქტებიც, რომლებიც თითქოს ქართულ ენაში პირდაპირ უჩარტულ ენაზე მოლაპარაკე კოლექტივს უნდა შემოეჭანა. ასეთი ფაქტები ადასტურებენ ზემოთ სხვა რიგის საბუთების საფუძველზე გაკეთებულ დასკვნას, რომ უჩარტული ხალხის მნიშვნელოვანი ნაკადი სწორედ ქართველი ხალხის შემადგენლობაში უნდა შესულიყო.

ბოლოსიტყვაობა

წინამდებარე ნარკვევი ძირითადად იმ ხანას ეხება რომელსაც კაცობრიობის ისტორიაში „ძველადმოსაელურ ხანას“ უწოდებენ. ძველი აღმოსავლეთის ისტორია—ახალგაზრდა მეცნიერებაა. მას მხოლოდ გასულ საუკუნეში ჩაეყარა მტკიცე მეცნიერული საფუძველი იგი დღესაც სწრაფ განვითარებას განიცდის, რის გამოც ბევრი მოვლენის შესახებ ჩვენი წარმოდგენა აქ ხშირად ძირფესვიანად იცვლება, სწორდება, ზუსტდება. ყოველივე ეს ითქმის ძველი აღმოსავლეთის ერთ-ერთი უდიდესი სახელმწიფოს—ურარტუს შესახებაც. ურარტუს ისტორიისა თუ ურარტული ენისადმი მიძღვნილი ბევრი ნარკვევი ვერ იგას მეცნიერების დღევანდელი დონის სიმალლეზე და მრავალი შეკდომის გავრცელების წყარო ხდება. ჩვენს მიზანს შეადგენდა მკითხველისათვის მიგვეწოდებინა ის ძირითადი, რისი თქმაც შეიძლება დღესდღეობით ქართული ხალხის უძველესი ისტორიისათვის უაღრესად დიდი მნიშვნელობის მქონე ურარტუს სახელმწიფოს შესახებ. რა თქმა უნდა, ნაშრომის მცირე მოცულობა და მისი პოპულარული ხასიათი არ იძლეოდა ამ მიზნის მთელი სისრულით განხორციელების შესაძლებლობას.

ნარკვევში ფართოდაა გამოყენებული ურარტუსა და ამიერ-კავკასიის ხალხთა უძველესი ისტორიისადმი მიძღვნილი ჩვენი ცალკეული წერილები, რომლებიც გამოქვეყნებულია საქ. სსრ მეცნიერებათა აკადემიის ივ. ჯა-

ვახიშვილის სახელობის ისტორიის ინსტიტუტის შრომებში („ანალები“, I 1947; „მიმომხილველი“, I, 1949), „საქ. სსრ მეცნიერებათა აკადემიის მოამბე“-ში (ტ. VII, № 6, 1946; ტ. XI, № 10, 1950; ტ. XII, № 2, 1951) და ჟურნალში „Вестник Древней Истории“ (1947 წ. № 4, 1948 წ. № 2, 1949 წ. № 1, 1950 წ. № 4, 1951 წ. № 3), აკრეთვე ზოგი ჯერ კიდევ გამოუქვეყნებელი ნაშრომი, სადაც წარმოდგენილია სათანადო საბუთიანობა ზოგი იმ მოსაზრებისა, რომელიც წინამდებარე ნარკვევში ასეთი დასაბუთების გარეშეა შეტანილი.

დასასრულს, სასიამოვნო მოვალეობად მიგვაჩნია მაღლობა გადავუხადოთ პროფ. ბ. პიოტროვსკის კარმირბლურის არქეოლოგიური გათხრების ფოტო-მასალების გამოსაქვეყნებლად დათმობისათვის.

ა. ვ. ბ. რ. ი.

შ ი ნ ა ა რ ს ო

ქართველი ხალხის წინაპრების საკითხი ენის შესახებ სტალინური მოძღვრების სინათლეზე	83- 3
I ნაირი-ურარტუს ხალხები ურარტუს სამეფოს წარმოქმნამდე	20
1. ხურიტების ძლიერების ხანა	20
2. ურარტული ტომები II ათასწლეულის დასასრულსა და I ათასწლეულის დასაწყისში ჩ. წ.-მდე	21
3. ნაირი-ურარტუს ტომებისა და ასურეთის ურთიერთობა ურარტუს სამეფოს წარმოქმნის წინა ხანაში	26
4. დაიაენის (დიაუხის) სამეფო — უძლიერესი ერთეული ნაირის მხარეში ურარტუს სამეფოს წარმოქმნამდე	33
5. დიდ სახელწოდებრივ გაერთიანებათა ჩამოყალიბების პირობების მომხადება ნაირი-ურარტუს მხარეში	37
II ურარტუს სამეფოს ხანა	43
1. მსხვილი პოლიტიკური გაერთიანებების ჩამოყალიბება ნაირის მხარეში IX ს-ში ჩ. წ.-მდე	43
ა. ურარტუს სამეფო	43
ბ. ნაირი—ხუბუშქაას სამეფო	44
გ. მანას ტომთა გაერთიანებების წარმოქმნა ურმიის ტბის რაიონში	46
2. ტუშუა-ბიანიის მმართველების ურარტუს სამეფოს სათავეში მოქცევა	50
3. ახლადწარმოქმნილი ურარტუს სამეფო და ნაირის მსხვილი ერთეულები	54
ა. მუსასირი და ურარტუ	54
ბ. ურარტუ და დაიაენის (დიაუხის) სამეფო	57
4. ურარტუს ძლიერების ხანა (ნაირის მხარე IX ს-ის დასასრულსა და VIII ს-ის პირველ ნახევარში)	59
ა. ასურეთი და ურარტუ	59
ბ. ნაირის სამხრეთ-აღმოსავლეთის ერთეულები (მუსასირი, ფარსუა, ბუშუთუ, მანა) და ურარტუ	62
გ. ვანის ტბის სამხრეთითა და დასავლეთით მდებარე რაიონები (ჩრდილოეთი მესოპოტამია და ჩრდილოეთი სირია)	65

დ. სანზრეთი ამიერ-კავკასია	68
5. ასურეთის ხელახალი გაქლიერება. ურარტუს მარცხები (ტიგლათფილესერ III-ისა და სარგონ II-ის ხანა)	86
6. ნაირი-ურარტუს მხარე VII საუკუნეში ჩ. წ-მდე	109
7. ურარტუსა და მანას სამეფოების დაცემა	106
8. ნაირი-ურარტუს ხალხების კულტურა	108
ა. მატერიალური კულტურა	108
ბ. რელიგია	117
გ. დამწერლობა და მწერლობა	122
III ნაირი-ურარტუს მხარე ურარტუს სამეფოს დაცემის შემდეგ	123
1. ქართული ტომები ურარტუს სანეფოს არსებობის ხანაში	128
2. სკიითურ-საომატული მოდგმის ტომები ამიერ-კავკასიაში	130
3. სანზრეთ ამიერ-კავკასიის ურარტული ცენტრების განადგურება და დიდი აღმოსავლურ-ქართული გაერთიანებების ჩამოყალიბება	134
4. მუშქების ხალხი და ურედეისი აღმოსავლურ-ქართული გაერთიანებები	138
5. სომეხი ტომების მსხვილ გაერთიანებათა ჩამოყალიბება და მათ მიერ ნაირი-ურარტუს ტერიტორიის თანულათანობითი დაკავება	139
6. დ.სავლურ-ქართული ტომების უძველესი გაერთიანებები	141
ბ ო ლ ო ს ი ტ ყ ვ ა ო ბ ა	146

